

140/  
1972/2



სამცხე

8

1972



მუშაობიდან დაბრუნებულ მოსწავლეთა  
ქრიაშული ეფინება გარემოს.

შეჯიბრება სიბილში — 305 მოვა კირპილი?



მირი  
ხარკიანი



# როგორ იყვანვილოს საგუროს ზვრებსა

საცდელი მეურნეობის ბაზაზე არსებული შრომისა და დასვენების ბანაკშიც არაფერია დაგვიხვედრია, სადაც თბილისელ ბავშვებს, ქალაქის 22-ე საშუალო სკოლის მოსწავლეებს უნდა შევხვედროდით...

სხვადასხვა სასოფლო-სამეურნეო კულტურების ნაკვეთები უკრულ პეიზაჟს ქმნის. იქით კი ბაღები და ვენახებია. ირგვლივ დამატობელი სურნელება დგას. ხალისიანი სიჩუმე სუფევს... სიჩუმე, რომელსაც მალე ბავშვების ჟრიაბული და მხიარული სიმღერა არღვევს — ჭარხლის ნათესებს აქაურ კოლმეურნეთა და სასოფლო-სამეურნეო ინსტიტუტის პრაქტიკაზე მყოფი სტუდენტების მხარდამხარ თბილისელი მოსწავლეებიც შესევიან. მთელი ნაკვეთის სივანეზე გაშლილან ისინი და სხვათა თანაბრად გააქვთ თავთავიანთი სვე-ნამხარი... გულოვნად მოქნეული თოხის პირები მზის სხივებზე გაიღვებენ, გაილაპლაპებენ, გააკვესავენ...

ჩვენ შორიასლოდან შევცქეროდით მიწასთან მათს ბრძოლას. რაოდენი მონღოლება იგრძნობოდა ბავ-

შუადღის მზე დასდგომოდა მუხრანის ველ-მინდვრებს. სიცხის ბული ასდიოდა მწვანედ გადაბინებულ სანახებს. ხშირი წვიმებისაგან დაბუბუბებული მიწა სულს ითქვამდა, მკერდს იშრობდა. როგორც იქნა, დაუდგათ კოლმეურნეებს ნანატრი დღე — ახლა შეიძლებაოდა ყანაში გასვლა, ხვართქლამოდებული, სარეველა ბალახებისაგან შეწუხებული, ნათესების მიხედვა, მოვლა-მიპატრონება. ალბათ ამიტომაც იყო მთელი სოფელი დაცარიელებული. მუხრანის სასოფლო-სამეურნეო ინსტიტუტის



11844  
**საბჭოთა საქართველო**

8  
ავისტო  
1972

საქართველოს ალკა ცენიარაი  
კომიტეტის და პ. ი. ლენინის სახელობის  
წილად კომუნისტური ორგანიზაციის  
რედაქციის სახელს უკავალთქიადი  
საბავშვო ჟურნალი

გამოდის 1926 წლიდან  
საქ. კ. მ. მ. მ.  
გამომცემლობა

თავაში „სუფთა ჰაერში“...

— ბანაკები გნებავთ? აი, ამ გზას გაჰყვებით, მეურნეობის მინდვრებზე იქნებიან... — მიგვასწავლესაერთო საცხოვრებლის დარაჯმა. ირგვლივ სანახებია: სიმინდის, ჭარხლის, ხორბლის, შვრისა და

შვების მოძრაობაში, მათს სწრაფვაში, უფროსებს არ ჩამორჩებოდნენ. გვაოცებდა მათი სიმარჯვე. განაწილია მიწასთან შებრძოლება კიდევ გაუვარჯიშებელი, შეუწყველი მკლავ-მუხლით გაჭიბრება



მოცდილ უფროსებთან?

და რომ მათი ხნოვანება და პიონერული სიმღერა არა, ალბათ ვერც შეატყობდა კაცი, ვინ იყო აქ ქალაქელი და ვინ ადგილობრივი — აქაურ ბარაქიან ზვრებში შრომასა და გარჯაში გამოწრთობილი, რომელი იყო კოლმეურნე, რომელი — სტუდენტი და მოსწავლე...

მალე ნაკვეთს მეურნეობის ახალგაზრდა თავკაცი — როდენ მემარნიშვილი, ოცდამეორე საშუალო სკოლის დირექტორი სესილ გველეზიანი და მისი მოადგილე აღმზრდელობით დარგში ლამარა ჭანტურია ეწვივნენ. მათ აინტერესებდათ თუ როგორ მიდიოდა საქმე — რა პირი უჩანდა სამუშაოს, რა გუნება-გან-

წყობილება სუფევდა ნორჩ კოლმეურნეებში“.

აქ ბავშვები, უბირველესად, მიწის სიყვარულს სწავლობენ, — ამბობს როდენ მემარნიშვილი, რომელსაც ბავშვების ნაღვანით კმაყოფილება სახეზე ეტყობა. — ამ გრძნობის გავლენებზე კი ისევე საჭიროა ახალგაზრდობაში, როგორც სწავლისადმი სიყვარულის ჩანერგვა. ქართველი კაცისთვის მიწასთან მეგობრობა ყოველთვის იყო დედა ყოველი სიკეთისა, სწორედ ამიტომაც უწოდა მას დედამიწა. ალბათ არც რა აკეთილშობილებს ადამიანს ისე, როგორც მიწასთან ჭიდილი. რამდენ რამეს სწავლობენ აქ ბავშვები? რამდენ საიღუმლოებას სწვდება მათი ცნობისმოყვარე გონება? ჰკითხეთ რამე რომელიც გნებავთ ქალაქელ ბავშვს, სასოფლო-სამეურნეო კულტურებზე, მცენარეებზე, ბალახებზე... ბევრი მათგანი ჰვავსა და ხორბალს ვერ გამოარჩევს ერთმანეთისაგან. ოცდამეორე საშუალო სკოლის მოსწავლეები კი, შეუცდომლად დაგისასიანთებენ, ადგილწერენ თითოეულ მათგანს... ბავშვები სწავლობენ აგრეთვე მშრომელი ადამიანის პატივისცემას, დაფასებას, ერთმანეთისა და ბუნების სიყვარულს...

— არ გეგონოთ, რომ ისინი აქ მხოლოდ მუშაობით იყვნენ დასაქმებულნი, — ჩაერიო ჩვენს საუბარში ლამარა ჭანტურია — ნაშუადღევს, ყანებიდან დაბრუნების შემდეგ ბავშვები სადილობენ, ისვენებენ, მერე კი ემზადებიან მხატვრული საღამო-კონცერტებისათვის. ყოფილი მუხრან-ბატონის სასახლეში კვირაში ერთხელ იმართება შეხვედრა ადგილობრივ მოსახლეობასთან, კოლმეურნეებთან, ინტელიგენციასთან, ასევე მათს თანატოლებთან. ამაღამ, მაგალითად, გვინდა მოვაწყუთ მხატვრული კითხვის საღამო. ბავშვებმა თავისი თაოსნობით შინმოუსვლელ პოეტთა შემოქმედება აირჩიეს თემად.

გვეწვიეთ შეხვედრაზე, საკუთარი თვლით ნახეთ ყოველივე, მგონი ნასიამოვნები დარჩებით — მინდორში ტრიალი ერთია, ახლა გამოვეცადოთ ისინი სცენაზე...

ბავშვები მრავალფეროვანი ცხოვ-

- ჯამოვან ქვემოთ:**
1. მერთხე კლასელი მოსწავლეები მიზა ჯანჯღავა და ზაზა კახაბაძე. სიძვარულითა და საქმის ცოდნით აღგინენ მინდვრის მცენარეთა ჰარბარიუმს.
  2. ვაჟის აპვარასაც ცოდნა უნდა.
  3. ზარხლის ნაკვეთზე



რგბით ცხოვრობენ. მათ დაათვალიე-  
რეს მუხრან ბატონის ყოფილი პარ-  
კი, რომელიც ახლა ნაკრძალად არის  
გამოცხადებული. მოისმინეს ლეგენ-  
და სასახლის ეზოში გაშენებულ შა-  
დრევანზე, სადაც ერთ დროს თურ-  
მე ოქროსფრად ამოჩქეფდა ცნობი-  
ლი მუხრანული ღვინო, რომელიც  
სასახლის მარნიდან მიღებით ყო-  
ფილა გამოყვანილი.

ბავშვები გულდასმით ეცნობიან  
ადგილმდებარეობას, სწავლობენ ხა-  
ლხურ გადმოცემებსა და ზეპირსი-  
ტყვიერებას. თამაშობენ ფეხბურთს,  
ფრენბურთს, ეჭობრებიან ერთმანეთს  
სირბილსა და ხტომაში... საამისოდ  
მშვენიერი მოედანიც გააჩნიათ და  
ადგილობრივი ხელმძღვანელობის  
მხარდაჭერაც არ აკლიათ...

— როდის დაიწყო თქვენი მეგობ-  
რობა? — ვეკითხებით ოცდამეორე  
საშუალო სკოლის დირექტორს, სე-  
სილი გველესიანს.

— ოთხი წლის წინათ, — გვპასუ-  
ხობს იგი. — მაშინ საწარმოო პრაქ-  
ტიკა ბავშვებს ფაბრიკა-ქარხნებში  
ანდა სკოლის სახელოსნოებში უნდა  
გაეკლოთ, სადაც ძირითადად ქრა-  
კერვა და სადურგლო საქმე უნდა  
შეესწავლათ, როგორც ეს უმეტეს  
სკოლებში ხდება. ჩვენ გვინდოდა,  
როგორმე ორიგინალურად გადაგვე-  
წყვიტა ეს საკითხი — მართლაც რა  
აუცილებელი იყო მაინცდამაინც ბა-  
ვშვების ფაბრიკა-ქარხნებთან მიმაგ-  
რება, ანდა ჯერ კიდევ მოუწყობელ  
სკოლის სახელოსნოში ტყუილ-უბ-  
რლო ფუსფუსი? ჩვენ ვცდილობ-  
დით, რომ მოსწავლეთა შრომა რო-  
გორმე მათს დასვენებასთან შეგვე-  
ხამებინა. ერთი სიტყვით საწარმოო  
პრაქტიკის ახალ ფორმას ვეძებდით  
და მივაგენით კიდევ:

შემოდგომისპირზე კი, როცა წით-  
ლად შეირუყლება აქაურობა, როცა  
სიმინის ტარო დაუმძიმდება და  
ვაზს მტევანი დაუშაქრდება, ბავშვები  
კვლავ მოაკითხავენ თავიანთ ნა-  
ჯაფ-ნაამაგარს, ჰოდა, ერთი მაშინ  
ნახეთ ისინი — ყველას კმაყოფილე-  
ბისა და სიამოვნების ღიმილი რომ  
უკროთს სახეზე!

ჩვენ ზევით მივყვებით მინდორს.  
ნაკვეთები... ნაკვეთები... ჭრელ-ჭრელ-  
ლა ნაკვეთები. ბავშვები... მოფუ-  
ფუსე, მოყრიაშულე ბავშვები... სულ  
ოთხმოცამდე თბილისელი იკაეებს  
აქ კუნთებს, ხმინაობს და ჩოჩქო-  
ლობს... ასფალტის მერე რარბი-  
რბილია მიწა, რბილი და მშობლი-  
ური...

სულ მალა, იქ, სადაც ფერდობი  
იწყება, „მევენახეთა“ რგოლია, ასე  
უწოდებენ გია გაგნიძის ბრიგადას,

რომელმაც ვენახის მოვლა-პატრო-  
ნობა ითავა, ბავშვებს სტუდენტები  
ასწავლიან ვაზის აკრას, თითოეულ  
მთაგანს ასაკურელი კანაფის ძაფე-  
ბით აქვს ჯიბე გამოტენილი, ჩამდგა-  
რან ზვარში და ახლად შეწამლულ  
ვაზის ყლორტებს მავთულზე აკრა-  
ვენ...

აქეთ კიტრის ნაკვეთში ნანა გო-  
ლეთიანისა და ნოშრევან გელიტა-  
შვილის რგოლი ფუსფუსებს, იქით—  
ოთარ გოჩიტაშვილი, მანანა აჯია-  
შვილი და მათი ამხანაგები შესევნიან  
მინდორს... სულ ბოლოში ლეილა  
ხორგუაშვილის რგოლი საქმიანობს...

დიდებული სამზერია ყოფილი  
მუხრანბატონის კუთვნილი მინდვ-  
რები, სადაც ახლა თავისუფალი  
შრომა სუფევს, სიმღერა გაისმის...  
ეს არის სიცოცხლის, გამარჯვების  
სიმღერა, ნათელი მერმისის საგალო-  
ბელი, ლოცვა და აჯა მზესთან აღ-  
ვლენილი, თხოვნა და დადადისი, რა-  
თა უკუნისამდე მოუვლინოს მწვა-  
ნედ მოხასხასე დედამიწას თავისი  
მწველი და მაცოცხლებელი, ყოვე-  
ლისმოქმედი, ნათელი სხივები, რა-  
თა განაპოს და გაფანტოს საავდრო  
ღრუბელი.

ეს არის სიმღერა მყუდროებაზე,  
შრომაზე, სიმღერა მზეზე...

მალე ავტობუსი ჩამოუვლის ნაქ-  
ვეთებს. დაღლილ-დაქანცული, მაგ-  
რამ მხნეობითა და ძალ-ლონით აღ-  
საესე ბავშვები ბანაკისაკენ გასწე-  
ვენ. მამაპაპურად, ძალაჩამდგარი  
ხელებით მადლიანად წაილუკმებენ,  
დაისვენებენ, და მერე მხატვრული  
საღამოსათვის სამზადისს შეუდგები-  
ან... ისინი გაიხსენებენ საშობლო-  
სთვის დალუპულ მგოსნებს, რომელ-  
თაც არ დასცალდათ ამ მამულის პა-  
ტრონობა, მაგრამ რომელთაც მშვი-  
ლობა დაუმეკვიდრეს ბალ-ვენახებს,  
მინდვრებს და მთა-ველებს...

მოვლენ მუხრანელები, ძველი ამ-  
ბების მომსწრენი, მოვა ახალგაზრ-  
დობა...

და კიდევ ერთხელ გაიმეორებენ  
გულში: „არასოდეს... არასოდეს...  
არასოდეს“.


მეორე დღით კი კვლავ აურიამუ-  
ლდება ბანაკის ეზო-კარი. თოხები-  
თა და ბარებით შეიარაღებული ბა-  
ვშვები კვლავ გასწევენ ყანებისაკენ  
და ნათქარალზე მაცოცხლებელი  
წვიმის თქოშივით გადაეგლებიან  
მშობლიურ ველ-მინდვრებს, რათა  
უფრო იყვავილოს და ინაყოფოს  
ნორჩების გულით გამობარმა სამ-  
შობლოს ზერებმა.

**ფოტო ზ. კახენასისა.**



მივალ გადაბურულ ტყეში,  
ვეცემი, ვიკაწრები, ვდგები.  
სავსე ათასნაირ ხმებით  
ტყე ჩემს ნაბიჯებს ითავისებს.  
თავისებურად შრიალებს მუხა,  
თავისებურად შრიალებს თელა,  
თავისებურად შრიალებს ვერხვი,  
თავისებურად შრიალებს რცხილა.  
მივალ...

აურაცხელ ხმით ავივსე.  
მუხა არ ბაძავს რცხილას,  
რცხილა არ ბაძავს თელას;  
აქ არავინ არავის არ ბაძავს,  
აქ თავის ხმა აქვს ყველას.  
სადღაც ფოთლებში ჩიტუნა  
გულამომჯდარი სტყვენს;  
სად ნახე ხმები ამდენი,  
ნეტავი შენა, ტყვევ?!



**კახსენება**

(ზრახმინაძი)  
ნახირი.  
გრილო.  
მუხლებზე წიგნი.  
დიდი,  
ცისხელა,  
ბებერი იფნა.  
წყარო.  
წყაროსთან უფრო მაღალი  
ბალახი,  
ლორთქო, ახალთახალი.  
მამდარ ნახირის მშვიდი ზმული,  
კუდების ქნევა, კოლოს ბზული.

იქვე ბებერი ლოდები — ნიში,  
შეუცნობელი შუქი თუ შიში...

ვინ მეტყვის ახლა, იგივე შუადღე  
მოვალა ისევ იმ იფნის ჩრდილში?!



# უკვლავის

# ხეობისთვის

მ. თ. ხ. მ. ბ. ა.

პასუხი პოპულარული

მატყარი ჯამალ ლოლუა.

17 ივლისი, შაბათი

ღმერთო, რა კვირა გათენდება ხვალ სოფელში!

თუმცა სჯობს ყველაფერი დაწვრილებით მოვყვე, თორემ ვერაფერს გაიგებთ.

დღეს სისხამ დილაზე შევეუყვებით დონორას ტყეებს, წინ ნაომი მიგვიძღოდა. მართალია, კახაბერის კომპასი მე მეკეთა მაჯაზე, მაგრამ წინ მაინც არ გამიშვეს. რაც არ უნდა იყოს, ქალი ხარო.

— ხომ იცი, ტყეა, — მამუვიღებდა კახაბერი, — ეშმაკმა იცის, რა გამოტყვრება. მართალია, ამ ტყეში ტურაც არასოდეს უნახავთ მაგრამ ვინ იცის, იქნება მგელიც კი გამოვარდეს საიდანმე.

— მგელი, თორემ ნაომმა შავი დღე არ აყაროს ერთბაშად! — წავიბურღლუნე მე.

— ნაომი, გოგო, უცებ დაიოთხებს. მგელი მის ბომბორა თავს რომ დაინახავს, დათვი ეგონება და შეშინებული მოკურცხლავს. — ამბობს ვანიკო.

— შენ, ეი, ცოტა ჰკუთხე იყავი, თორემ მაგ ენას ამოგაძრობ, — უჯავრდება ნაომი, მაგრამ თვითონაც ვერ იკავებს ღიმილს ვანიკოს ხუმრობაზე.

ბევრი ვიარეთ თუ ცოტა ვიარეთ, ცხრა მთა და ერთი ზღვა გადავიარეთ...

არა, მართლა ბევრი ვიარეთ. ნაომი მიდიოდა და მიბუზღუნებდა: მოკვდი შიმშილით, ეს ორი სახედრის ტვირთი რომ ამკიდეთ, ბებიჩემ პასიკოს გამოძახებარ ცივ მჭადს

მაინც მომატყებინეთ ერთი ლუკმაო. ვანიკო შიმშილს მაინცდამაინც არ უჩიოდა, ზურგჩანთიდან ამოშვრილ ლოქის ტუჩს კი ხშირ-ხშირად ალერსით მოუსვამდა ხელს და თავისთვის წუწუნებდა — დავიხრჩვი კაცი წყურვილითო. მაგრამ კახაბერზე არაფერმა გასჭრა. თქვა, — კტისძირამდე ჰქადს ფინჩხა არ მოაკლდება და წყალს წვეთითო. თქვა და მორჩა. ღმერთთან სწორი სჯობს, ისიც თქვა — ნანი ახალი ნაავადმყოფარია, მაგას ნება აქვს, რამდენიც უნდა, ჰამოს და სვასო. მაგრამ ახლა მე გავკიუტლი. სიკვდილი ვირჩიე და ლუკმა არ ავიღე. რომ გამოგიტყდეთ, მაინცდამაინც არ მინდოდა. ასე ვიარეთ კტისძირამდე. საინტერესო არაფერი შეგვმთხვევია. ანდა რა უნდა შეგვმთხვეოდა, ჩვენს ტყეში მგელი არ არის და ტურა. უკანასკნელი კურდღელი სამი წლის უკან მოკლა კოტოია მონადირემ.

ავედით კტისძირას. უზარმაზარი კლდეა ცამდე აღმართული. მას საყორნიას კლდეს ეძახიან. კლდის ძირში პატარა მინდორია. გადავწყვიტეთ იმ მინდორზე გვესადილა. შუადღე უკვე გადასული იყო და მზე საშინლად აქერდა. საყორნიას კლდესთან კი წამლად ერთი ხეც არსად დგას. კახაბერმა თქვა — მოდით, სადმე ჩრდილიანი მოვძებნოთ, თორემ ამ სიცხეში ლუკმა არ გადავა ყელში.

— რას ამბობ, ჩრდილი თუ გნებავდათ, ნახევარი კილომეტრით დაბლა უნდა შევჩერებულყავით, დონორას ტყეში, — დაიღრინა ნაომმა, რომელსაც შიმშილმა სულ წაუხდინა გუნება. — საყორნიას კლდესთან

ამან ახლა ცაცხვის კოტორბეზის მინდომა.

— უნდა მოვძებნოთ. თუ წყაროს ვიპოვნით, მაშინ ჩრდილის პოვნაც შეიძლება. ფიცი დაგავიწყდა? — გაწყრა კახაბერი.

— ვიპოვნოთ, ბატონო, — მორჩილად ჩაიქნია ხელი ნაომმა, ზურგჩანთა მოიხსნა, ძირს დააგდო და თვითონაც იქვე მოიკალათა.

— ბიჭებო, აქეთ, აქეთ — მოგვესმა ვანიკოს ძახილი.

ვანიკო როცა აღელვებულია, მუდამ ავიწყდება, რომ მე ბიჭი არ ვარ. ისე, ამას არცა აქვს მაინცდამაინც დიდი მნიშვნელობა.

ყველანი მოვგროვდით, ვანიკოს კლდეში პატარა ნახვრეტი აღმოჩინა, სწორედ იმოდენა, მისი მუშტისტოლა თავი რომ შეეტეოდა შიგ.

— რა მოხდა, ჩვეულებრივი ტურის სოროა, რას დაგვაფეთე.

— არა, ნაომ, შიგნით დიდიო. მე თავი შეეყავი. აი ნახე, — ვანიკომ თავი მოაბრუნა და კარგა დიდი ჩამოფხვნილი დაგვანახა. — ეს ოხერი, თავი გამეჭვდა. ყურები ველარაფრით ველარ გამოვატიე. ტყუილად კი არ შეძახის დედაჩემი ყურპანტურას.

— ვთქვათ, დიდიც იყოს, რა ეშმაკად გვჭირდება?

— შევიდეთ შიგ და გამოქვაბულში ვისადილოთ. ჩრდილიცაა და სიგრილვეც.

— შენი მუშტისტოლა თავი ძლივს შეეტია შიგ და ნაომის გოდორივით მუცელი როგორღა გინდა შეათრიო? — დავინტერესდი მე.

— გაუგანაიეროთ, ბარი აგერ არ გვაქვს?

ნაომი კინაღამ გადაირია: შიმშილით ვკვდები, არაფრად მჭირდება თქვენნი ჩრდილი, მართლა დათვი ხომ არ ვარ, ბუნებაში ვიძრომი-ალოო...

არაფერმა გასჭრა. კახამ და ვანიკომ წამოუსვენს ხელი ბარსა და ცულს და დასცხეს გამოქვაბულის პირს. ვანიკოს წყურვილიც კი გადაავიწყდა. ნაომმა ერთხანს მზისგულზე წამოკოტრიალეზულმა უცქირა მეგობრების ტანჯვა-წამებას, მაგრამ გულმა აღარ გაუძლო. ვანიკოს ბარი ხელიდან გამოსტაცა, კახაბერი თავის ნაჯახიანად მხრის ერთი გაკვრით მისწია კუთხეში და დასცხო, მაგრამ რა დასცხო! ნახევარი საათიც არ დასჭირვებია ალბათ. საყორნიას კლდის ძირში პატარა გამოქვაბულმა იმოდენა პირი დააღო, რომ მუცელზე გაწოლილები შეეხოხდით ოთხივენი. გაბერილი ზურგ-



ჩანათაც ისე შევითრიეთ, თავის მოხსნაც არ დაგვკვირვებია. გამოქვამბული მოზრდილი იყო, მაგრამ შიგ ისე ბნელოდა, თვალთან თითს ვერ მიიტანდი. ბიჭები გარეთ გახიზნდნენ კვარის მოსაძებნად, მე კი ზურგჩანთა ვავხსენი და ხელსაწმენდ ტილოზე ხელის ცეცებით დავიწყე სუფრის გამლა. მალე ბიჭებიც დაბრუნდნენ, ანთებული კვარი კლდის ნაპობში ჩაარქვეს და სუფრას შემოუსხდნენ.

ერთხანს გამგელებულები ჰამდნენ. გამოქვამბულის სიმყუდროვეში ისეთი ხრამუნი გაიმოღა, კაცს ეგონებოდა, ასი ცხენი ერთად ახრამუნებს ბაგაში ჩაყრილ შვრისასო. ვინ იცის, სანამდე გაგრძელდებოდა ეს ჩუმი ტრაპეზი, ვანიკოს გატანჯული კაცის ხმით რომ არ ამოეკვენას:

— ბიჭებო, მგონი შარვალი დამისველდა.  
— ხომ არაფრის შეგეშინდა? შიშის დროს იცის ხოლმე კაცმა შარვლის ჩასველება, — ისე გულუბრყვილოდ შეეკითხა ნაომი, რომ სიცილი ამიტყდა.

— შეშინებამაც იცის და გაცივებამაც, — კვერი დაუტრა კახაბერმა.  
— კარგი ერთი, ნუ მასწრობთ, — გაბრაზდა ვანიკო. — ის კი არა, მგონი წუმბეში ჩავმჯდარავარ, წელს ქვევით სულ დასველებული ვარ.  
— რას ამბობ, ბიჭო, წუმბეს აქ რა უნდა! — ფეხზე წამოგვარდი მე. ხელად გარს შემოვხევიეთ ვანიკოს და სველი შარვლის სინჯვა დავუწყეთ. სველი იყო და თანაც როგორი სველი!

— ბიჭებო, წყალი! — იყვირა კახაბერმა და ვანიკოს ნაჯდომ ადგილს მივარდა.

წუთის შემდეგ ოთხივენი გიჟებით დავხტოდით გამოქვამბულში და გავკვირვებდით:  
„წყალი... წყალი... წყალი... წყალი...“  
გამოქვამბულის კედლები კვარის უქუბე თითქმის კიდევ უფრო გაფართოვდა და ამალდა. ჭერი ეკლესიის თალივით პრიალებდა და მთელს გამოქვამბულს ექოს ხმით გაჰქონდა ნანატრი გუგუნნი:

„წყალი... წყალი... წყალი... წყალი...“  
კიდევ იტყვიან, სასწაულები არა ხდება ქვეყანაზეო?  
იმ ადგილას, სადაც სადილობისას ვანიკო იჯდა, ჩამავალ წყალს პატარა ღრმული გაეჩინა. წყალი ამოდიოდა და იქვე იყარებოდა მიწაში. ჯერ ძალიან ცოტა გვეგონა, მაგრამ როცა ნათქვამი ბარით თავი მოსწმინდა. წყარომ ახალი ძალით იჩქეფა;

ძაბრში დონემ ცოტათი ამოიწია და ისევე ღრმულში ჩაიკარგა. სიხარულისაგან ყველამ ისეთი დაღლილობა ვიგრძენით, რომ მუხლები ერთბაშად მოგვეკუთა. გალახულებივით პირდაპირ მიწაზე დავეყარენით. კვარი ჩაქრა, მაგრამ ჩვენ არც შეგვიძინებია ხელები ცივ წყაროში გვეკონდა ჩაყოფილი, სიგრილე საოცრად გესიამოვნებდა და ვებჭობდით.

— როგორ ჩავიყვანოთ სოფლამდე წყალი?

— ჯერ ღრმული უნდა ჩაკვეტოთ, რომ წყალი მიწაში არ მიიპარებოდეს. — მიპასუხა კახაბერმა. — წყარო ნელ-ნელა მოიყრის თავს, ორსამ საათში ამ გამოქვამბულს აავსებს და წყალი ჩვენი გამოჭრილი გასასვლელიდან დაეშვება სოფლისაკენ.  
— არა, გზის გაკვლევა მაინც დასჭირდება, ნაურმალი ჩავუსწოროთ ბარის პირით, ახლავე შეგვიძლია გავყვით, — თქვა ნაომმა.

— მაინც რა იღბალი აქვთ ამ აბესაძეებს, — ამოიოხრა ვანიკომ, — თავი არც ერთს არ შეუწყენებია და წყალმა პირველად მათგან ეხოებზე უნდა ჩაიაროს.

— ვანიკო, შენს მსჯელობაში რაღაც კერძომეცაუტორული ელემენტები იჩენს თავს. თუ ჩვენი პიონერული რგოლისა და სამხედრო საბჭოს წევრობა არ მოგებურებია, ასეთი ლაპარაკი მეორედ არ გამაგონო.  
— გაჯავრდა კახაბერი.

— რა მოხდა, ბიჭო, ვიხუტრე.  
ვანიკო შემეცოდა და გამოვექომაგე:

— ახლა ნამეტანს ნუ იზამ, კახაბერ, არ დაგაიწყდეს, რომ წყლის აღმოჩენას ვანიკოს ძველ შარვალს უნდა ვუმადლოდეთ.

მერე ღრმული ქვევით ამოვავსეთ და ზევიდან აყალო მიწით მოვლეყეთ. ჩვენი თვალწინ ზღაპრული მზე-ქაბუთკვივით ივსებოდა წყაროსთვალი. მერე ნაომმა თქვა გამოქვამბულის პირამდე მოყრას ეს წყარო ალბათ მთელი ღამე მოუნდებო. ამიტომ გადავწყვიტეთ მეტი აღარ გვეცადა. გამოქვამბულის ალაგას წყლის გამოსასვლელად ფართო სატუჩი გავუქეთეთ და ღარი ნაურმალზე მივაგდეთ. დავეშვით სოფლისაკენ და გზა-გზა ნაურმალს ვასუფთავებდით. კარგა შეღამებულნი იყო, როცა ნახშირაში შემოვედით. ერთმანეთს პირობა მივეციით, შინ არაფერი გვეთქვა. დაე ხვალ დილით თვითონ ნახონ და გაიგონ. ხომ თქმულა, შუბი ხალთაში არ დაიმალებო.

ახლა შუთღამე გადასულია. ვერ დავიძინე და დღითურს ჩაუეჭეჭე. რა

ბედნიერი შაბათი იყო დღევანდელი შაბათი!  
ღმერთო, რა კვირა გათენდება ხვალ ნახშირაში!  
კარგი ბიჭია კახაბერი.

**თავი მესამე**

**ასალო აბესაძეს წყალმა მიაკითხა, სოფელ ნახშირას ეროვნული გმირები. საჩინო ბახტაძე არაყს ხლის. რამ დააშრო წყარო?**

ასალო აბესაძე ძმისშვილს ელოდა ქალაქიდან. გასულ კვირას ასალოს ნაგვიანები ალუბალი ჰქონდა ჩატანილი ქუთაისში გასაყიდად. კი ბარაქიანად გაიცალა ხელი, კალათები ავტოსადგურში მიაბარა შესანახად და თვითონ მალაზიებს ჩამოუარა ბაღის კიდებზე. არ გვეგონოთ, რაიმეს ყიდვას აპირებდა. ასალოს ფულის შოვნა უყვარს, თორემ ხარჯვაში ნამეტანი ხელმოჭერილი გახლავთ. ისე, თვალს წყალი დაალევიინა, ნაირ-ნაირი საქონლის ყურებით გული გაიხალისა. ის იყო უკან გამობრუნებდას და სადგურისაკენ ფეხით წაჩანჩალებას აპირებდა, რომ ამ დროს ელგუჯა შემოხვდა.

ელგუჯა ასალო აბესაძის ერთადერთი ძმისშვილია. მამამისი, ასალოს ძმა, ომში დაიღუპა. ელგუჯა სიღარიბესა და გაჭირვებაში გაიზარდა. ბიძამისის ხელი მაინცდამაინც არაფერში წაშველებია. არ ეგონა, ასეთი კაცური კაცი თუ დადგებოდა. ახლა ძმაო, კარგი ორსართულიანი ჭეხის სახლი აქვს წამოიჭიმული. სასამელი არ აკლია და საქმელი. ასალოსაც ცალი ხელი მისკენ აქვს გაწვდილი. ელგუჯას ბიძა არაფერში სჭირდება, მაგრამ თვითონ ასალოს ეამაყება მოსწრებული ძმისშვილი.

მოიკითხეს ერთმანეთი. ასალომ მაგარ-მაგარი საყვედურებიც ჰკადრა. — დაგვივიწყეთო; ორ ნაბიჯზე გადასარევი ავარაკი გაქვს და ცოლ-შვილს ბაკურიანში გზავნიო; ბიცოლაშენი ხაჭაპურების ცხობას შედარეხიაო. მთელს ნახშირაში ჩვენი ოჯახი ერთადერთია, სადაც ქათამი სიბერით კვდებაო. ერთი სიტყვით, გაბრუებული ელგუჯა დაჰპირდა, — მომავალ კვირას უეჭველად ცოლ-შვილით გესტუმრებო.

კვირადილიდანვე აფორიაქდა ასალო აბესაძის ოჯახი. ასალო უთენია აპირებდა ქვევრის მოხდას, მაგრამ მიაყო ბიცოლამ ყურებზე გადაწყო-ბილი უღოვაშები კინაღამ დაავიკა — ჭურისთავზე არ გაბედო ფეხის დადგმა, ჩემს ელგუჯას ვენაცვალე, თვითონ უყვარს ქვევრის მოხდა და გრძელი ორშიმოთი ქარვისფერი



ღვინის ამოღებაო. მერე მაიკომ მე-  
ზობელ დარჩიებს გადასძახა და რო-  
მან დარჩიას უმცროს ბიჭს სთხოვა  
ინდაურის დაკვლა. ასალო არ მე-  
აკარა, ხელი ავიკანკალდება და გა-  
მიწვალე ფრინველსო. შეშის და-  
ჩეხვა რა არის, ისიც კი არ ანდო  
ქმარს: ნაპობი თვალში რომ მოგხვ-  
დეს, ხომ ჩამწარდება მთელი დღე-  
ვანდელი პურმარილი ელგუჯასო.  
ასალო დაჭრილი დათვივით დაბუზ-  
ღუნებდა ეზო-გარემოში, ბოლოს,  
თავმოებზრებულმა მაიკომ საქმე გა-  
უჩინა: ეზოს თავში კიდემოტეხილი  
ქვის ძირას ფარდაგი გაუფინა, ფარ-  
დაზე კაკალ-კაკალ დარჩეული კრო-  
ლა ხორბლის მარცვალი გაუშალა,  
ხელში სახრე, მისცა და გვერდით მი-  
უსვა. თან ვააფროთხილა, თვალი მაგ-  
რად გეჭიროს, ქათმები არ მიაკა-  
როო. ასალოს უნდოდა ეთქვა, რა  
გეჩქარება ქალო, ამ ხორბლის გამ-  
რობა სახაპაპურე ფქვილი გუშინ არ  
ამოვიტანეო? მაგრამ კარგად იყო-  
და, ცოლთან ლაპარაკი არ გაჭრი-  
და. ხელი ჩაიქნია, თხილის გრძელი  
სახრე ერთი-ორჯერ მათრახივით  
ააწუილა და ფარდავის კუთხეში მო-  
კალათდა. იმ სისხამ დილით ალბათ  
ქათმებიც არ იყვნენ ჭამის მდარზე  
და უსაქმო ასალოს ის იყო თვლემა  
ერეკმა, მაგრამ ღმერთმა უშველოს  
ლევან გომხეთელიანს, მისმა მოსვ-  
ლამ ცოტა გამოასწორა მდგომარე-  
ობა.

ლევანს ურმის ზედადგარი გას-  
ტეხოდა და სათხოვნელად მოვიდა.  
ლევანისთანა მეზობელს უარს ვინ  
ეტყოდა, მაგრამ ასე აღრიანად მო-  
სული კაცი უარყოდ როგორ გაიშ-  
ვებოდა ეზოდან. ასალო აბესაძე  
მოკვდეს მაშინ! ბევრი კი არაფერი,  
მაგრამ ორი კაცის საყოფი ყველა-  
ფერი გაჩნდა კიდემოტეხილ ქვაზე:  
ჯერ გუშინდელი გამომცხვარი ცივი  
მჭადები შეუფიცხებლად დაყარეს  
ნეშოზე, მერე მარილწყალში ახალი  
ჩაღებული ქეიტი ყველი შემო-  
აშველეს. მოხარული კვერცხები  
პირდაპირ ნიორწყალში იყო ჩაყრი-  
ლი. ზამთრიდან შემორჩენილი ცო-  
ტა შაშხიცი მოაყოლეს ხელს. ჩამოს-  
ხდნენ და შეყვნენ ნელ-ნელა. პატა-  
რა სირჩებით სვამდნენ. სადღეგრძე-  
ლო სადღეგრძელოს სცვლიდა.

— გაგიმარჯოს, ჩემო ასალო. მა-  
პატიე, რომ გაგხარჯე ამ უთენია, —  
ბოდიშობდა ლევანი.

— მორჩი, თუ კაცი ხარ. გამხარ-  
ჯე, თორემ მეც ქათმები დავიკალი.

კარგა შეჭიკჭიკებულები იყვნენ,  
ლევანი რომ თავის გზას გაუდგა. ის  
იყო ლევანი ვავიდა ჭიმქარში, რომ  
კანფეტის ჯაგლაგმა გადმოყო კი-

სერი ქაცვის ღობეზე. ასალომ ჭიმ-  
ქართან მიარბენინა არყის ბოთლი და  
ერთი ნატეხი მჭადი.

— ასალო, ე შენი ერთი ჩაფი  
წყალი წაიღე, თუ კაცი ხარ, რა მე-  
არყება ამ ალიონზე.

— შენი ტალახიანი ფეხი დამკარი  
თავზე, თუ დოულოცავი გაგიშვა სახ-  
ლიდან.

— რაღაცა გაგჭირვებია: ასალო,  
თორემ როდის იყო... — მეთულუხ-  
ჩემ ახრი არ დაამთავრა.

— მასე მიცნობ, ხომ? გაჭირვება  
რას მიქვია. თუმცა ერთი სათხოვა-  
რი კი მაქვს. — ასალო წელში მო-  
იხარა და ტუჩები ლამის ყურთან მი-  
უტანა კანფეტის. — ხომ იცი, დღეს  
ელგუჯა უნდა მეწვიოს... რვა ცალი  
იმისთანა ტაბიკი მაქვს დათლილი,  
შენ რომ მოგეწონა ამას წინათ...  
ელგუჯას ცოლშვილიც მოყვება...  
ახლავე გამოვირბენინებ იმ ტაბი-  
კებს... ერთი ჩაფი წყლით ამდენ  
სტუმართან ბანი ვთქვა თუ მოძახი-  
ლი?

— მე რა უნდა გიშველო, ჩემო  
ასალო, — ვერ მიხვდა კანფეტია.

— ი ტაბიკები კოპიტისა არ გე-  
გონოს, ნამდვილი წითელი შინდია.  
ახლავე მოგიტან. დამიტოვე ერთი  
ათი ჩაფი წყალი. მაგებლა კასრს მა-  
ინც არ დაეტყობა.

კანფეტია ჯერ გაწითლდა, მერე  
გალურჯდა. ტუჩებთან მიტანილი არ-  
ყიანი სირჩა ისევ თეფშზე დადგა და  
ასალოს თვალები გადაუბრიალა.

— უფროსი არ იყო!.. ასალო აბე-  
საძე არ იყო!.. ქრთამს მაძლევ ხო?  
ღმერთმა შენი არაყიც შეარცხვინოს  
და შენი ტაბიკებიც! ელგუჯას გე-  
ნაცვლე, მისთვის მხრით ამოვიტან  
ბაზოულადან წყალს, მარა შენ ვინ  
ყოფილხარ, კაცი, სოფელს ვულა-  
ლატო? რა სიკვდილად უნდა მოვიხ-  
მარო მერე ქრთამად აღებული ტა-  
ბიკები! ფუი, ასალო აბესაძე, შე-  
გარცხვინა ღმერთმა.

კანფეტია შეტრიალდა და ქვარ-  
ნის დაღმართში სულ ძუნძულთ ჩა-  
უძღვა ცხენს. ბოლმამორეულმა ასა-  
ლომ ჯერ თავისი ჭიქა გადაჰკრა, მე-  
რე კანფეტისი, ამღვრეული თვალი  
გაყოლა თავდაღმართში დაქანე-  
ბულ კასრს, გულიანად გადააფურ-  
თხა და სახრით ხელში ისევ ხორ-  
ბალს მიუჯდა.

მზემ ნაქერალაზე ამოიწია, როცა  
ჩაეძინა.

თვალი რომ გაახილა, მის წინ მო-  
ტირალივით მუხლმოყრილი მაიკო  
ღაინახა. ცოლს თაღისი კაბა ეცვა,  
გაშლილ თეთრ თმას იწეწავდა და  
ხმამაღლა მოთქვამდა. ასალომ ჯერ  
იფიქრა ალბათ მოკვდები და მეუღ-

ლე დამტირისო, მაგრამ, როდესაც  
მოთქმას დააყურადა, მიხვდა, მისი  
ცოლის წყველა-კრულვა სულაც არ  
ჰგავდა ქმრის სიკვდილით გამწარე-  
ბული, გულდამწვარი ქალის მოიქ-  
მას.





— დიდუ, დიდუ, დემერო, შენ მანახე ასალო აბესადის ტეინი ასე დამპალი და დაოხრებული! — მოთქვამდა მაიკო და ფარდაგზე გაფენილ ხორბალში გაფაციციებით ურევდა ხელს.

— რა იყო, ქალო, რა მოგივიდა, თუ რაცხა ორი კაკალა ქათამი გამოძლა... — წამოჭდა ასალო, მაგრამ წამოდგომა ვეღარ მოახერხა, სიტყვაც გაუწყდა და გულიც კინაღამ გაუჩერდა.

— დიდუ, დიდუ, კიდევ რა იყო, ამდენი ხორბალი მოგისპია, თვითონ წუმპეში დაგძინებია... ეს კიდევ რაა, წყალი გომურში შევარდნილა და სახლის გასაანლებლად ცემენტი რომ გექონდა შენახული, სულ ერთიანად გაუოხრებია. ახლა ის გაქვავებული ცემენტი ვენახის ჩაჭობებული გზის მოსაკირწყლად თუ გამოგადგება, თორემ სხვა აღარაფერი მოსახმარია.

ერთი კი იფიქრა ასალო აბესადემ, ნამდვილად იმ წყეულმა კანფეტამ იხია შურიო, მაგრამ ამ ფიქრზე თვითონვე დაცინვით გაეღიმა. ასალო ამდენ ღვივოს უფრო გაიმეტებდა, ვიდრე ხელგაშლილი კანფეტა ამდენ წყალს. მერე ჭინჭარს გახედა. ნაკადული სიმღერით შემორბოდა, თითქოს ყელწვრილი ჭინჭილიდან გადმოლიკლიკებოდა. წყალი ხორბალს გარს შემოდგომოდა, წამოძვადარი ასალო ძიქვამდე ჩაეღობო და გამწარებით მიიმღეროდა გომურისაკენ. ამის დამახავ ასალო აბესადეს გული კინაღამ გაუსკდა. ისე გადაუბრიალა თვალები მაიკოს, რომ შეშინებულმა ქალმა ხმასთან ერთად კინაღამ ენაც გადაყლაპა.

— ნათქვამია, ქალის ჭკუა თხამ ბარდებზე მიაჭამაო. რო ბლავი, რა გაბლავლებს. შენი ცრემლებით მაშინებ თუ რა! ცრემლი მაშინაა ცრემლი, სანამ თვალში ტრიალებს, თორემ რო მოწყდება, მერე წყალია.

— წყალი... წყალი... — ენა დაება მაიკოს.

— ჰო, ქალო, ჰო... ვერა ხედავ? წყალი მოსულა ნახშირაში. თანაც პირდაპირ ჩვენს ეზოში. ნახე რა კანკალაა, რა ცივია, რა ლამაზია! — ასალო პირდაპირ ხორბალს დაემხო და წყალს ფარდაგიდს დაუწყობ ხერება. — იფ, იფ, რა გემრიელია! რისი ბაზოულა, რისი თავგატეხილა!

— დიდუ, გამოამაშტეროს უფაღმა, ეს რა ბედნიერებაა! სულ არ გამსხებია! ეს რა სასწაულია! არიქა, გავიქეცი, სოფელს შევყრი.

— მოიცა, ქალო, — საულვამე მოიქეჭა ასალომ. — ავზომ-ჩავზომბოთ, ავწონ-დავწონოთ... სოფლის

შეყრას დაფიქრება უნდა. იქნება ეს წყალი ჩვენც არ გვეოფნის, კარგად გავსინჯოთ.

— დიდუ, დიდუ, — ხელახლა აკვივდა მაიკო. — სულ „გაგიფდი, კაცო? სულ გადაიროე? ხალხს წყალი გინდა დაუმალო? მაინც სად აბირებ დამალო: გომურში, საბძელში თუ ქვევრში?

ასალოს ულვაშებში ჩაეღიმა. — მართლა გამოვსულდი, ხომ იცი შენ! ამისთანა სასწაული ვის არ გადარევს... ისე, სოფლის შეყრა რა შენი საქმეა! გასძახე მაგერ სიკოია გეგელაშვილს და ათ წუთში ჩვენს სოფელს... არა, თუ გინდა მთელ საქართველოს შეყრის...

ახლობელ მეზობლებზე აღრე კანფეტამ მოიბრინა. თავისი ჯაგლაგი საღლაც კოსტა რიყამაძის ბაღის ბოლოზე მიტოვებინა დანჯღრეულ კასრიანად. ქაქანი თუმორბინა ეზოში და ასალოს პირდაპირ გაშლილ ხელებში ჩაუფერდა.

— ჩემო ასალო, ძმა ხარ და მაპატიე! რა ვიცოდი, თუ მეხუმრებოდი, ჩემი აუროლებული კასრის წყალი თუ აღარ გჭირდებოდა. ისე გიშველა დემერთა, როგორც მე შენ მიშველე, გადამარჩინე ამ აღმართ-დაღმართში ჩლახუნს, — მოთქვამდა ასალოს ფართო მხარზე თავმიდებული კანფეტა და აცრემლებულ თვალებს შავი სატინის ხალათის კალთით იწმენდა.

მაღე მთელი სოფელი შეიყარა. სერგო ახალაძე კიდემოტეხილ ქვაზე შედგა და სახელდახელო მიტინგი გასწა.

— მაინც ხაიდან გაჩნდა ეს წყალი? იკითხა ვილაცამ.

ასალომ მხრები აიჩეჩა. ხალხში სიჩუმე ჩამოვარდა.

— მე ვიცი საიდანაც გაჩნდა!

ეს ნანიმ თქვა. ვილაცამ ხელი შეაშველა და გოგონა კიდემოტეხილ ქვაზე შეახტუნა, გამარჯვებული ჯარის სარდალივით გამოჭიმული სერგო თავმჯდომარის გვერდით. მთელი სოფელი სულგანაბული უსმენდა გოგონას. მისი ლაპარაკი გლეხების სმენას ბულბულის ჭიკჭიკით ატკბობდა. ნანიმ ისე მოხდენილად აღწერა თავიანთი ლაშქრობა კტისძირში წყაროს აღმოსაჩინად, რომ გოცებულ კახაბერი, ნაომი და ვანიკო პირდაღებული მისჩერებოდნენ ერთმანეთს. უკვირდით ბიჭებს, ნუ თუ ჩვენა ვართ ამ საოცარი გმირობის ჭამედენიო?!

ნანიმ თხოვდა რომ დაამთავრა, ხალხში ისეთი ქრიაშული ატყდა, ყურთასმენა აღარ იყო. თავმჯდომარემ ძლივს მოახერხა აზრიალებული

ხალხის დაწყნარება და ხმამაღლა შესძახა:

— მეგობრებო! თანასოფლელებო! ამხანაგო კოლმეურნეებო! გაუმარჯოს სოფელ ნახშირას ეროვნულ გმირებს — კახაბერს, ნაომს, ნანის და ვანიკოს!

ბიჭებმა გონს მოსვლა ვერ მოასწრეს, ისე მისწვდათ გლეხების ძარღვიანი, დამაშრული ხელები და იგრიძნეს, რომ მიწა ფეხქვეშ გამოეცალათ. კახაბერის მიერ თბილისიდან ჩამოტანილი ბურთივით აფრინდნენ ლურჯ ცაში და ისევე რბილად, ნაზად დაემყნენ თბილ, მშობლიურ ხელისგულზე. კარგა ხანს გაგრძელდა „ნახშირას ეროვნული გმირების“ ამგვარი ბურთაობა. ხალხი, როგორც იქნა, დაწყნარდა და მიტინგიც კალაპორტში ჩაღდა. ვინ რა თქვა და ვინ რა, ბოლოს ვერასიემ მეწისქვილემ აღო სიტყვა:

— ხალხო, ახლა ამ წყალს მიხედვა უნდა. ავამენოთ დობიროში კი ეკლარის ქვით თავდახურული წყარო და ზედ მათი აღმომჩენების სახელები დავაწეროთ. არ ეკუთვნით თუ? დაე, ჩვენმა შვილებმა და შვილიშვილებმაც დაიმახსოვრონ ამ კარგი ბავშვების სახელები.

წინააღმდეგი ვინ იქნებოდა, კახაბერს რომ არ ეთქვა:

— ჩვენი აზრით, უკეთესი იქნება, თუ წყაროს „უკვდავების წყაროს-თვალს“ დავარქმევთ. ჯობდა ეკლარის ქვაზეც ასე წაგვეწერა.

აბა ასეთ წინადადებაზე უარს ვინ იტყოდა! მიტინგიც ამით დამთავრდა. წყალი ბავშვებს დაუტოვეს სასმელად. ასალომ შემოდგომის აქეთ გადაგლესილ 15-ფუთიანს გაუტეხა თავი და მთელი სოფელი გარშემო მიუჭდა.

მიხო ტურაბელიძემ მრგვალად მოხარშული ვარიები ამოაჩვენინა. კახეთიდან ჩამოსიძებულ მირიან ქიბროწაშვილის ცოლს სწორედ იმ დღეს ჩაეცხო ერთი თონე პური და ტომრით ამოიტანეს ქვემო უბნიდან. რომანა დარჩიას ერთი მაკვარანცხი თხა ჰყავდა, წინა კვირას ორჯერ გაუთხრა აპლონას სანერგე, არც დანახებია, ისე გადმოათრია რქით ღობეზე და ათ წუთში ჩამოატყავეს წამოქცეული რცხილის ტოტზე. კანფეტამ ორი კვირის მეცამეტე გოჭი შესწირა არიფანას. მწვალები აკლდა და თავმჯდომარემ ივაჟკაცა — ერთი ფეხბოტეხილი დეკუელი გდემოყვანიხა ფერობის გამგეს. მწვალები გაჩნდა და მოხარული ბეჭიც, მაიკო ბიცოლამ სულ გააოხრა ზოსტანნი: ხახვი და პრასი, ჭლაკვი და წიწმატი, ქინძი, ოხრახუში, ნიახური,



ეორთა ტარხუნა, სურნელოვანი პიტ-  
ნა და ომბალო სულ ბლუჯა-ბლუჯა  
დაუარა სუფრაზე. არც ვენახი გახ-  
სენებიათ იმ დღეს, არც ჩაი და არც  
ყანა. სუფრის თავში „ეროვნული  
გმირები“ დასხეს — ნანი, კახაბერი,  
ნაომი და ვანიკო. ბავშვებმა ერთ-  
ხანს ისმინეს რიხიანი სადღეგრძე-  
ლოები, არც გემრიელი საჭმელი და-  
უკლიათ, მერე კი ჩუმად გაიპარნენ  
ახმაურებული სუფრიდან. რა დასა-  
მალია და, კარგად შეზარხოშებულ  
სოფლებს აღარც გაუგიათ მათი  
გაქრობა.

ბედნიერმა ბავშვებმა ყიყინით ჩა-  
ირბინეს დობიროში. წყალს უკვე ჩა-  
ეკვალა ასალოს ვენახი, რომანეს  
ყანა, კოლმეურნეობის ჩაის პატარა  
ნაკვეთი და დობიროს ქვაბულში  
გროვდებოდა. მთელი სოფლის ბავ-  
შვებს იქ მოეყარათ თავი. კახაბერ-  
მა, ნაომმა და ვანიკომაც სასწრაფოდ  
გაიძვრეს ფეხსაცმელები და წყალში  
ჩატყაპუნდნენ. ნანი ახალი ნაავად-  
მყოფარი იყო და წყალში ჩასვლას  
მოერიდა. თამაში და ჭყუმბალაო-  
ბაში კიდევ დადამდა. ივლისის ხვა-  
ტიანი დღის სიციხე არც უგრძვნიათ.  
შემდეგ ოთხივემ ნანის აივანზე მო-  
იკალათა. სამი დიდი ლეიბი გამა-  
ლეს, ზეწრები გადაიფარეს და ერთ-  
მანეთზე თავმიდებულებმა ჩაიძინეს.  
არც ალიოშა ბიძია გამწვარალა, არც  
კახაბერის ბიცოლა. აბა, „ნახშირას  
ეროვნულ გმირებს“ ვინ რას გაუ-  
ბუღავდა! გვიან ღამით ჩაძინებუ-  
ლებს ნანასავით ჩაესმოდათ ორ-  
ღობეებში მიმავალი შემთვრალი  
სოფლებების არხალალო.

ასე ბედნიერი დადამდა ის კვირა  
ნახშირისაში.

სულ სხვანაირი კვირადღე გაუ-  
თენდათ კურსებლებს.

ერთხელ უკვე გახსენე კურსები,  
თუ გახსოვთ. ბევრი კი არაფერია,  
ერთი პატარა სოფელია, მაგრამ, რა  
დასამალისა, ტყიბულის რაიონში და  
მგონი მთელ ქვემო იმერეთშიც უფ-  
რო ლამაზ სოფელს ვერ წააწყდე-  
ბით. ზედ შუაზე ყოფს მდინარე  
წყალწითელა. ამიტომაც სოფლის  
ერთ ნახევარს გაღმა კურსები ჰქვია,  
მეორეს — გამოღმა. ოღონდ დღემ-  
დე ვერავინ გაიგო, ამ ორი ნახევრი-  
დან რომელია გაღმა და რომელი —  
გამოღმა. მდინარის მარჯვენა ნა-  
პირზე მცხოვრებლები მარცხენა ნა-  
პირზე მცხოვრებლებს ეძახიან გაღ-  
მელებს და პირიქით. თუმცა ეს  
ჩვენთვის მაინცდამაინც საინტერე-  
სო არ არის. მთავარი ისაა, რომ სა-  
ჩინო ბანტაძე, რომლის თავზეც წის-  
ქვილის ქვასავით დატრიალდა იმ  
კვირა დღით მოულოდნელი ამბე-

ვის კორიანტელი, მდინარის მარცხე-  
ნა ნაპირზე ცხოვრობს, ბაჭინდან  
კარგა მოშორებით. საჩინოს ეზოს-  
თან სოფელი მთავრდება და ბერის-  
ციხის ტყე იწყება. მეზობელი რაა,  
ახლომხლო მეზობელიც არ უჩერ-  
დება საჩინოს — მაგ ტყეში ქათამს  
მელა შეგვიჭამს და ღორს მგელიო.  
მიზეზს რა ვუთხრა, თორემ მგელი ვის  
უნახავს კურსების ტყეებში!

ზედ საჩინოს ეზოს თავთან, ქვარ-  
ნის ბილიკის ბოლოში ამოჩუხჩუ-  
ხებს ბაზოულას წყარო. დღემდე  
არავინ იცის, რატომ ჰქვია იმ წყა-  
როს ბაზოულა. ეს კია, ბაზოულამ  
ისეთი ცივი, კრილა და შუშუნა  
წყალი იცის, რომ ქვემოთბნელებსაც  
არ ეზარებათ ხოლმე სოფლის თავ-  
ში ამორბენა და სადილისათვის ერ-  
თი თუნგულა წყლის წაღება. ჰოდა,  
ბაზოულას წყაროს წყალი პირდაპირ  
საჩინოს ეზოს ჩაუბრის გვერდით.

იმ კვირას საჩინომ არყის გამობ-  
და გადაწყვიტა. გასული შემოდგო-  
მის აქეთ ჰქონდა ოცფუთიან ქვევრ-  
ში ჰაჭა ჩაყრილი. ყოველდღე ეჭუჭ-  
ლუნებოდა ცოლი: კაცო, ან გამოხა-  
დე ის არაყი, ან ჰაჭა გადაყარე,  
ჭურს მაინც ნუ აოხრებო. საჩინო-  
მაც იცოდა, რომ ნამეტანი გვიანდე-  
ბოდა არყის გამოხდა, მაგრამ რა ექ-  
ნა, — ეს ჩაიო, ეს ვენახიო, ეს სი-  
მინდიო... კოლმეურნეობას ხომ არ  
ულალატებდა. დღეს მაინც გადაწყ-  
ვიტა, ყველაფერზე ხელი ჩაეჭინა და  
ერთი კვირადღე საკუთარი საქმი-  
ნათვის შეეწირა.

საჩინოს ეზოს გადაღმა საურემ  
გზა ჩადის. გზას ცალი კიდე ჩაქცე-  
ული აქვს, სწორედ იმ ჩანაჭიკვში  
მიუღლო საჩინომ წყალი. ის იყო  
სველი თოხი ღობის სარზე მიაყუდა  
და აკაპიწებულნი შარვალნი დაიფერ-  
თხა, რომ აქოშინებულმა დათიკო  
ბახტაძემაც მორიბინა. მაინც საოცა-  
რი კინძეა დათიკო. მთელ გამოღმა  
უბანში კაცი ვერ მოახერხებს ან სა-  
არყე ქვაბი შემოდგას ცეცხლზე და  
ან ქვევრს სარქველი მოხადოს ისე,  
რომ დათიკოს სუნი არ ეცეს. თვა-  
ლის დახამხამებაში იქვე გაჩნდება.  
კაცზე ცოდვა არ ითქმის და, მოხმა-  
რებაც ძალიან იცის. შენთან ერთად  
იმრომებს, იწვალებს, მერე შენთან  
ერთად დაჯდება და კარგ დროსაც  
გატარებს.

საჩინოს მისი დანახვა არც გაყ-  
ვირვებია. ის კი არა, კინაღამ საყვე-  
დური უთხრა, აქამდე სად იყავი, შე  
კაცო.

— აბა, ჰე, დათიკო, მოდი ერთი,  
ქვაბზე წამოშობიარი ხელი!

— შე მეგონა „ზაოდი“ დადგმუ-  
ლი გექნებოდა, თვარა ფეხი როგორ

წამომცდებოდა აქეთ, ხეცის ქვეშე  
დათიკომ და საჩინოს უკან გაჰყვა.

ბოკონებზე დადგმული სახლის  
ქვეშიდან უზარმაზარი ქვაბი გამო-  
ათრის და ძლივესძლივობით წაგო-  
რეს გზისკენ, ჩანაჭიკვში წინასწარ  
მომზადებულ ბრტყელ ქვევრზე შე-  
მოდგეს და ოფლით დაცვარული სა-  
ხეები შეიმშრალეს. შემდეგ ქვაბის  
გრძელცხვირიანი თავსახური და რო-  
ფი მოიტანეს, ყველაფერი ერთმა-  
ნეთს მჭიდროდ მოარგეს და გაამზა-  
დეს.

— აბა, წამო ახლა, ქვევრი მოგზა-  
ლოთ და ჰაჭა მოვიტანოთ.

— აქამდე ქვევრიც არ მოგიხდია?  
— რას ამბობ, დათიკო, — გაწყრა  
საჩინო, — ქვევრი რომ წინასწარ  
მოხადო, ხომ გაგაღდება მთელი ჰა-  
ჭა! არაყი არ გამოვა და, წყალი აგერ  
ბაზოულაშიც მოდის.

ერთი სიტყვით, რაღა ბევრი გა-  
ვარტყლო და, ქვევრიც მოხადეს,  
ჰაჭაც მოიტანეს, ქვაბ-სახურავი წი-  
თელი აყალოთი შემოიღეს, ხიდის  
ტუჩს მოზრდილი ჩაფი მიუგდეს,  
ქვაბქვეშ შარშანდელი ხარდნები შე-  
უკეთეს და ცეცხლი ააბრაღეს.  
მთავარი საქმე ამით მოათავეს. შემ-  
დეგ ცეცხლთან ისე ახლოს მიიდგეს  
ჯორჯოები, კაცს ეგონებოდა, შეს-  
ცივნიათო. საჩინომ ხალათის ჯიბი-  
დან „ყაზბეგი“ ამოიღო, ასანთი გაჰ-  
კრა და გააბოლა; დათიკომ ჩიბუხი  
მოიმზადა, მერე საიდანღაც ორი  
ღერი „პრიმა“ ამოაძვინა, ჩიბუხში  
ჩაფშვნა, ქვაბქვეშიდან მუგუზალი  
გამოიღო, მოუქიდა და მადიანად  
ააფუილა.

წინწანაქარს ჯერ კიდევ არ და-  
ეწყო წვეთა, როცა გზაზე კოტოია  
მონადირემ ამოიარა. მერე არსენა  
და კოწია აბესაძეები მოვიდნენ. ბო-  
ლოს ოტია აღფაიძეც გამოჩნდა. გა-  
მარჯობა თქვენს და ბოდიშიც არ მო-  
უხდიათ, ისე მოიკალათეს საარყე  
ქვაბის გარშემო.

— ისიც მიკვირს, ან აქამდე რო-  
გორ დაგაგვიანდათ, — კეთილად  
აბუზღუნდა საჩინო და აივინსაყენ  
გასძახა: — მარიამ-ქალო, რამე და-  
საყოლებელი მოგვართვი.

დასაყოლებელიც მალე გაჩნდა.  
ბევრი კი არაფერია — კიტრი და პა-  
მიდორი, მეყვე პრასი, ქოთნით ლო-  
ბიო, ცივი მჭადი, ყველი პური და  
ქეთილი გული.

ცხელი არყით ღვინის ჰიჭებს ავ-  
სებდნენ, მერე იქვე ჩამომდინარე  
ბაზოულაში დგამდნენ და შეგრილე-  
ბას აცლიდნენ.

მზე უკვე შუბისტარზე იყო, პირ-  
ველად რომ ჩამოილოცეს.

— არ გელოდით და ასე მცირე



მასპინძლობა უნდა მაპატიოთ, **ეროვნული**  
 ხუმრობანარევი კილოთი ბოდიშობა **საქართველოში**  
 და საჩინო.



— ახლა, ქეიფს და ჭერის ახლას ჩვენც არ ვაპირებთ; ისე, საუზმე საბოდოში კი არა, ნეფის საკადრისია, ჩემო ბატონო, — სერიოზულად და ამშვიდა კოწია აბესაძემ.

— ეე, მე რომ ცეცხლი და მღუღარე მცვიოდა თავზე, ამისთანა საუზმე მქონებოდა, თვარა... — ეს დათიკო ბახტაძემ თქვა და მსმენელებში ხმადაბლა სიცილმა გადაიარა. არა, კი არაფერი იფიქროთ, უბრალოდ, დათიკოს მეტისმეტად უყვარს არაჩვეულებრივი თავგადასავლების მოყოლა, ომის დროს რომ შემთხვევია, „გერმანიის ფრონტზე“.

— რა გეცინებათ, თქვე დაღლარებო, რა! თქვენ, ბიძია, აქანე კაკლის ჩეროში დანასობიას თამაშობდით, მე რომ იქ ქვეყნიერებას ვანგრევდი. — გაწყრა დათიკო.

— მერე, შენ ხარ ჩემი ბატონი, ვინ გითხრა, არაო. — აღელდა ოტია ალფაიძე. — პირიქით, შენ ხარ ჩემი ბატონი, შენი მონათხრობი ამბავი გვესიამოვნება. აქეთურს იტყვი თუ იქეთურს იტყვი, ყველაფერს გადასარევად ამბობ. ის კი არა, თუ რამეს მოგვიყვები, ამ ცხელ არაყზე მისაყოლებელივით იქნება, შენ ხარ ჩემი ბატონი.

— მორჩი ერთი, ციგნები ხართ და მეტი არაფერი, ნახევარს არ მიჯერებთ ამ ნაომარ და ნახიშტარ კაცს.

კოტოია მონადირემ ვეებერთელა ლუკმა გადაყლაპა, არსენას თვალი ჩაუკრა, ხის საყეცე მუგუზლებს შეუჩუჩუნა და წასაქებულად თქვა:

— რატომ კადრულობ, დათიკო! დაჯერებით როგორ არ გეჯერა, მაგრამ ხანდახან მაინც გვეპარება ეჭვი. ა. გახსოვს, სტალინგრადთან რომ ვოლგა გადალახე? ის ამბავი, არ ვიცი, კარგად ვერ მოვისმინე, ან — მთლად ფხიზელი არ ვიყავი, თუ რა მომივიდა, მაგრამ ბოლომდე მაინც არ მჯერა, რომ იცოდე. მომკალი თუ გინდა, ძმაო, ვერ დავიჯერე და რა ექნა.

— ჩემი სისხლი და ხორცი ხართ, და მაინც შეგეპარათ ეჭვი ჩემს სიმართლეში? თუ ვტყუოდე... რა დავიფიცოთ, რა... თვალში შუქი ჩამიქრეს, ეს ღვინო და არაყი გამიწყედეს, ეს წმინდა წყარო დამიშრეს!

„ეს წმინდა წყარო დამიშრესო“...

ყველა შეშინებული წამოვარდა ფეხზე. თვალები ბუს ბახალებივით გაუფართოვდათ. კოტოია მონადირემ კი, თავის სიციცხლეში პირველად, პირჯვარიც გადაიწერა.



წყარო მართლა დამშრალიყო! წინწანაქარს წვეთა შეეწყვიტა და ხიდის მილიდან თრთქლი ბოლქვა-ბოლქვაც გამოდიოდა.

— არიქა, გამოუნეღეთ! — გაასტენდა კოწიას და მუგუზლები გარეთ გამოყარა.

ცეცხლი ჩაქრა. ჭაჭამ დუდილი შეწყვიტა. წყაროს წკრიალი აღარ ისმოდა და გარშემო ისეთი სიჩუმე ჩამოვარდა, საჩინომ უნებურად ყურზე ხელი მოისვა, ხომ არ დავყრუვდლო.

— ნარუალიდან ხომ არავინ გადავდო, ნეტა? — იკითხა ოტიამ.

ეს უკანასკნელი იმედიც გაუწყდათ, როცა ტყრუშულს მარიამი მოაღვა. საჩინოს მეუღლე ერთობ სასაცილო შესახედავი გახლდათ, მაგრამ არავის გასცინებია. გასაძნეული თმა თეთრი ისამანივით აბუქოდა თავზე და გამწარებით ისრესდა საპნისაგან აწითლებულ თვალებს.

— არიქა, საჩინო, მიშველე, კაცი, ბაზოულაში წყალი დაწყდა.

ბაზოულაში წყალი დაწყდაო?! ერთი შეკვივლება დასჭირდა და მთელი სოფელი ფეხზე დადგა. ესეც ითქვა, ისიც ითქვა, ბოლოს თოხები თოფებით გაიღვეს მხარზე და კტისძირის გზას დაადგნენ.

კტისძირი კურსებიდან ბევრად უფრო შორია, ვიდრე ნახშირადან. მიდიოდნენ და მიქაქანობდნენ. სანამ ბაზოულას სათავემდე აღწიეს, გზაზე კიდევ შემოალამდათ.

ასე საშინელი კვირა დაუდამდათ კურსებლებს.

ორშაბათი კი კურსებლებმაც და ნახშირელებმაც ერთად გაითენეს. როცა კურსებლებმა გაიგეს წყლის დაწყვიტის მიზეზი, კოტოია მონადირემ მელამური მგელივით ჩაირბინა ნახშირში და მთელი სოფელი კტისძირას ამორეკა. რა არ თქვეს, რა არ იქაქანეს და, ბოლოს, როგორც იქნა, მოილაპარაკეს.

ო, ეს ისეთი სანახაობა იყო, დაწვრილებით უნდა გიაშობოთ.

**თავი მეოთხე**

კტისძირას ატეხილი ომი. ასალო აბესადე აყრას აპირებს. კოლმეურნეობის კანტორაში შეკრული ზავი.

ვინ იცის, რითი დამთავრდებოდა კტისძირას ატეხილი დავა, რომ ასალო აბესადეს უეცრად ცრემლი არ მორეოდა.

ვისაც თავისი თვალით არ უნახავს, ვერაფრით ვერ წარმოიდგენს, როგორ იმოქმედა ამ ამბავმა ხალხ-

ზე. ჯერ, აქა-იქ მუქარით მოღვრილი თოხები დაყარეს მიწაზე, მერე ხმას დაუწიეს, დაუწიეს და სულ მიჩუმდნენ. ასალო კი, ეს ამოდენა კაცი, პირდაპირ ჯერ კიდევ სველ ნარუალში ჩამჯდარიყო, ცერისისმსხო ცრემლები გრძელ უღვაშებზე უბრწყინავდა და ხმამალა, მაგრამ მაინც თავისთვის, ცრემლნარევი ხმით ამბობდა:

— რა ექნათ, ახლა ჩვენ? ოჯახი გვაქვს, ცოლ-შვილი გვყავს, მტერ-მოყვარე გავგაჩნია. ისევ კანფეტო-ას ჯაგლაგით უნდა ვზიდოთ აყრო-ლებული წყალი გელათიდან? ამ კასრის წყლის გადამკიდეთ, ლამისაა ციებ-ცხელებაც შემოგვეჩვიოს. ალა-რაა საშველი, ბატონო. უნდა ავიყაროთ და გადავსახლდეთ აქედან. გადასარევი მეზობლები გვყავს — კურსებლებიც, გელათელებიც, მაგრამ რა ექნათ, რა. უნდა მივატოვოთ ეს გაჭირვებით ნაპოვნი მოყვარეც, მეზობლებიც და გავწიოთ უგზო-უკვლოდ, მიწისა და წყლის საძებნელად.

კახაბერს გულმა ველარ გაუძლო. ასე ეგონა, თვითონ იყო ამ ხანდაზმული კაცის ბავშვებით ატრების მიზეზი. ასალოს გვერდით ჩაიჩოქა და თეთრ თმებზე მოზრდილი კაცით გადაუსვა ხელი.

— კარგი, ახლა, ასალო ბიძია. სირცხვილია, ნუ ტირი, ასალო ბიძია.

მერე, როცა კახაბერი ამ ამბავს ყვებოდა, ამბობდა, — დარწმუნებით შემოიძლია ვთქვა, ასალო უღვაშზე ხელი რომ გადაისვა, ამით ღიმილმორეული თვალები და ტუჩები დამალაო. არა, ცრემლები ისევ ღაპილით სცვიოდა დანაოჭებულ დაწვებზე, მხრებიც უმიზეზოდ გალახული ბავშვებით უცახცახებდა, მაგრამ კახაბერს არასოდეს ტყუილი არ უთქვამს და ასეთი რაიმეს მოტყუილება რად დასჭირდებოდა. დედ-მამას იფიცებს, ნამდვილად დავინახე, ასალო ბიძიას ღიმილი მოკრიაო.

ასალო კი ახლა უკვე კახაბერს ელაპარაკებოდა ცრემლიანი ხმით:

— ეხ, ჩემო კახაბერ, ბიჭო, რაც შენ გუშინ გამახარე, იმის სამაგიეროდ თეთრი ცხენი უნდა მეჩუქებინა. ახლა მპატიე, მაგრამ იმ ცხენზე შევესვამ ჩემს ბებერს და გავუღვებით სახეტიალოდ გზას. საქართველოში როგორ არ აღმოჩნდება ისეთი სოფელი, სადაც წყალიც იქნება და კეთილი ხალხიც, რომ შეგვიკედლოს და მეზობლობა გავგიწიოს. თუ გავძელოთ, ხომ გავძელოთ ამ ბებრებმა, თუარადა ამოგვძვრება გზაში სული და ის იქნება. მაგითი არც

კურსებს დააკლდება ბელიათს.

კურსებლები მართლაც დამნაშავეებით თავჩალუნულები იდგნენ. ნახშირელები კი რალაც საუჭვოდ ისრესდნენ თვალებს.

წამიერი სიჩუმე სერგო ახალადემ დაარღვია:

— წავიდეთ, ხალხო, აწი, სახლებში. საცაა გათენდება. მაგათი წყალია და ძალით ხომ არ წავართმევთ!

ერთად თავმოყრილი კურსებლებს მათი კოლმეურნეობის თავმჯდომარე ბაგრატ იაშვილი გამოეყო, მუჭში ჩაახველა და დინჯად დაიწყო:

— ახლა მთლად მასე კი არ არის საქმე. მაინც მეზობლები ვართ. აქამდეც უნდა მოგვეფიქრებინა რაიმე მართალია, კურსებში სხვა წყაროებიცაა, მაგრამ ბაზოულას მთლად ვერ გავიმეტებთ, ზელობანი უმაგწყაროდ წყურვილით დაგვეხრჩობა. რა ვიცი, დევადეთ, მოვილაპარაკოთ. რაკი ასე იოლი გადასადგებია სათავე, კვირაში რამდენიმე დღე — თქვენ და რამდენიმე — ჩვენ; თუ ჩემი ხალხი არ იქნება წინააღმდეგი.

რისი წინააღმდეგი! ხალხში ერთი ერთამული ატყდა. ეშმაკმა უწყის, ვინ ვის ეხვეოდა და კოცნიდა. ხალხს თურმე ქეიფი უღვინოდაც შესძლებია. სანამ ზეცაზე რიბირა-ბომ არ გადაიარა, ისხდნენ კტისძირას ხელხელგადანხვეული კურსებლები და ნახშირელები გაიმდგრდნენ და ზოგჯერ თავგადადებული ციკვაკდნენ კიდევ.

მერე სერგო ახალადემ და ბაგრატ იაშვილმა მოილაპარაკეს. ასეა თუ ისე, მაინც დაწერილი პირობა სჯობიაო, — თქვეს. ხალხში რამდენიმე კაცი გამოარჩიეს და რიყრაყამდე დაადგნენ კურსების გზას. სიმართლე გითხრათ, კახაბერი და ნაომი არავის მიუპატიებია, მაგრამ ასეთ ისტორიულ მომენტს თვითონ როგორ გამოტოვებდნენ. სერგო თავმჯდომარეც არ გაჯიუტებულა. მაგ ბიჭებზე ალალიაო, თქვა და თან გაიყოლია. მივიდნენ კურსების კოლმეურნეობის კანტორაში, შეადგინეს ხელშეკრულების ტექსტი ორ ცალიად, თავმჯდომარეებმა და მოწმეებმაც ხელი მოაწერეს, დიდის ამბია დაარტყეს ბეჭედი და ერთი ცალი რკინის საიდუმლო კარადში ჩაკეტეს, მეორე კი სერგო ახალადემ სათუთად დაკეცა და უბეში შეინახა, გულთან ახლოს.

აი, ეს ხელშეკრულებაც: „ჩვენ, ქვემოთ ხელმოწერიანი, ერთის მხრივ სოფელ კურსების კოლმეურნეობის თავმჯდომარე ბაგრატ იაშვილი, კოლმეურნეები —



დათიკო ბახტაძე, ოტია ალფაიძე. ბუჭულია ბახტაძე და არსენ ბახტაძე, ხოლო მეორეს მხრივ სოფელ ნახშირას კოლმეურნეობის თავმჯდომარე სერგო ახალაძე, კოლმეურნეები — გრიგოლ გოგოლაძე, საჩინო აბესაძე, ლევან გოშხეთელიანი, ტრანსფორმატორების ქარხნის ოსტატი ასკალონ მალღაფერიძე ვლებთ ამ ხელშეკრულებას მასზედ, რომ დღეიდან ბაზოულას წყარო ერთნაირ საკუთრებაში ჰქონდეთ ამ ორი სოფლის მცხოვრებლებს — კურსებლებსა და ნახშირელებს. კვირაში ოთხი დღე წყართი ისარგებლებენ ნახშირელები, რადგან მათ სხვა სასმელი წყალი სოფლად არა აქვთ, ხოლო დანარჩენი სამი დღე — კურსებლები. სამაგეროდ, ნახშირელებს ევალებათ გამოჰყონ კაცი, რო-

მელიც კვირაში ორჯერ შეუცვლის სათავეს ბაზოულას წყაროს.

ამ ხელშეკრულების სინამდვილეს ხელმოწერითა და ბეჭდის დასმით ვადასტურებთ...“

ამას მისდევდა ხელმოწერა და თარიღი.

#### ყველა ამბის დასასრული

ახლა კახაბერი თბილისშია.

ხშირად, ძალიან ხშირად იგონებს თავის კარგ მეგობრებს — ნანის, ნაომს, ვანიკოს, მამუკას.

ამას წინათ ნანის წერილი მიიღო.

„მომავალ ზაფხულში რომ ჩამოხვალ, კიდევ მოვძებნოთ ერთი წყარო“.

კახაბერმაც გადაწყვიტა: ზიარი წყალი კარგია, მაგრამ საკუთარი ჯობიაო, და მომავალი ზაფხულისათ-

ვის სალაშქროდ ემზადება.

თუ მართლაც იპოვნის ახალ წყაროს, სხვა დროს გაიმბობთ.

კინალამ დამავიწყდა მეთქვა:

ნახშირელებმა წყარო ამოაშენეს და თავი მოადგეს. ზედ წყალწითელაზე აკრეფილი ფერადი რიყის ქვებით წააწერეს: „უკვდავების წყაროსთვის“.

მართალია, ჩვენი პატარა გმირების სახელები წყაროს თავზე არ ამოუკვეთავთ, მაგრამ ყველამ იცის, ნახშირაშიც და კურსებშიც, რომ ამ ორი სოფლის სამუდამოდ დამეგობრებას უნდა უმადლოდნენ სასმელი წყლის აღმომჩენთ:

ნანის,  
ვანიკოს,  
ნაომს,  
კახაბერს.

# სოხნუვის წყაღო



აპაპი ლოპაძე,  
საქართველოს სსრ ფიზკულტურისა  
და სპორტის დამსახურებული მოღ-  
ვაწე, პედაგოგის მეცნიერებათა  
კანდიდატი.

მოზარდი თაობის ყოველმხრივ ფიზიკურ განვითარებას ჯერ კიდევ ძველ საუკუნეებში აქცევდნენ ყურადღებას: ტარდებოდა ასპარეზობა რბენაში, სტომაში, ბირთვის კვრაში, ბადროს ტყორცნაში, ჭიდაობაში, კრივში, თამაშობაში... შემუშავებული იყო სხვადასხვა ძრავალჭიდი — ეგრეთ წოდებული პენტათლონი, პანკრატიონი და სხვ. შეჯიბრებების ჩასატარებლად იმ დროს საგანგებო შენობებსაც კი აშენებდნენ. მაგალითად, რომში, ძვ. წ. აღ. VI საუკუნეში, ააგეს უზარმაზარი ცირკი, რომელიც 190.000 მაყურებელს იტევდა. ყოველმხრივი ფიზიკური განვითარება გულისხმობს ადამიანის სხეულის თითოეული ორგანოს თანაბარ, ჰარმონიულ განვითარებას, ესე იგი, სისწრაფე, ძალა, გამძლეობა, სიმარჯვე და სხეულის სხვა ფიზიკური თვისებები ერთნაირად უნდა განვითარდეს. ეს მუდამ უნდა გვახსოვდეს; რადგან მხოლოდ ერთ-ერთი ამ თვისების განვითარებას შეიძლება მეორის დაკნინება მოჰყვეს. მაგალითად, შეიძლება ძალ-



ზე გამძლე იყო, დიდხანს დარბოდე და არ იღლებოდე, მაგრამ ამავე დროს, უღონო მკლავები გქონდეს და ღერძსა თუ ორძელზე მარტივი ვარჯიშიც ვერ შეასრულო; ან კიდევ, პირიქით — შესაძლოა ღონიერი იყო, მხარბეჭიანიც, მაგრამ 200 მეტრს გაირბენ თუ არა, გული ამოგივარდეს, პატარა მდინარეც კი ვერ გადასცურო...

ფიზიკური აღზრდის ჩვენი სისტემა სწორედ იმას ითვალისწინებს, რომ თითოეული საბჭოთა ადამიანი ფიზიკურად ყოველმხრივ განვითარებული, სრულყოფილი იყოს.

ამ სისტემის საფუძველი იყო საკავშირო ფიზკულტურული კომპლექსი „მზად ვარ შრომისა და თავდაცვისათვის“ (მშთ), რომელიც, ლენინური კომკავშირის თაოსნობით, 1931 წელს შემოვიღეთ, ხოლო კომპლექსი ბავშვებისათვის — „იყავ მზად შრომისა და თავდაცვისათვის“ (იმშთ) — ცოტა მოგვიანებით დაწესდა. ორსავე კომპლექსში შეტანილი იყო ადამიანის ფიზიკური თვისებების განმავითარებელი და ცხოვრებაში გამოსაყენებელი ვარჯიშები. კომპლექსების სტრუქტურა და ნორმები რამდენჯერმე შეიცვალა, თანდათან უფრო გართულდა.

ყოფილი მშთ კომპლექსი, ბოლოს და ბოლოს, მოძველდა, ვეღარ ასრულებდა თავის დანიშნულებას. ამის გამო, წლეულს 1 მარტიდან ძალაში შევიდა ახალი კომპლექსი „იყავ მზად შრომისა და სსრ კავშირის თავდაცვისათვის“. თუ ძველი კომპლექსი სამი საფეხური-საგან შედგებოდა, ახალი კომპლექსი ხუთ საფეხურს ითვლის.

ძველი კომპლექსის ნორმების ჩაბარება 13 წლის ასაკიდან იწყებოდა და 45 წლის ასაკში მთავრდებოდა, ახალში კი 10 წლიდან 60 წლის ასაკამდე აბარებენ, ესე იგი ჩაბარების ფარგლები 32 წლიდან 50 წლამდე გაიზარდა.

ამრიგად, 10-11 წლის მოზარდი პირველი საფეხურის ნორმებს რომ ჩააბარებს, მას, თავისი სიცოცხლის მანძილზე, რამდენჯერმე მოუწევს სხვა საფეხურთა ნორმების ჩაბარება, ხოლო 60 წლისა რომ გახდება, თითქმის იმავე ჰიძლიერის ნორმატივებს ჩააბარებს, რაც პირველი საფეხურით არის გათვალისწინებული.

ყოველივე ეს იმას მოწმობს, რომ ჩვენს ქვეყანაში ადამიანის სიცოცხლე, მისი ახალგაზრდული წლები სულ უფრო და უფრო ხანგრძლივი ხდება.

ამასთან, უნდა ითქვას, რომ დიდად ამაღლდა ჩასაბარებელი ნორმატივების დონე. თუ წინათ 14 წლის გოგონას 60 მეტრი 10,8 წამში უნდა გაერბინა, ახ-

ლა ვერცხლის ნიშანზე 10, ოქროსაზე კი 9,4 წამში უნდა დაფაროს ეს მანძილი. სიმაღლეზე სტომაშიც შესაბამისად მომატებულია 15 სმ და 20 სმ, სიგრძეზე სტომაში 40 სმ და 90 სმ. თუ 15 წლის ბიჭისთვის სიმაღლეზე სტომის ნორმატივი 105 სმ-ით განისაზღვრებოდა, ახლა ეს სიმაღლე 10-11 წლის ყმაწვილმა უნდა გადალახოს, რომ ოქროს სამკერდე ნიშანი მიიღოს. 15 წლის ბიჭების ნორმატივი თუ



325 სმ იყო სიგრძეზე სტომაში, ამაჟამად 10-11 წლის ბიჭი 15 სმ-ით მეტზე — 340 სმ-ზე უნდა გადახტეს, 12 წლისა კი 380 სმ-ზე და ა. შ.

ასე რომ, პიონერთა ასაკის ნორმატივები (იხ. თანდართული ცხრილი) საკმაოდ გაზრდილია და მათი ჩაბარება საწვრთნელი მეცადინეობების გარეშე ძალზე ძნელია. საჭიროა სისტემატური წვრთნა, როგორც სკოლაში, ასევე სახლის გუბში, პიონერთა ბანაკში და სხვ.

იმშთ-ს ახალი კომპლექსის დებულებით ყველამ უნდა ჩააბაროს ნორმატივები ცურვაში. ამიტომ, ვინც ჯერ კიდევ არ იცით ცურვა, აუცილებლად უნდა დაეუფლოთ სპორტის ამ სახეობას. ამ მხრივ კარგ დახმარებას გაგიწევთ ჟურნალ „პიონერის“ 1970 წლის № 6-ში და 1971 წლის № 2-ში დაბეჭდილი რჩევა-დარიგებები.



# «მუთი» კომპანის პირველი საუბრი- «ქაქანი და მოხარხაუნი»

ვარჯიშები და ნორმები

ვარჯიშთა სახეობანი	ბ ი კ ე ბ ი				გ ო გ ო ნ ე ბ ი			
	10-11 წლის		12-13 წლის		10-11 წლის		12-13 წლის	
	ვერცხლ. ნიშანზე	ოქროს ნიშანზე	ვერცხლ. ნიშანზე	ოქროს ნიშანზე	ვერცხლ. ნიშანზე	ოქროს ნიშანზე	ვერცხლ. ნიშანზე	ოქროს ნიშანზე
1	2	3	4	5	6	7	8	9
1. რბენა ა 30 მ (წმებში) 60 მ (წამებში)	5,8	5,2	—	—	6,0	5,4	—	—
2. ხტომა სიგრძეზე (სმ)	310	340	340	380	260	300	300	350
3. ხტომა სიმაღლეზე (სმ)	95	105	105	115	85	95	100	110
4. ჩოგბურთის ბურთის ტყორცნა (მ)	30	35	35	40	20	23	23	26
5. ცურვა დროის ჩაუთვლელად (მ) 50 მ (წთ, წმ)	25	—	50	—	25	—	50	—
6. რბოლა თხილამურებით 1 კმ (წთ, წმ) 2 კმ (წთ, წმ)	8,00	7,30	—	—	8,30	8,00	—	—
უთოვლო რაიონებში: ველოსიპედით სიარული 5 კმ (წთ)	16	15	15	14	19	18	18	17
კროსი დროის ჩაუთვლელად (მ)	500	1000	1000	1500	300	500	500	1000
7. ღერძზე მიზიდვა (რამდენჯერ) ბავირზე ცოცვა ფეხების დახმარებით (მ, სმ)	3	5	5	7	—	—	—	—
	—	—	—	—	2 50	2 80	2 80	3 50

შენიშვნა: ოქროს სამკერდე ნიშნის მისაღებად საჭიროა შესრულდეს სულ ცოტა 5 ნორმა ოქროს ნიშნის და 2 — ვერცხლის ნიშნის მოთხოვნების დონეზე.

ვარჯიშები ამორჩევით ოქროს სამკერდე ნიშანზე ჩამბარებელთათვის (10-11 წლის ასაკში აუცილებელია ორი, 12-13 წლის ასაკში კი 3 რომელიმე სახეობის ჩამბარება)

1	2	3	4	5	6	7	8	9
1. წინაღობათა ზოლი 80 მ	4 წინაღობა	—	—	5 წინაღობა	—	3 წინაღობა	—	4 წინაღობა
2. ტანვარჯიშული მრავალჭიდი	სამჭიდი	—	—	ოთხჭიდი	—	ორჭიდი	—	სამჭიდი
3. ტურისტული ლაშქრობა ტურისტულ რჩევათა შემოწმებით	5-6 კმ	—	—	შესრულდეს „ნორჩი ტურისტის“ სამკერდე ნიშნის მოთხოვნები	—	5-6 კმ	—	შესრულდეს „ნორჩი ტურისტის“ სამკერდე ნიშნის მოთხოვნები
4. სროლა	—	—	—	შესრულდეს „ნორჩი მსროლელის“ სამკერდე ნიშნის მოთხოვნები	—	—	—	შესრულდეს „ნორჩი მსროლელის“ სამკერდე ნიშნის მოთხოვნები
5. რბოლა უბრალო ციკლურებით 100 მ (წმ)	—	20	—	18	—	22	—	—
6. მონაწილეობა სპორტულ თამაშებში გამართულ შეჯიბრებებში (თამაშის რაოდენობა)	—	5	—	8	—	5	—	—

ბ ი ო რ ბ ი კ ა ჭ ა ნ ი



## თხუნელა

ჩუმად მიწაში დაძვრები,  
გაქვს მიწაშივე ბინა,  
შენთვის არც მთვარე ანათებს,  
არც მზე კამკაშა ბრწყინავს.

დღემ თუ დაგხედა ხვრელიდან,  
ხვრელს უმალ მიწით კეტავ...  
ბნელში ცხოვრება, თხუნელავ,  
რამ დაგაბედა ნეტავ!

ამბობენ: — ერთხელ ერთ ტყეში  
უთქვამთ, რომ დაგვმეთ ღმერთი,  
ცა მიწას დაეცემაო,  
არ გადავრჩებით ერთიც.

გაფითრებულხარ, შეგკვრია  
შიშით კარგა ხანს სუნთქვა.  
— იმ შავ დღეს, უბედურებას  
ვერ ვუყურებო, — გითქვამს.

წასულხარ,  
ჯერ დაგიოხრია  
თვალები ვაით, ვიშით,  
მერე მიწაში ჩამდგრაღხარ  
ქვეყნის დაქცევის შიშით.

აშლილან, შეწუხებულან  
სულდგმულნი ტყის და მიწის...  
იმ ცოდვის დღიდან გამხდარხარ  
ცივი სიბნელის მკვიდრი.


არ გაგიკვირდეს, თხუნელავ,  
და მზე კვლავ ბრწყინავს ცაზე,  
მთვარეც ხან ნამგლის მსგავსია,  
ხან გაბადრული, სავსე.

ყვავილი ისევ ყვავილობს,  
ისევ მწვანდება მიწა,  
ბულბულის სტვენა კვლავ ესმის  
ვარდს, სიყვარულის ფიციად.

კვლავ არ ითვლება ღირსებად  
დაკარგვა გზის და კვალის,  
შეშინდე, შიშმა ჩაგიკლას  
ყველა იმედი ხვალის;

დათმო სიტურფე ქვეყნისა,  
შუქი მზისა და მთვარის...  
ო, რა ცუდია, ცხოვრობდე,  
ცას ვერ მოავლო თვალი.





ნაგზარ აუხაზაა

მხატვარი თამაზ ხუციშვილი

# გუ, იანოზ!

ფანტასტიკური მოთხრობა

1

უცნობი უზრნალისტის ჩანაწერებიდან

2

პლანეტა მეირას მოსახლეობას თავისი სატყვიარო სტკიოდა, სამყაროს სივრცეებზე ფიქრისთვის არ ეცალა და ამიტომ კოსმოსურ ხომალდ „ლუხუმის“ გამოჩენა თითქმის შეუნიშნავი დარჩა. მხოლოდ ერთადერთი, ჩამქრალი ვულკანის კრატერში მოთავსებული ობსერვატორიის ფანატისკოსმა ასტრონომმა აღნიშნა, რომ მეირას ფანტასტიკური სისწრაფით მიმქროლავმა მომცრო ასტროიდიმა ჩაუქროლა და მყისვე უკვალოდ გაქრა.

თავის მხრივ, დიდი ინტერესი პლანეტა მეირას არც „ლუხუმის“ ეკიპაჟში გამოუწვევია, ეკიპაჟი ითქმის, თუმცა ხომალდის მრავალრიცხოვანი პერსონალიდან მხოლოდ ორიოდ კოსმონავტი ფხიზლობდა — დანარჩენები ანაბიოზში ღრმა ძილს მისცემოდნენ. მორიგე შტურმანი საინტერესო წიგნის კითხვას ხმადაბალმა, წყვეტილმა სიგნალმა მოსწვევია. ელექტრონულ-გამომთვლელი მანქანის ფირზე მწვანე ნათურა აინთო და იმავ წამს ლითონისებურად მუდერმა ხმამ დარბაზი აავსო — მანქანა უკვე მახასიათებლებს გადმოსცემდა: „ჩავუარეთ S-77-K კლასის ბნელი ვარსკვლავის ცხრაპლანეტის სისტემას, — მდორე და ერთფეროვან ხმას თითქოს თვითმყოფილების იერი დაჰკრავდა. — უახლოესი პლანეტიდან სისტემის ცენტრამდე მანძილი 400 ათასი კილომეტრია, უშორესიდან — ექვსი მილიარდი. მეხუთე პლანეტაზე რადიოაქტიური ფონი დასაშვებზე მეტია...“

მეხუთე პლანეტას მეირა ერქვა...

„...თუ ახლა, ამ მომენტში, მეირაზე არის ადამიანი, რომელიც დღევანდელმა ამბებმა არ ააფორიაქა და წონასწორობიდან არ გამოიყვანა, იგი ან სულით ავადმყოფი იქნება, ან სულაც უგულო და მეირას მწვერვალებივით ცივი და უსიცოცხლო. თუ ის, რაც მიცნობის საბაზის დაადგინა და დღეს პლანეტის ყველა მთავარმა გაზეთმა გამოაქვეყნა, თუ ის უცნაური და გაუგონარი პროექტი შეიძლება განხორციელდეს, მაშინ ნურავინ ეცდება დამარწმუნოს, რომ სამყაროში სასწაულები არ ხდება...“

მე სულაც არ ვეკუთვნი იმ დონდლო და ზოონა ადამიანთა რიცხვს, რომელთაც თავისი ერთხელვე დადგენილ-დაკანონებული ცხოვრების წესის შეცვლას სიკვდილი ურჩევნიათ. ბოლოსდაბოლოს, ამის უფლებას ჩემი მოუსვენარი პროფესიაც არ მაძლევს. მაგრამ მეც კი, ვისაც ერთფეროვნება სიცოცხლეს მიწამლავს, და ცხოვრების ნირის შეტრიალება არაფრად მიღირს, ხანდახან მგონია, რომ უმჯობესია პლანეტა მეირაზე ყველაფერი ძველებურად დარჩეს და იმ ფანტასტიკურ თეორიებსა და პროექტებს ტყუილუბრალოდ ნურავინ წაეპოტინება...

კაცმა რომ თქვას, ნუთუ ისე ცუდად ვცხოვრობთ, რომ ასე დიდი რისკის გაწევა აუცილებლად მივიჩნიოთ?..

მაინც რა უცნაურია ეს ჩვენი საუკუნე! ათობით ძველ, ათასწლოვან განმტკიცებულ შეხედულებებს ბოლო მოეღო და მათი ადგილი ახალმა, მწყობრმა თეორიებმა დაიკავა...





ხალხს დიდხანს სჭეროდა, რომ ჩვენი მერია სამყაროს ერთადერთი დასახლებული კუნძულია, ხოლო ცაზე მოკიფე მანათობელი წერტილები ვიწრო ნახვრეტებია, რომელთა მიღმაც მარადიული სინათლით სავსე უსასრულო სამეფოა გადაჭიმული რელიგიის მსახურნი ამტკიცებდნენ, რომ ოდესღაც, უხსოვარ დროს, ადამიანთა დასახლებად ღმერთმა ერთ ნახვრეტში წადის წვერი ჩაქრა, გააფართოვა და იმ ნახვრეტიდან გადმოღვრილმა მარადიულმა სინათლემ მერიას ზედაპირზე ყოველივე ცოცხალი მოსპო და გადაბუგა. შემთხვევით თითქოს ერთი ტომი გადარჩენილა მხოლოდ, რომელსაც მოუწერია და თავი ღრმა გამოქვაბულისათვის შეუფარებია. მერე ღმერთს გული მობრუნებია და ის დამლუპველი ნახვრეტი საგულდაგულოდ ამოუქოლავს.

შუა საუკუნეებში კოცონზე დასწვეს პოეტი, რომელიც მარადიულ სინათლეს უმღეროდა... კოცონზე დასწვეს მეცნიერიც, რომელიც ამტკიცებდა — ციური მოციმციმე წერტილები ჭუჭრუტანები კი არა, გიგანტური ვარსკვლავებია და ასე მომცროსი სიშორის გამო გვეჩვენებია...

ჩვენი საუკუნის დასაწყისში დიდმა რენანიმ ჩამოაყალიბა ზუსტი კოსმოგონიური თეორია და უამრავ ბუნდოვან საკითხს ნათელი მოჰფინა.

რენანიმ ასტრონომიის უახლესი აღმოჩენები გამოიყენა და ცხადყო, რომ მერია ერთი იმ ცხრა პლანეტათაგანია, რომლებიც თავბრულდამხვევი სისწრაფით ბრუნავენ საკუთარი ღერძისა და ბნელი ჭუჭა ვარსკვლავის გარშემო. რენანიმ ცხადყო, რომ სამყარო უსასრულოა და შორს მოკიფე წერტილები ვარსკვლავებია, რომელთაც, ალბათ, საკუთარი პლანეტათა სისტემები გააჩნიათ.

იმავე რენანიმ პირველმა გამოთქვა აზრი, რომ ჩვენი სისტემის ცენტრი ოდესღაც იმ შორეული ვარსკვლავებით ბრწყინვალე მნათობი იყო, მაგრამ შემდეგ, გამოუცნობი მიზეზების გამო, სინათლე და სითბო დაჰკარგვია და სქელი, ბნელი ქერქი გადაკვრია.

ეს პირობა წყალბადის ბომბის აფეთქებაზე მძლავრად აღმოჩნდა. რენანი მწვალებლად გამოაცხადეს, მაგრამ შუა საუკუნეებში წარსულს სამუდამოდ ჩაბარდა და მეცნიერი კოცონზე დაწვას გადაურჩა. რამდენჯერმე ტყვიაც ესროლეს. მაგრამ რენანის, ჩანს, ბედი სწყალობდა და ყველა ტყვია ასცდა.

მერე ის იყო, მერიას ზედაპირზე გაჩაღებულმა არქეოლოგიურმა საძიებო ექსპედიციებმა რენანის თეორიის სისწორე სავსებით დაამტკიცეს. სახელგანთქმული მეცნიერი თურმე სიხარულის ცრემლებით ატირდა, როცა ამის შესახებ მოახსენეს.

მერიას ზედაპირზე, სქელი ყინულოვანი საფარველის ქვეშ, მეცნიერებმა უძველეს ადამიანთა თავისქალები, მათი სადგომები, კერისა და იარაღის ნაშთები, უცნაური, დღემდე გაუშიფრავი სოლისებური დამწერლობის ნიმუშები, მადალი ხეების ნარჩენები, უზარმაზარ ობხვება არსებობა გაყინული სხეულები აღმოაჩინეს. გამოირკვა, რომ თვალები არა მარტო ადამიანებს, არამედ იმ უცნაურ ცხოველებსაც ჰქონდათ. ამ აღმოჩენებიდან რამდენიმე ფრიად მნიშვნელოვანი დასკვნა გამოიტანეს...

ახლა საეჭვოდ არავის მიაჩნია, რომ მერიას სიცოცხლე ჯერ კიდევ იმ დროს ჩაისახა და განვითარდა, როცა მის ცას ჩახჩახა მზე ანათებდა და დღე და ღამე მორიგეობით ცვლიდნენ ერთმანეთს. მართლაც, ასე რომ არ ყოფილიყო, ადამიანთა მოდგმას (და იმ გადაშენებულ ობხვება არსებებს) თვალებიც არ ექნებოდათ — ხომ არა აქვთ თვალები თხუნულებსა და ღამურებს, რომლებიც თავისი გაჩენის დღიდან ბნელში ცხოვრობენ და სინათლე არ სჭირდებოდათ...

მერიას ზედაპირზე ოდესღაც ზღვები და ოკეანეები ღელავდნენ, ღრმა ხევებში და ტყეებიან დაბლობებში მდინარეები მიედინებოდნენ. ზღვებსა და მდინარეებში ისეთივე თევზები ცხოვრობდნენ, ახლა ჩვენს მიწისქვეშა წყალსატევებში რომ ბინადრობენ. ტყეებში ფრთოსანი ხვლიკები ბუდობდნენ, რომელთაც, აგრეთვე, თვალები ჰქონიათ...

მერე მზეს თანდათან დააკლდა სითბო და სინათლე, მერიას ზედაპირზე ბინდი და სიცივე წვებოდა. ადამიანმა ღრმა გამოქვაბულებს მიაშურა, სადაც, მართალია, ბნელოდა, მაგრამ, სამაგიეროდ, არ ციოდა. ცეცხლს განსაკუთრებული ძალა და მნიშვნელობა მიენიჭა. გამოქვაბული ყველას როდი ყოფნიდა და ბინისათვის დაუნდობელი ბრძოლები გაჩაღდა. მთელი ტომები დედაბუდიანად ნადგურდებოდნენ. უფრო ძლიერები იმარჯვებდნენ და გამოქვაბულებსაც ისინი აფარებდნენ თავს.

ზედაპირზე უფრო და უფრო აცივდა. ზღვები და მდინარეები ნელ-ნელა გაიყინა... მთებიდან ყინულის გიგანტური ნაკადები დაიძრა. განუწყვეტლივ თოვდა. თოვლმა და ყინულმა მთლიანად დაფარა მთები და მინდვრები, ტყეები. ობხვება და ფრთოსანი არსებები შეცვლილ კლიმატს ვერ შეეგუვნენ და გადაშენდნენ...

ეს პროცესი თითქმის ათი ათასი წლის მანძილზე გრძელდებოდა. ცხოვრების პირობების გართულებამ ადამიანი აიძულა გონება კოლოსალურად დაეძაბა... დრო მიდიოდა... თანდათანობით, ნაბიჯ-ნაბიჯ მოვიდა პირველი დიდი წარმატებები. ყველაზე უწინ და არაჩვეულებრივად სწრაფად ქიმიკა და ფიზიკა განვითარდა. მეცნიერების ამ ორ დარგს რელიგია ღვთის მიერ ნაბიჯებ მადლად თვლიდა და ამიტომ არ სდევნიდა. უკანასკნელი ათასი წლის მანძილზე ქიმიკმა საოცარ წარმატებებს მიაღწია: გადაიჭრა ხელოვნური საკვების პრობლემა; ამასთან, გეოლოგიამ და მომპოვებელმა მრეწველობამაც ძალზე წაიწია წინ. აშენდა მიწისქვეშა ქარხნები, ფაბრიკები, მთელი ქალაქები... ორასი წლის წინათ მერიას მოსახლეობა სამასი მილიონი იყო, ახლა კი ორ მილიარდს აღემატება.

ადამიანები ძირითადად 50-100 მეტრის ჰორიზონტზე ცხოვრობენ. მერიას ზედაპირზე უმთავრესად, მხოლოდ მეცნიერული დაკვირვებისათვის ან წყლის მარაგის შესავსებად ადიან. მიწისქვეშა ქალაქებში, მინდვრებსა და საძოვრებზე ახლა თეთრი სინათლის ნათურები ანთია. სოფლის მეურნეობა მთელი წლის მანძილზე სამ მოსავალს იძლევა. ატომური ელექტროსადგურები უხვ და იაფფასიან ენერჯიას აწვდიან ადამიანებს. დიდი ხანია, დამუშავდა მერიას გავარჯერებული ბირთვის ენერჯიის გამოყენების პროექტი. ერთი სიტყვით, კაცობრიობა აყვავების პერიოდშია.

ასე რომ, ცუდად როდი ვცხოვრობთ...

მაგრამ ამ უკანასკნელი ათეული წლების მანძილზე იგრძნობა, რომ მერიას ზედაპირი ადამიანებს ანდამატივით იზიდავს. მეცნიერთა ერთი ჯგუფის აზრით, რომელიც ტექნიკის განვითარების თანამედროვე ტემპებს ითვალისწინებს, კაცობრიობა უახლოეს 30-50 წელიწადში შესძლებს შექმნას ხელოვნური მზე, რამდენიმე ათეული ათასი კვადრატული კილომეტრის ფართობზე ყინული გააღოს და, ამრიგად, მოსახლეობის მზარდ მოთხოვნილებათა დასაკმაყოფილებლად, სასაძოვრე და სახანავი მიწები გაათავისუფლოს. უკიდურესი სკეპტიკოსებიც კი აღიარებენ, რომ ამ პროექტის განხორციელება პრინციპულად რეალურია...

საინტერესოა, როგორ გამოეხატებოდნენ უკიდურესი სკეპტიკოსები მაცნიერობა საბჭოს უკანასკნელ გა-

ლით ავადმყოფთა სახლში თვრამეტი წლის ქალბატონი  
მიიყვანეს, რომელიც ამტკიცებს, რომ ახლახან დაბრუნ-  
და მარადიული სინათლის სამყაროდან და ჯიბეში მაც-  
ნიერთა საბჭოსადმი ღმერთისაგან გამოგზავნილი წე-  
რილი უღევს...”

გაზეთი „დავარა“. 2016. 5. 8.

ამბობენ, რომ ცნობილმა მწერალმა რაინ ვინერმა-  
ასტროფიზიკაში ჩახედულმა კაცმა, კოსმოგონიურ მეც-  
ნიერებათა კანდიდატმა, განაცხადა: პრემატი საფუძ-  
ველშივე მცდარია და მის განხორციელებაზე ფიქრი  
დროის ფუჭი დაკარგვააო.

საინტერესოა, რომ რაინ ვინერი მამაა ძმების — ზან  
და დარი ვინერებისა, რომლებიც პრემატის სული და  
გული, მისი წამომწეები და მთავარი შემოქმედნი არიან.

სიტყვამ მოიტანა და მკითხველს შევახსენებთ, რომ  
პრემატის იდეა ძმებს მეირას ზედაპირზე სეირნობისას  
დაბადებიათ... ხომ არ დამდგარა დრო, რომ აღიკვეთოს  
ყინულეთში განავარდების მავნე სურვილები, რომლე-  
ბიც ზოგიერთებს ძალზე ხშირად უჩნდებათ ხოლმე?  
გარდა ყულისა, რომლის მარაგიც ზედაპირზე დაუღვე-  
ლია, ყინულეთი სასიკეთოს ვერაფერს მოგვცემს. მე პი-  
რადად, ამ სტრიქონების ავტორს, არც პოეტების მიერ  
ასკერ გადაღებული ვარსკვლავები და არც მითიური ვარ-  
დისფერი აბლაბუდა არასოდეს მინახავს, მაგრამ თავს  
შესანიშნავად ვგრძნობ და არც უცნაური პროექტები  
მაწუხებს... წარმოიდგინეთ, ყველამ ყინულეთში სეირ-  
ნობა რომ მოინდომოს, ფაბრიკა-ქარხნებში და მინდვ-  
რებზე ვიღამ იმუშაოს? თანაც ვინ იცის, ამ სეირნობი-  
სას რამდენი მავნე, განუხორციელებელი იდეა და პრო-  
ექტი დაიბადება...

ყოველ შემთხვევაში. ვფიქრობთ, ზედმეტი არ იქნე-  
ბოდა, მაცნიერთა საბჭოს მეთაური ხალხის წინაშე  
გამოსულიყო...”

სოველკვირეული „პროუ“. 2016. 5. 8.

„იმის თქმა, რომ მაცნიერთა საბჭოს იუმორის  
გრძნობა არ გააჩნია, უეჭველად მკრეხელობა იქნებოდა.  
მაგრამ მთელი პლანეტის მასხარადაგდება მეტისმეტია  
და აქ მეცნიერთა საბჭომ აშკარად თავისთავს გადააპარ-  
ბა. რა თქმა უნდა, სისულელე იქნება ვამტკიცოთ (რო-  
გორც ამას ზოგიერთები სჩადიან), რომ მაცნიერთა  
საბჭოში კოსმოსური ბანდითები სხადან, მაგრამ  
იქ რომ ყველაფერი რიგზე არ არის, ეს ისეთი ქეშმარი-  
ტებაა, რომელსაც მტკიცება აღარ სჭირდება“.

გაზეთი „რიული დისი“. 2016. 6. 8.

„დასავლეთ ნახევარსფეროს პრესის მესვეურები,  
რომელთაც, უწინარეს ყოვლისა, ტირაუსის გაზრდა აინ-  
ტერესებთ, ათასგვარ ხრიკსა და ცილისწამებას მიმარ-  
თავენ. გუშინდელმა „დავარამ“ აშკარა ცილი დასწამა  
დიდი მეცნიერების — ზან და დარი ვინერების მამას,  
სახელგანთქმულ მწერალს რაინ ვინერს... სხვათა შორის,  
ჩვენთვის ცნობილია, რომ რაინ ვინერი პრემატს სავ-  
სებით იწონებს და მისი განხორციელების შესაძლებლო-  
ბა ოდნავადაც არ ეეჭვება.

საკმარისია თვალი გავადევნოთ უკანასკნელ ათ-  
წლეულში ტექნიკაში მომხდარ გიგანტურ ნახტომს და  
დავრწმუნდებით, რომ პრემატში განუხორციელებელი  
არაფერია. მეირას ვეებერთელა ენერგეტიკული საშუა-  
ლებები მოეპოვება. თუ ორივე ნახევარსფეროს მოსახლე-  
ობა პრემატს მხარს დაუჭერს, გაისად, დაახლოებით ამ



დაწყვეტილებას?.. ნუთუ შესაძლებელია, რომ...“ უც-  
ნობი უურნალისტის ჩანაწერები აქ წუდება...

3.  
პრესა

გაზეთი „დინ დანი“. 2016. 4. 8.

„მეცნიერთა საბჭოს გუშინდელ გადაწყვეტილებას  
სხვას ვერაფერს დაარქმევ, თუ არა უგუნურს. ნუთუ  
ადამიანის თავხედობას საზღვარი არა აქვს? მაცნიერ-  
თა საბჭოში ან სულით ავადმყოფნი სხედან, ან მავ-  
ნებლები, რომელთაც პლანეტის დაღუპვა გადაუწყვე-  
ტიათ...“

გაზეთი „დავარა“. 2016. 4. 8.

„ოიროს სააგენტო დეილ-სინტალიდან იუწყება: მე-  
ირას დასავლეთ ნახევარსფეროში სჭერათ, რომ მაც-  
ნიერთა საბჭოს ყველა წევრი პლანეტის ზედაპირზე  
უკომპინიზონოდ გასეირნებას იმსახურებს. ცნობილი  
ასტროფიზიკოსი სეივ მირი ფიქრობს, რომ რენანის და-  
მოწმება უსაფუძვლოა და პროექტის განხორციელება  
შეუძლებელია, თუმცა რისკის გაწევა მაინც არა ღირს“.

გაზეთი „ნორ-ვანდა“. 2016.4.8.

„დასავლეთ ნახევარსფეროს სამეცნიერო წრეებში  
აუიოტაჟია. მღელვარება მოსახლეობასაც გადაედო. ერთ-  
მა აბატმა, რომელმაც ტელევიზიის მორიგი გადაცემა  
16. მოისმინა, წუხელ თავი მოიკლა. ქალაქ სტუონის სუ-

დროს, შეიძლება გაშარჯვება ვიზეიმოთ. ჩვენ გვჯერა, რომ პროგრესული ძალები ამჟერადაც გაიმარჯვებენ და თითო-ორი ბნელეთის მოციქულს, რომლებიც მოსახლეობის სულიერ მოწამვლას უკვე შეუდგნენ, საკადრის პასუხს გასცემენ“.

**ბაჯეთი „მენახი“. 2016. 7. 8.**

აღმოსავლეთ ნახევარსფეროში მიაჩნიათ, რომ შესაძლო საფრთხეს დასავლეთში მეტისმეტად აწვიადებენ. ყოველ შემთხვევაში, პლანეტის სამხედრო საწყობებში ფაქიზად დალაგებული, ვინ იცის, რისთვის განკუთვნილი, ატომგულური ბომბები მერიას ამ პროექტზე ნაკლებ საფრთხეს როდი უქმნიან.


ჩვენი კორესპონდენტი გუშინ გვიან ღამით ესაუბრა მეცნიერთა საბჭოს წევრს ზან ვინერს (მკითხველმა იცის, რომ პროექტის არსებობას კაცობრიობა ზან ვინერსა და მის ძმას — დარი ვინერს უნდა უმადლოდეს). ქვემოთ ვბეჭდავთ ამ საუბრის სტენოგრაფიული ჩანაწერის ერთ ნაწყვეტს“.

**ზან ვინერის განცხადებით:**

„მინდა დაგარწმუნოთ — მეცნიერთა საბჭოში აბსოლუტური ერთსულოვნებაა და არავის ეეჭვება, რომ პროექტი შეიმძებნება განხორციელდეს, და იგი უნდა განხორციელდეს.

ნეიტრონიტის<sup>1</sup> ორი ათას ხუთასი რაკეტის აგება ერთი წლის საქმე მანც არის. ძირითადი ტვირთი ხომ დიდი ხანია ხელთა გვაქვს — ორივე ნახევარსფეროს საქმედრო საწყობები ავი გადმოწაშით — ტრილიონობით მეგატონის საერთო სიმძლავრის ატომგულური ბომბებით პირთამდეა სავსე!.. ხუთასი რაკეტა დიემენის პერიოდული სისტემის იმ ასმეოცე ელემენტით დაიტვირთება, რომელიც შარშანწინ მერიას სიღრმეებში აღმოაჩინეს. ნეიტრონიტის რაკეტათა ამ ქარავანს, რომელიც ჩვენი ბნელი მნათობის ზედაპირის შედარებით მცირე ფართობზე ერთდროულად იფეთქებს, შეეჭველად მოკ-

<sup>1</sup> ნეიტრონიტი — კიბოთეზური ლითონი, რომელიც ნეიტრონებისაგან — ატომის დაუმუხტავი ნაწილაკებისაგან არის აგებული.



11849

ყვება ჯაბჯურის რეაქცია.. ეს უკვე შედმიწვენული და დადგენილია... ანგარიშებული და დადგენილია...

ახლა მოკლედ რისკის შესახებ მოგახსენებთ. რისკი, რა თქმა უნდა, არის. არ არის იმის საშიშროება, რომ კოლოსალური ძალის აფეთქების ტალღა ამოდენა მანძილზე მერიას მოსწვდება. სამაგიეროდ, რჩება მხოლოდო წარღვნის საშიშროება — ანთებული მზის სითბო ათასწლოვანი ყინულის ჯავშნის დნობას გამოიწვევს და მერიას ზედაპირი რამდენიმე ხნით, ალბათ, შთლიანად წყლით დაიტბორება (წყალი ვერ მისწვდება, რა თქმა უნდა, მაღალ ზეგნებსა და მთაგრეხილებს). წყლის დიდი ნაწილი აორთქლდება და მერე კოკისპირული წვიმების სახით ისევ მერიას დაუბრუნდება. შესაძლოა წყალმა ჩვენს მიწისქვეშა ქალაქებშიც ჩააღწიოს. მაგრამ დრო საკმაოდ გვაქვს და წარღვნას მომზადებული უნდა შეგვხდეთ. უნდა აიგოს რაც შეიძლება მეტი ტივი და ხომალდი... ნუ შეგვეშინდება, არ უნდა დაგვაფიწყდეს, რომ მერიას ზედაპირი ჩვეულებრივ მტრულად და გულცივად აღარ შეგვხვდება. ზევით შეგვეგებება სითბო და სინათლე, რომელსაც ანთებული მზე მოგვანიჭებს. ასე იქნება ორ-სამ ათას წელს, შეიძლება, უფრო ხანგრძლივი დროის მანძილზეც... ჩვენ საკმაო ხნით ნათლებად გადავიცევით: მოგვიხდება ბევრ ისეთ მოვლენას მოვუძებნოთ სახელი, მანამდე მასზე წარმოდგენაც რომ არ გვქონია, რადგან მერიას ზედაპირი ისევ მწვანე ტყეებითა და ნაირფერი ყვავილებით, მოჩუხჩუხე მდინარეებითა და ცისფერი ტბებით დაიფარება... და ამის შემოქმედი ჩვენ, ადამიანები ვიქნებით! ამით უნდა ვამაყობდეთ!..“

**ბაჯეთი „მენარი“. 2017. 25. 7.**


„მერიას პროგრესულმა ძალებმა ახალი დიდი წარმატება მოიპოვეს — ნეიტრონიტის ორი ათას მეხუთასე რაკეტის აგება გუშინ დამთავრდა. ტვირთის ჩატვირთვა უკვე დაწყებულია და ფიქრობენ, რომ ეს სამუშაოც ვალაზე ადრე დასრულდება. დასავლეთ ნახევარსფეროში, რომელსაც ძირითადად საოკეანო ხომალდების აგება აკისრია, უკვე აგებულია და ზედაპირზე დგას ათასზე მეტი ხომალდი მიწისქვეშა ქალაქების მერმეთიზაციის სამუშაოებიც წარმატებით მიმდინარეობს. პლანეტის ათი უდიდესი ობსერვატორია, რომლებიც ჩამქრალ ვულკანთა კრატერებშია მოთავსებული და წყალი ვერ მისწვდება, წარღვნის დასასრულამდე მეცნიერთა საბჭოს და მისი ფილიალების თანამშრომელთა თავშესაფარი იქნება...“

**ბაჯეთი „დავარა“. 2017. 10. 8.**

„მეცნიერთა საბჭო ისევ გაანგარიშებებშია ჩაღლული. შიშობენ, რომ გამომთვლელი მანქანები დანიშნულ დრომდე რაკეტების ტრექტორიის დაზუსტებას ვერ მოასწრებენ. თუ ასე მოხდა, შეიძლება პროექტის განხორციელების დაწყება გაურკვეველი დროით გადაიდოს“.

**ბაჯეთი „ნორ-პანდა“. 2017. 21. 8.**

„აბატი მადინა ამტკიცებს, თითქოს ძველისძველ წიგნებში სწერია, რომ 2017-ის შემოდგომაზე პლანეტა მერიასზე სიცოცხლე მოისპობა, რადგან ადამიანთა მიერ განრისხებული ღმერთი ფეხს დაჰკრავს ცას და მერიას გააფართოებს და იქიდან გადმოღვრილი სითბო ყველა სულიერს დააბრმავებს, მარადიული სიცხელი ვითმთელ პლანეტას გადაწვავს.





ამ ზღაპრებისა ახლა, ცხადია, არავის სჯერა, მაგრამ ზომ შეიძლება, რომ ბნელ მნათობზე დაწყებული ჯაშუკური რამაშტინა პირველ პლანეტასაც გადაედოს, რომელიც მისგან მხოლოდ 400 ათასი კილომეტრითაა დაშორებული?.. მერე, შეიძლება, იფეთქოს მეორე პლანეტამ, მესამემ, მეოთხემ... დადგება მეორას ჯერიც...“

ბაზეთი „რიული დასი“. 2017. 14. 10.

მაცნიერთა საბჭო აცხადებს, რომ ხვალ, 2017. 15. 10. სტარტი მიეცემა ორი ათას ხუთას რაკეტას, რომლებიც ობიექტს ათ დღეში მიაღწევენ. მეორას ზედაპირს რაკეტები მოსწყდებიან ორი წუთის ინტერვალით, ერთ ჯერზე — 50 რაკეტა. მოსახლეობამ აბსოლუტური სიმშვიდე უნდა შეინარჩუნოს. ნიადაგის რყევა ნაგებობებს არ დააზიანებს. რადიოთი და ტელევიზიით ყოველ საათს გადაიცემა პროექტის განხორციელების მიმდინარეობა...“

ბაზეთი „მენარი“. 2017. 16. 10.

„...სახელდახელო მიტინგზე. რომელიც გუშინ საღამოს აღმოსავლეთ ნახევარსფეროს უდიდეს ქიმიურ ქარხანაში გაიმართა, ახალგაზრდა მუშამ ნაი სარომ თქვა:

— მე ბედნიერი ვარ, რომ ამ ეპოქაში ვცხოვრობ, ბედნიერი ვარ, რომ ბნელი მნათობის ანთებაში საკუთარი წვლილიც შევიტანე.. მე მყვანან ამხანაგები, რომლებიც დღევანდელ სტარტს არც თუ დიდი ენთუზიაზმით შეხვდნენ, მათ ჯერ კიდევ არ სჯერათ, ჯერ კიდევ რალაციის ენისიათ... არა, მეგობრებო, გათავდა, სიბნელეს ბოლო უნდა მოეღოს! (ტაში). სხვა რომ არა იყოს რა, იმას რა სჯობია, რომ წყუთული ხელოვნური სინათლის გარეშე შეგვეძლება ერთმანეთს თვალებში შევხედოთ... მე სატრფო მყავს, და არც კი ვიცი, რა ფერის თვალები აქვს (სიცილი)... ეს ერთი წელია, სულ ტყუეები და ყვავილები მესისმარება (ტაში)... ვილაცყები ამბობენ, ძალზე გაგვიჭირდებაო... მერე რა! ადამიანები იმიტომაც გვკვია, რომ გაჭირვება დავძლიოთ და წინ ვიაროთ... არა, მეგობრებო, ჩვენ გვინდა, ჩვენ გვჭირდება სიბნო და სინათლე! გაუმარჯოს მზეს! დაე, ინათოს! (მძუხვარე ტაში)...“

4.

ხელჯონიანი მოხუცი

მოხუცი მიდიოდა და ხელჯონს მიაბაკუნებდა. მოსიერნეთა დიდი ნაწილი ამ ტანმაღალ, ამაყად თავწიულ, თეთრწვერა მამაკაცს, ჩანს, კარგად იცნობდა და მღაბალ საღამს ეუბნებოდა. სხვები, უცნობები, მორიდებით უთმობდნენ გზას — შეუძლებელი იყო, ამ კაცისთვის თვალი შეგვევლო და მისი პიროვნებისადმი პატივისცემის გრძნობა არ დაგუფლებოდა.

მოხუცი აუჩქარებლად მიდიოდა. ქუჩის ჭერიდან თეთრი სინათლე იღვრებოდა. მაღალათა ვიტრინებში ნაცრისფერი და ლურჯი ჭარბობდა. მხოლოდ ალაგ-ალაგ თუ გამოკრთებოდა წითელი ფერი, რომელიც, ის იყო, მოდაში მკვიდრდებოდა. მოხუცმა შენიშნა, რომ ქუჩაშიც წითელკაბიანი ქალიშვილები მომრავლებულიყვნენ, ბიჭებიც სხვა ფერს თეთრ-წითელ ჯოლებიან სვიტრს ამჯობინებდნენ.

ქუჩის პარალელური გვირაბიდან ყრუ გუგუნე მოისმა და მაშინვე მისწყდა — ელექტროქსპრესმა ჩაიქროლა.

ხელჯონიანმა გვერდით ქუჩაზე შეუხვია, მეცხრე პორიონტის ექსკალატორი მოძებნა და ფრთხილად შედგა ზედ. ექსკალატორი ცარიელი იყო. მოხუცმა პარალე-

ლურ ჩქაროსნულ ექსკალატორზე გადასვლა დაიწყო. მაგრამ მყისვე გადაიფიქრა. არსად მიეჩქარებოდა — ვაჟები შინ არ იყვნენ, რძალი და შვილიშვილები ლურჯ ტბებზე ისვენებდნენ, ასე რომ, შინ ცარიელი კედლები ელოდა. კაცმა რომ თქვას, მოხუცი მარტოობას უჩვევი როდი იყო, მაგრამ, დღეს, რატომღაც, უთვისტომობისა და გარიყულობის გრძნობამ უცნაურად დარია ხელი.


უკანასკნელი რამდენიმე კვირის მანძილზე მოხუცის გონება ერთ თემას შეეპყრო და დღე არ გავიდა, რომ ამ თემაზე რამდენიმე საათს დაძაბულად არ ეფიქრა. მაგრამ არ იქნა და ხორცი ვერ შეასხა, ათასწიარად უტრიალა, ათასწიარად შეაბრუნა, მაგრამ ვერ დაიმორჩილა, ხელში ვერ მოიგდო... ჰოდა, კიდევ კარგი, დღეს სასიერნოდ რომ გამოვიდა! წელან მეგაზეთე რომოტმა „მენარის“ ახალი ნომერი მიაწოდა. ისე, სხვათა შორის, გადაავლო თვალი, ჭაბუკი მუშის, ნაი საროს სიტყვები წაიკითხა... მაშინვე საკუთარი ახალგაზრდობა, უდროოდ გარდაცვლილი მეუღლე მოაგონდა — არც მან იცოდა მეუღლის თვალების ფერი... ჰო და, სწორედ ნაი საროს სიტყვები რომ წაიკითხა, ის აბნეულ-დაბნეული თემა, თავი და ბოლო რომ არ უჩანდა, უცებ დალაგდა და გონებაში მწყობრ მოთხრობად ჩამოყალიბდა...


ამიტომაც გაუწია გულმა ცარიელი სახლისაკენ. სადარბაზოს კარებს ხელჯონით მიაწვა და შეაღო. ზღურბლთან, იატაკზე, ღია ბარათი შენიშნა, ბარათზე სტაქტატიტებიანი მღვიმე ეხატა. მღვიმეში თოკით სპელეოლოგი ეშვებოდა. ღამაში იყო... მეორე მხარეს გაუწაფავი, ბავშვური ხელით რამდენიმე სტრიქონი ეწერა, ხვალ საუზმის შემდეგ, მეცხრე პორიონტის მეორე სკოლის მოსწავლეები სტუმრად იწვევდნენ...

მოხუცს გაელიმა და ღია ბარათი პიჭაის გულისჯიბეში ჩაიდო. ბავშვები უყვარდა და მათ თხოვნას ყოველთვის სიამოვნებით ასრულებდა. უარი არც ახლა უფიქრია. რა თქმა უნდა, იწვევა, უსათუოდ იწვევა ხვალ...

თავის ძველებურ, დიდ საწერ მაგიდას რომ მიუჯდა, ოდნავ თავბრუხვევა იგრძნო. ალბათ გადავიდალეო, იფიქრა და თეთრ, ქათქათა ქალაღდის ფურცელს მისწვდა.

დაცდილი ჰქონდა — თუ ქალაღდი უხარისხო იყო, ხეირიანს ვერაფერს დაწერდა. სათაური დაწერა და უცებ ის დღე მოაგონდა...





...აბლაბუდა... ვარდისფერი აბლაბუდა...

— ზანი სადა ხარ, ზანი?  
მთის წვერზე ნაპერწკალმა გაიღვია და გაქრა. მერე იმ ნაპერწკალმა ოდნავ ქვევით დაკვესა, მერე კიდევ ჩამოინაცვლა. რაინ ვინერი მიხვდა, რომ მთის ციცაბო ფერდობზე ვიღაც თავბრუდამხვევი სისწრაფით მოსრი-  
ალებდა. გვერდით დარი აცმუქდა.

— მამი ზანი მოსრიალეხს!  
— ნუ ყვირი, ყურები მეტყინა. აბა ერთი აქ ჩამობ-  
რძანდეს!.. დარი ხტოდა და ხელებს იქნევდა. მერიას ზე-  
დაპირზე იგი პირველად იყო და თავს ძლივს იკავებდა,  
რომ თოვლში არ ეკოტრიალა. კომბინეზონს ჭერ მთლად  
ვერ შეჩვეოდა, თავს ოდნავ შებოჭილად გრძნობდა,  
თუმცა ეს მამისთვის არ გაუმხეხია.

გარშემო ყინულებითი სამეფო იყო გადაშლილი. ზე-  
დაპირზე ისე როდი ბნელოდა, დარის აქ ამოსვლამდე  
რომ წარმოედგინა. ათეული ათასი კაშკაშა ვარსკვლავის  
შუქი ყინულის კრისტალებში ტყდებოდა, ირეკლებოდა,  
ციალებდა და სიარულისას გეგონებოდა, ვარდისფერ  
აბლაბუდაზე დავაბიჯებო. „აუპ, ნეტავ ახლა ჩემს თა-  
ნაკლასელებს დაანახვა ჩემი თავი!“ — ფიქრობდა დარი.  
იცოდა, რომ თანაკლასელებთან მას პირველს ერგო ყი-  
ნულებითი გასეირნების ბედნიერება. ყველას მამას როდი  
აქვს მერიას ზედაპირზე ამოსვლის უფლება! რაინ ვი-  
ნერის სახელი კი პლანეტაზე ყველამ კარგად იცის:  
ოციოდე წლის წინათ, როცა არამც თუ დარი, მასზე  
ხუთი წლით უფროსი ზანიც კი ჭერ არ გაჩენილიყო, რაინ  
ვინერის ერთმა რომანმა მთელი მერია შემოიარა, შემ-  
დეგ კი პრემიაც დაიმსახურა, მამა ხშირად იმეორებდა,  
რომ ეს რომანი მან სწორედ ყინულებითი სეირნობისას  
მოიფიქრა...

— მამი, აი ზანი! ხედავ?

— ნუ ყვირი-მეთქი, ბიჭო! ვხედავ... ზან, სად დაიკარ-  
გე ამდენ ხანს?

რაინის მუშარადში რადიოფონი ხმადაბლა ატკაცუნ-  
და. მერე ზანმა დაილაპარაკა:

— აქა ვარ, რა იყო, მეძახდი?

— გეძახდი.

— ხომ არ დავიკარგებოდი! ბავშვი ხომ აღარა ვარ,  
ჩემი ყოველი ნაბიჯი შენ და დედაჩემს გულის რომ გი-  
ხეთქავთ!

რაინმა კმაყოფილებით შენიშნა, რომ მთის წვერიდან  
სწრაფი დაშვების მიუხედავად, ზანს სუნთქვა ოდნავაც  
არ აჩქარებოდა. მოხლოებულ შვილს, რომელიც სიმაღ-  
ლეში უკვე წამოსწეოდა, მხარზე ხელი დაჰკრა:

— ბავშვი აღარა ხარ. მაგრამ ჭერ არც დიდი ხარ.

— არა, ზანი უკვე დიდაი! — ჩაერია დარი.

მამას გაეცინა:

— შენდა მაკლდი სწორედ!

— უკვე დიდაი! — ჩიუტად გაიმეორა დარიმ. —  
ზანმა იმდენი საინტერესო რამ იცის, იმდენი, რომ... მარ-  
თალია, შენ უფრო მეტი იცი, მაგრამ შენ ხომ მაგაზე  
უფრო დიდი ხარ...

ზანმა ძმას მხრებზე ხელი გადაჰხვია.

— კარგი, დარი, გოგოსავით ენად ნუ გაიკრიფე...  
მამი, შენ აქი შეგვიპირდი, რომ იმ ლეგენდის დასასრულს  
გვიამბობდი.

— მართლა, მართლა! — მოაგონდა დარისაც.

— ვიამბობთ. ოღონდ თან ვიაროთ. ერთ ადგილზე  
დგომა არ მიყვარს...

შავი, ჩახახა ვარსკვლავებიან ცის ფონზე მერიას  
მთების თეთრი მწვერვალები დიდ, დაუფიქრებლად შთაბეჭ-

დილებას ახდენდა. მარცხნივ მთები იყო, მხარმარჯვნივ  
გადაჭიმული თეთრი მინდორი სიბნელეში იკარგებოდა.  
მთაგრეხილის გასწვრივ, ყინულოვანი თოვლით დაფა-  
რულ ველზე მიდიოდნენ. თხილამურები თოვლში იფ-  
ლობოდა. ახალი კონსტრუქციის მუშარადის რადიოფონი  
ძალზე მგაგრძობიარე აღმოჩნდა და მამასა და შვილებს  
ერთმანეთის სუნთქვაც ესმოდათ.

— ჰო და, გაჰყვა იმ ჰაჭვს ჰაბუკი. იარა ერთი თვე,  
ორი, ერთი წელი... ვარსკვლავთა სინათლე უფრო კაშ-  
კაშა ხდებოდა და ჰაბუკს სიარული უადვილდებოდა.  
სითბოც თანდათან მატულობდა, რადგან შავი მნათობი  
მთლად ჩამქრალი როდი იყო, მხოლოდ სქელი ქერქი  
ჰქონდა გადაკრული. ჰაბუკს უკვე ესმოდა შავი მნათო-  
ბის გულისცემა და ამიტომ ფეხს აუჩქარა... ბოლოს. რო-  
გორც იქნა მიადწია. ცოტა ხანს დაისვენა. მერე ბრძენი  
მოსუცის დარიგება გაიხსენა, ყველაზე დიდი ვირსკვლა-  
ვისაკენ შებრუნდა და შეწევნა სთხოვა, მოეჩვენა, თით-  
ქოს ვარსკვლავი უფრო აციმციმდა, და ეს კარგ ნიშნად  
ჩათვალა. გახარებული მიბრუნდა. ხურჩინიდან სატეხი  
და ურო ამოიღო და საქმეს შეუდგა. ქერქი მაგარი იყო.  
მაგრამ სატეხი უფრო მაგარი გამოდგა, ურო — მძი-  
მე და ჰაბუკი — ჩიუტი. ნელ-ნელა, მაგრამ მაინც მი-  
იწევდა სიღრმეში. ქვევითკენ სიციხე მატულობდა. ჰაბუკს  
სუნთქვა ეკვროდა, მაგრამ გაქვავებულ ლავას უფრო მე-  
ტი გაავებით ებრძოდა. ასე გავიდნენ დღეები, თვეები,  
წლები...

— მერე? — მოუთმენლად იკითხა დარიმ, როცა მიხ-  
ვდა, რომ მამა გაჩუმდა და გაგრძელებას აღარ აპირებდა.  
რაინ ვინერმა ხელები გაშალა:

— მერე? მერე — არაფერი... ლეგენდა აქ წყდება.  
გამოდის, რომ ჰაბუკი ახლაც იქაა და შავი მნათობის  
ქერქს სატეხითა და უროთი ებრძვის...

— აბა მარტო რას განდებოდა. — მცირე დუმილის  
შემდეგ შენიშნა ზანმა.

დარი თხილამურის წვეტით ყინულის ლოდს წამო-  
ედო და წაიბოროტა. უფროსმა ძმამ ხელი შეაშველა.

— მამი, მეწველან, მთის წვერზე — მესმოდა შენი ძა-  
ხილი. კარგადაც მესმოდა. — თქვა ზანმა.

— მერე?

— ვარსკვლავებს ვუთვალთვალედი და მგონი... —  
ზანს შეეტყო, რომ შეყოყმანდა. განა დაცნვისა შეეშინ-  
და — არა, მამა მის ყოველ აზრს ყურადღებით ისმენდა  
ხოლომე და, თუ ცდებოდა, შეცდომაზე მიუთითებდა. დინ-



ჩადაც დაუსაბუთებდა. ჭაბუკი ყოყმანობდა — ბოლომდე ეთქვა თუ არა უოველივე, როცა სათქმელი ჯერ თავადაც არ ჰქონდა დაზუსტებულ-ჩამოყალიბებული. მაინც განაგრძო: — წელან მთის მწვერვალიდან დავინახე, როგორ აენთო ერთი პატარა ვარსკვლავი. შემთხვევით სწორედ იმ ვარსკვლავს ვუყურებდი. შემთხვევით კი არა, ზედაპირზე უოველი ამოვლისას იმ ვარსკვლავს ვაკვირდებოდი — უცნაური ვარსკვლავი იყო, ძალზე ხშირად იცვლიდა ფერს, ხან თეთრი იყო, ხან — ნაცრისფერი, ხან წითელი ფერი დაჰკრავდა... წელან კი აინთო, უცებ გადიდდა, გაიზარდა. აი, შეხედე!

რანს ვინერმა აიხედა, მაგრამ ცას ვერავითარი ცვლილება ვერ შეატყუო. მაინც, ზანს გული რომ არ დასწყვეტოდა, თქვა:

— ჰო, მგონი მართალი ხარ....

უკან დაბრუნებისას, ჭაბუკს რომ მიუახლოვდნენ, დარისა თუ ზანის ჩურჩული მოესმა რანს:

— მე ავანთებ შავ მნათობს... აი, ნახავთ, თუ არა...

რანმა გაიღიმა, ლიფტის ლილავს თითი დააჭირა და ვარდისფერი აბლაბუთი დაფარულ ყინულოვან ველს კიდევ ერთხელ მოავლო თვალი...

6.

### რანს ვინერი

იმ ხამახსოვრო ღამის შემდეგ ოცდაათმა წელმა ჩაიარა.

მსცოვანი მწერალი რანს ვინერი მოესწრო იმ დღეს, როცა მაცნიერთა საბჭომ მისი ვაჟების ცნობილი ფიზიკოსების ოცწლიანი შრომის ნაყოფი — პრინციპის თავდაპირველი ვარიანტი განიხილა.

მაცნიერთა საბჭომ, რომელიც ერთი კვირის მანძილზე უოველდღიურად თვრამეტსათიან სხდომებს მართავდა, პროექტი მოიწონა, მაგრამ დაზუსტებისა და ზედმიწევნით დამუშავების მიზნით, იგი საგანგებოდ შექმნილ კომისიას გადასცა. დაკისრებულ მოვალეობას კომისიამ თავი ორ თვეში გაართვა და, საქმეს მორჩა თუ არა, იმავე ხალამოს პლანეტის ყველა რადიოსადგურმა მეირას ამცნო რომ დაიწყო ისტორიაში ყველაზე ფანტასტიკური პროექტის განხორციელების ერა...

რანს ვინერი იმ დღესაც მოესწრო, როცა ორი ათას ხუთასი რაკეტის სტარტმა მეირას სხეული ორმოცდაათჯერ შეაზანზარა...

...დედაქალაქიდან დაბრუნებულ ზანსა და დარის მამა გარდაცვლილი დახვდათ. რანს ვინერს თავის საყვარელ, ძველებურ საწერ მაგიდასთან, სავარძელში მჯდარს, საბუდამოდ ჩახიხინებოდა. მაგიდაზე ქალაქის ფურცლები და საწერკალამი ელაგა.

თეთრ ქათქათა ქალაქზე მხოლოდ სამი სიტყვა ეწერა:

ღამე, ინათოს!.. ხოლო ქვევით, ფრჩხილებში: მონსტრობა...

7.

### მოლოდინი

მეირას ცაზე ვარსკვლავები კაშკაშებენ. ყინულის სქელი ჭავჭავით დაფარული პლანეტა გარინდული ელის სასწაულს. დგას 2017. 25. 10.

იღვეა პლანეტის ყველაზე დიდი, ყველაზე ბნელი ღამე.

ახლოვდება დღე, რომელმაც სიბო და სინათლე უნდა მოიტანოს.

პლანეტის მთელი მოსახლეობა ფხიზლობს. რადიოდან და ტელევიზიამ კაცობრიობას ამცნო, რომ შეიძლება გაგზავნილმა ორი ათას ხუთასმა რაკეტამ ბნელი მნათობის ზედაპირს უკვე მიაღწია.

მეირა სისტემის ცენტრს დაახლოებით 210 მილიონი კილომეტრითაა დაშორებული. მაშასადამე, დაახლოებით 11 წუთი გაივლის, ვიდრე ანთებული მნათობის პირველი სხივი მეირას ზედაპირზე აკიაფდებოდეს.

პლანეტის ყველა ობსერვატორიის ტელესკოპი უხიციოცხლო მნათობის ბნელი სილუეტისაკენ არის მიმართული. ბნელი დისკო კუპრისფერ ცაზე ნელა მიცოცავს და მის მიღმა მოკაფე ვარსკვლავებს რიგრიგობით აქრობს...

დარჩა 8 წუთი...

აბატი მადინა გულმხურვალედ ლოცულობს და ღმერთს ევედრება, რომ ადამიანებს თავხედობა აბატის მის მიერ შექმნილ სამყაროს ნუ დაღუპავს...

დარჩა 6 წუთი...

სახელგანთქმული მეცნიერები ზან ვინერი და დარი ვინერი პლანეტის მთავარი ობსერვატორიის სატელესკოპო დარბაზში სხედან. მაცნიერთა საბჭოს სხვა წევრებიც აქ არიან...

დარჩა 4 წუთი...

ახალგაზრდა მუშა ნაი სარო და მისი სატრფო ჩამქრალი ვულკანის კრატერის პირას დგანან. ორივეს უნივერსიტეტი კომბინეზონი აცვია. მალე ეს კომბინეზონები საქირო აღარ იქნება. ნაი სარო მზის შუქზე დაინახავს, რა ფერის თვალები აქვს მის სატრფოს...

დარჩა 2 წუთი...

პლანეტა ელოდება. მაშველი ჭგუფები კარგა ხანია მზად არიან. ბავშვები საიმედო ადგილასაა განიზნული. სკოლები ევაკუირებულია. ევაკუირებულია ფაბრიკა-ქარხნებიც. მხოლოდ ავტომატური ქარხნები და ატომური ელექტროსადგურები მუშაობენ — ენერგია ჯერ კიდევ საქიროა.

დარჩა 1 წუთი... პლანეტა ფხიზლობს, პლანეტა ელის...

8.

„ლუხუმი“ უკან ბრუნდებოდა.

მორიგე შტურმანი, რომელიც სავარძელში თვლემდა, ხმადაბლმა წყვეტილმა სიგნალმა გამოაფხიზლა. იმავე წამს ელექტრონულ-გამომთვლელი მანქანის ხმამ დარბაზი პირთამდე აავსო. ხმა ლითონისებურად უღერდა, მაგრამ თითქოს ოდნავ თვითკამაყოფილების იერი დაჰკრავდა. შტურმანმა ფარს რომ შეხედა, მანქანა უკვე მახასიათებლებს გადმოსცემდა: „ჩავუარეთ H-8-S კლასის ახალი ვარსკვლავის ცხრაპლანეტიან სისტემას. უახლოესი პლანეტიდან სისტემის ცენტრამდე მანძილი 400 ათასი კილომეტრია, უშორესიდან — 6 მილიარდი. მეხუთე პლანეტაზე რადიაქტიური ფონი დასაშვებზე მეტია... მეხუთე პლანეტის ატმოსფერო დედამიწის ატმოსფეროს ანალოგიურია...“

მორიგე შტურმანმა ილუმინატორიდან გაიხედა. შორს სწორედ ის ახალანთებული დიდი ვარსკვლავი კაშკაშებდა, რომლის სისტემის მახასიათებლები „ლუხუმის“ სახომალდო ჟურნალში ახლახან ავტომატურად ჩაიწერა...

ახალი ვარსკვლავის მეხუთე პლანეტას მეირა ერქვა...

# გენდურო



# უწიოველები

მეხსიერების ხანგრძლივობაში ცხოველთა შორის ძალი და კატა არიან რეკორდსმენები. გარემო სამყაროსაგან მიღებულ შთაბეჭდილებებს ისინი კვირებისა და თვეების განმავლობაში ინახავენ. ცნობილი შემთხვევა, როცა ძაღლმა იცნო ადამიანი, რომელიც მას 10 წლის წინათ ენახა. განა ეს ფაქტი არ ლაპარაკობს მათს არაჩვეულებრივ ნიჭიერებაზე?

პარიზში, სასტუმრო „ნივერნეს“ სადარბაზოსთან, ოდესღაც ფეხსაცმლის მწმენდავი ბიჭუნა იჯდა. მას შავი სპანიელი ჰყავდა — დიდი ეშმაკის ფეხი. სპანიელი შოულობდა ბიჭისთვის სამუშაოს: იგი წუმპეში ისველებდა თავის ვეება ბანჯგვლიან თათებს და, თითქოსდა შემთხვევით, ამ სველ თათებს გამვლელებს ფეხსაცმელზე უსვამდა. ამას რომ შენიშნავდა, ბიჭუნაც იქვე გაჩნდებოდა და დასვრილი ფეხსაცმლის პატრონს თავის სამსახურს სთავაზობდა:

— აგერ მეც, მიმსახურეთ, მუსიე! როცა პატრონს სამუშაო ბლომად ჰქონდა, სპანიელი იქვე, შორიასლოს თვლემდა. მაგრამ როგორც კი ბიჭუნას მუშტარი შემოაკლდებოდა, ოთხფეხა მეგობარი მაშინვე მოქმედებას იწყებდა.

სპანიელის ოინების ამბავი მალე გავრცელდა და სასტუმროს ყველა მდგმურამდე მიაღწია.

იმ ხანებში სასტუმროში ერთი მდიდარი ინგლისელი ცხოვრობდა. მან ისურვა ფეხსაცმლის მწმენდავისა და მისი ძაღლის ნახვა. სპანიელი მოეწონა და გადაწყვიტა ეყიდა. ბიჭს ჯერ 10, შემდეგ კი 15 ლუილორი შეაძლია — დიდძალი ფული!

ამ თანხამ მოხიბლა ბიჭი. ძაღლი გაყიდა. შეაბეს ჯაჭვი და მეორე

დღეს საფოსტო ეტლით კალეში გაგზავნეს. იქ ეტლი გემზე გადაიტანეს და რამდენიმე დღეში ძაღლი ლონდონში აღმოჩნდა.

ფეხსაცმლის მწმენდავს სინდისი ჰქეჩნიდა, მაგრამ უცებ, ოი, სიხარულო! — მეთხუთმეტე დღეს, არაქათგამოცლილი, ჭუჭყიანი სპანიელი დაბრუნდა. როგორ მოახერხა მან ეს, არავინ უწყის. იმისათვის, რომ ლონდონიდან პარიზში დაბრუნებულიყო, მას გზა უნდა დაეხსომებია, შემუშნეველად უნდა შეპარულიყო გემზე, რომლითაც პა-დე-კალე უნდა გადაეცურა.

ბუნებრივ პირობებში ცხოველთა ცხოვრება, ჩვეულებრივ, ერთფეროვნად მიმდინარეობს. მათი პოტენციური ნიჭი მხოლოდ უმნიშვნელოდ გამოიყენება. თავისი ნიჭის მაქსიმუმი მათ შეუძლიათ გამოამყვანონ მხოლოდ ლაბორატორიაში, ხელოვნურად შექმნილ პირობებში. სწორედ აქ ხდება მათი ინტელექტის შოულოდნელი თვისებების გამოყენება. ახლა მოგიყვებით ამბავს მაიმუნებისას, რომლებმაც ფულის გარჩევა ისწავლეს.

ეს ცდები ჩაატარა ჯონ ვოლფმა იელიში, შედარებითი ფსიქოლოგიის ლაბორატორიაში. საცდელი ცხოველები სამი დედალი და სამი მამალი მაიმუნი (შიმპანზე) იყო.

მაიმუნებისათვის მოაწყეს სპეციალური ბაგა-ავტომატი. თუ ავტომატის ჭრილში თეთრ ქეტონს ჩააგდებდი, მის ქვეშ დადგმულ ჯამში ჩავარდებოდა ჩილდო—ყურძნის მტევანი.

პირველი ამოცანა: ასწავლო შიმპანზეს ავტომატით სარგებლობა. ექსპერიმენტატორმა იატაკზე მოაბნია ქეტონები, შემდეგ სათითაოდ იღებდა მათ და ავტომატში ავდებდა. მაიმუნები, რომლებიც მას

თვალს ადევნებდნენ, დაუწყებლად ლევ მიაშურებდნენ ხოლმე ჯამებს, რომ ყურძნით პირი ჩაეტკბარუნებინათ.

და აი, აქ უმაღლვე გამომყვანდა მაიმუნებს შორის ინდივიდუალური სხვაობა. ერთმა მაიმუნმა პირველი ცდა მხოლოდ მას შემდეგ გააკეთა, როცა მკვლევარმა ავტომატში 180 ქეტონი ჩაჰყარა. მაგრამ მან ქეტონი ჭრილში კი არ ჩააგდო, არამედ პირდაპირ ჯამში! მეორე მაიმუნი, მისგან განსხვავებით, უმაღლვე გაერკვა საქმეში, დაავლო ხელი თეთრ ქეტონს და ჭრილში ჩააგდო. მერე თავისი ვეება თათი ჯამში ჩადო ჩილდოს მოლოდინში. ცდის დასაწყისში მაიმუნები თითქმის არავითარ ინტერესს არ იჩენდნენ ქეტონების მიმართ, მაგრამ, როცა მიხვდნენ, რომ ქეტონს შეუძლია ეს ჩინებული ხელსაწყო აიძულოს გადმოუყაროს მათ ტკბილი ნაყოფი, ჩხუბიც კი აუტყდათ!

თეთრი ქეტონების გარდა მაიმუნებს მისცეს სპილენძის ხუთცენტიანები. მათი ჩაგდებაც შეიძლებოდა ბაგა-ავტომატში, მაგრამ მის ჩაგდებას სასურველი მტევნის გამოჩენა არ ახლდა. მაიმუნებმა უცებ აუღეს ალღო ამ ფულის გამოუსადეგარობას და როცა გალიაში ერთ მუჭა



ფულსა და ქეტონს უყრიდნენ, ისინი მხოლოდ ქეტონებს იტაცებდნენ.

მეცნიერმა გაართულა ექსპერიმენტი. ახლა მტევანი უმაღლვე კი არ გამოჩნდებოდა, არამედ ცოტა ხნის შემდეგ. აი, ერთ-ერთმა მაიმუნმა ჩააგდო ქეტონი. მერე ხელი ჯამში ჩაყო და დაელოდა, მაგრამ მტევანი არ ჩანდა. ერთ-ორ წამში მაიმუნმა მოთმინება დაკარგა და გულმოსული კა-

კოვით გაჯავრებით დაუწყო ბრახუ-  
ნი ავტომატს.

მაშ ასე, შიმპანზეებმა გაიგეს ე-  
ტონის ფასი... მაგრამ შესძლებენ თუ  
არა ისინი ამ ეტონების მოპოვებას  
პატიოსანი შრომით? გალიაში დად-  
გეს კიდევ ერთი დანადგარი — სა-  
მუშაო მანქანა. მაიმუნებს უჩვენეს:  
ასწიე ბერკეტი — მიიღებ მტევანს!

შიმპანზეებმა სწრაფად აითვისეს  
სამუშაო მანქანა. ამის შემდეგ მა-  
იმუნებს კიდევ ახალი სიურპრიზი  
მოუმზადეს — მტევნის მაგივრად  
მანქანა იძლეოდა თეთრ ეტონს. ამას  
რომ მიიღებდნენ, მაიმუნები მიდი-  
ოდნენ ბაგა-ავტომატთან და იქ „ყი-  
დულობდნენ“ შრომით გამოიმუშავე-  
ბულ ტკბილ ყურძნის მტევანს.

შრომა საკმაოდ მძიმე იყო. მაგ-  
რამ აქამდე ზარმაცნი და უსაქმურე-  
ბი, ადვილად დაეუფლნენ შრო-  
მითს პროფესიას და შრომის დაუო-  
კებელი სურვილიც გამოამყდევნეს.  
ზოგმა ეტონები დიდი რაოდენობით  
დააგროვა და თავგანწირვით იცავდა  
მას დანარჩენებისაგან.

ზოგიერთი მომჭირნობასაც კი  
იჩენდა — ეტონებს იმარაგებდა.  
როცა ბაგა-ავტომატი გალიაში არ  
იდგა, ისინი მაინც შრომობდნენ სა-  
მუშაო მანქანაზე ეტონების მოსა-  
პოვებლად, თუმცა მათი დახარჯვა  
მხოლოდ მეორე დღეს შეეძლო.

როცა სამუშაო მანქანას ყველა მა-  
იმუნი დაეუფლა, მეცნიერმა კიდევ  
უფრო გაართულა მაიმუნების ეკო-  
ნომიკა. თეთრი ეტონებისა და ხუთ-  
ცენტნიანის გარდა ფერადი მონე-  
ტებიც იხპარა. თეთრი ეტონი ძვე-  
ლებურად ერთ მტევან ყურძენს იძ-  
ლეოდა, ცისფერი კი — ორს. წი-  
თელი წყურვილის მოკვლა შეიძ-  
ლებოდა — მიიღებდი ერთ ულუფა  
უბრალო წყალს, ყვითელი ეტონი  
კი სრულიად განსხვავებული იყო —  
ჩაადებდი მას ავტომატის ჭრილში  
თუ არა, უცებ იღებოდა გალიის კა-  
რი და შემოდოდა ექსპერიმენტა-  
ტორი. აქ უკვე სრულიად უცერე-  
მონოდ შეგიძლია შეახტე მას მხრებ-

ზე, მოხერხებულად მოკალათდე და  
შენ, ექსპერიმენტული გალიიდან,  
წაგაბრძანებენ საცხოვრებელ ბინა-  
ში (აი, რას ნიშნავს ყვითელი ეტონ-  
ნი!). ამ ამოცანას, — თუმცა მისი  
შესრულება მაღალ ინტელექტუ-  
ალურ ღონეს მოითხოვს, — მაიმუ-  
ნებმა ჩინებულად გაართვეს თავი.

შიმპანზე ბიულას ერთხელ ასე-  
თი ამბავი შეემთხვა: ბაგა-ავტომატში  
ცისფერი ეტონი ჩაუშვა. ამ დროს  
ექსპერიმენტატორმა გაალო კარი და  
გალიაში თეთრი თავგი შემოსვა. დე-  
დალ შიმპანზეებს კატასტროფულად  
ემზინათ თავებისა.

შიშისაგან ბიულა მთლად გაშეშ-  
და. რა ქნას? საით გაიქცეს? მან ში-  
შით მოაგლო თვალი გალიას და ამ  
დროს უცებ ყვითელი ეტონებით  
სავსე ჯამი შენიშნა. დაავლო ხელი  
ერთ-ერთ მათგანს, ჩაადო ავტო-  
მატში, ექსპერიმენტატორს მხარზე  
შეაცოცდა და დაუწყო ქაჩვა — ჩქა-  
რა გამიყვანე გალიიდანო.

ჯონ ვოლფის ეს ცდა იმას მეტყ-  
ველებს, რომ შიმპანზეს აბსტრაგი-  
რების საკმაოდ დიდი უნარი აქვს.

ექსპერიმენტატორმა შიმპანზე ბი-  
მბა საცხოვრებელი გალიიდან მაშინ  
გამოიყვანა, როცა მაიმუნებს საუზ-  
მეს უშვადებდნენ. მაიმუნმა სასტი-  
კი წინააღმდეგობა გასწია და, რო-  
გორც კი საცდელ გალიაში აღმოჩნ-  
და, უმაღვე მოძებნა ყვითელი ე-  
ტონი, ჩაადო ავტომატში და ექსპე-  
რიმენტატორი იძულებული გახდა  
(ყვითელი ეტონი!) იგი უკანვე წა-  
ეყვანა.

გავრცელებულია აზრი, რომ შიმ-  
პანზეები მაიმუნებს შორის ყველაზე  
გონიერნი არიან, მაგრამ ჩიკაგოელი  
ზოოფსიქოლოგის ჰენრი კლუგერის  
ლაბორატორიაში ჰყავდათ მაიმუ-  
ნი — კაპუცინი, რომელიც ხშირად  
ისეთ მექანიკურ პრობლემებს ართ-  
მევდა თავს, რომლებსაც შიმპანზე-  
ებიც ვერ სძლევდნენ. იგი მეტისმე-  
ტად ვოკალური იყო. ჩვეულება  
ჰქონდა „ელაპარაკნა“ იმ ურიცხვ  
ინსტრუმენტთან, რომლებითაც მას

სხვადასხვა ცდების დროს

დნენ.  
ამ კაპუცინზე 207 ცდა იყო და-  
ყენებული. გაგაცნობთ ერთ-ერთ  
მათგანს: ოთახის შუაგულში ლითო-  
ნის სვეტზე დამაგრებული ჭაჭვით  
დაბამდნენ კაპუცინს. ბანანს დებდ-  
ნენ იატაკზე ანდა ჭერზე ჰკიდებდ-  
ნენ — ოლონდ ისე, რომ კაპუცინს  
არ შეეძლო მიწვდომოდა რაიმე გა-  
რეშე საგნის დაუხმარებლად. ეს საგ-  
ნები იყო: I ფორმის ჯოხი, მავთულის  
ან თოკის ნაჭერი. კაპუცინი ყველა  
შემთხვევაში ახერხებდა ამ საგნების  
დახმარებით სანუკვარი ბანანის ხელ-  
ში ჩაგდებას. გასაოცარი იყო ის


მონდომება, რომლითაც მაიმუნი ეკი-  
დებოდა მორიგ პრობლემას. თუ ამო-  
ცანა ძალიან ძნელი იყო, მაიმუნი  
მთელი საათი და ხშირად უფრო მე-  
ტი ხნის განმავლობაშიც ცდილობდა  
მის გადაწყვეტას. ხშირად ჭამაც კი  
ავიწყდებოდა. მაგრამ ყველაზე გასა-  
ოცარი იყო მისი სიყვარული ხატვი-  
სადმი. საკუთარი თაოსნობით, ვისი-  
მე ჩაურევლად მან ხატვა დაიწყო.  
პირველად ლაბორატორიის ცემენ-  
ტის იატაკზე ხატავდა. ფუნჯის ნაც-  
ვლად მავთულის ნაგლეჯს, საკუთარ  
ფრჩხილებს ანდა რაიმე ნაფოტს  
ხმარობდა, ე. ი. იმას, რაც ხელში  
მოხვდებოდა. ერთ „სურათს“ რომ  
დახატავდა, ადგილს მოინაცვლებ-  
და, თანაც მორიგ „შედეგზე“ ისე-  
თი გულმოდგინებით მუშაობდა, თი-  
თქოს იცოდა რის დახატვა სურდა.

როცა კაპუცინს ფერადი ცარცე-  
ბი მისცეს, მან ასეთი „სურათების“  
ხატვა დაიწყო: იღებდა წითელ  
ცარცს და ცენტრში წითელ ლაქას  
ხატავდა. მის ირგვლივ კი მწვანე,  
ცისფერი და ყვითელი ცარცით ფი-  
გურებისაგან ორნამენტი გამოჰყავ-  
და.


მეტისმეტი ალტაცება კაპუცინის  
მხატვრობით, რასაკვირველია, არ  
ლირს, მაგრამ აქ აღსანიშნავია ორი  
გარემოება: ჯერ ერთი, საყურადღე-  
ბოა ის, რომ შიმპანზე კი არა, კა-  
პუცინი ხატავდა, ე. ი. უფრო დაბა-  
ლი განვითარების მაიმუნი. მეორეც  
მნიშვნელოვანია ის გატაცება, რომ-  
ლითაც კაპუცინი ხატავდა. თუ ამ  
მაიმუნს შეიყვანდნენ ლაბორატო-  
რიაში, სადაც მისი წინააღმდეგობა  
წაშლილი არ იყო, იგი ხარბად  
ათვალყურებდა მათ, ხელს უსვამდა,  
სუნავდა, ლოკავდა. არავითარი სხვა  
საგანი ლაბორატორიაში არ იქცე-  
და ამ დროს მის ყურადღებას. იგრძ-  
ნობოდა, რომ სწორედ ის იყო ამ ჩა-  
ნახატების შემოქმედი.

ი. ჩირიკოვი.

ურნალი „იუნი ნატურალისტი“.







ნავსაყუდელში ტორტმანობს გემი, ვეება სახლი ზვირთებზე ცურავს... და ფიქრში აღსდგა სურათი ძველი და ვუბრუნდები აღრინდელ სურათს...

...მეზღვაურები გემბანზე იდგნენ, მეზღვაურები ტოვებდნენ ხმელეთს — ბავშვი ვიყავ და... ვიდექი იქვე და სხვებთან ერთად ვიქნევი ხელეხს. დღესაც არ ვიცი, რატომ და რისთვის, რომელს ვუქნევი ხელეხს და რატომ? — ტკივილად დამრჩა ტკივილი სხვისი, საიდან აღსდექ წარსულის ხატო! ზოგთა ისედაც დაბინდულ სახეს, ვილაც გარმონის ჭკვიტინით შლიდა... და ზრიალებდა ნაპირთან ხალხი, მათგან არავინ არ იყო მშვიდად. ზოგიც მდუმარედ, ამაყად იდგა და მღელვარებას ფარავდა ამით, ზოგი კი... ჩიბუხს კბილებით ღრღნიდა და გაპყურებდა მოქუფრულ ამინდს. ვგრძნობდი რალაცას, — ძნელსა და დამლელს, გულზე ნაღველი ლოდვიით მედო... და დედის კვნესა მიჰქონდა, ტალღებს: „სად მომისწარი, დამწვარო ბედო!“

და როცა გემი გაშორდა ხმელეთს, ზღვა და ჰაერი დამძიმდა თითქოს კვლავ გაშმაგებით ვიქნევი ხელეხს, ხელეხის ქნევას ვატანდი სითბოს, ყველა ტყვედ ჰყავდა საკუთარ ფიქრებს, იმ გემს უმზერდა ათასი თვალი, შემოვტრიალდი, და ჩემთან, იქვე, მწარედ ტიროდა მოხუცი ქალი, დამტკნარ თითებზე წვეთავდა ცრემლი, თვითონ ვერავის ამჩნევდა ირგვლივ... თითქოს ვილაცამ გაუსვა ცელი, ნაპირთან უხმოდ დავმხო იგი.

ის ღრუბელივით გაშლილი თმები, თვალწინ მიდგას და... წარსულში ვცურავ, მოგონებებო, რას მემართლებით, რისთვის მიბრუნებთ გარდასულ სურათს? ...თითქოს არც ვიცი, რატომ და რისთვის, რად გავიხსენე ის დრო და რატომ? — თუ არ შემეძლო გაგება სხვისი, სად მომაგენი, წარსულის ხატო?

ერთმა კაცმა სახლი ააშენა. მივიდა უცნობი და თავშესაფარი სთხოვა. სახლის პატრონმა შეიკედლა იგი. თურმე მდგმურმა ჩუმად ჩაიწერა სახლის კოჭებისა და იატაკის ფიცრების რაოდენობა, რამდენი ფოთოლი ეფარა სახურავს. გავიდა ერთი თვე, სახლის პატრონმა მდგმურს უთხრა: — ხომ შეგიფარე, ძმობილო, ახლა წადი, ოჯახობას ველოდებით. — როგორ? — შეიცხადა მდგმურმა — ჩემი საკუთარი სახლიდან მაგდებ? ეს ჩემი სახლია! დიდი კამათის შემდეგ სახლის-პატრონი და მდგმური მოსამართლესთან წავიდნენ. სახლის პატრონმა შესჩივლა: — სახლი ავაშენე, ეს კაცი ერთი თვე ჩემთან ცხოვრობდა, თავშესაფარი მივეცი. ახლა აღარ მიდის, სახლი ჩემიაო. მდგმურმა უთხრა: — პირიქით, სახლი მე ავაშენე, ამ კაცს მე მივეცი თავშესაფარი. თუ მართლა ეს სახლი ამისია, აბა თქვას სახლს რამდენი კოჭი აქვს, იატაკზე რამდენი ფიცარი აგია და სახურავს რამდენი ფოთოლი აფარია? — მე არ დამითვლია. — აღიარა სახლის პატრონმა — მაგრამ სახლი ხომ ჩემია!

# სახლის კვანძონი და გვგუნი

აპოლოგოზური ზღაპარი



მოსამართლემ უთხრა მდგმურს: — თუ მართლა შენი სახლია, აბა დაასახელე რამდენი კოჭი დაუდებ, იატაკზე რამდენი ფიცარი დააგე? ან სახურავს რამდენი ფოთოლი აფარიაო. მდგმურმა დაასახელა: კოჭი ამდენი, ფიცარი ამდენი, ფოთოლი ამდენიო. მოსამართლემ გაიფიქრა: „ეს კაცი უმიზეზოდ ასეთ წვრილმანებს არ დაიხსომებდაო და შეეკითხა: — აბა, ერთი ისიც მოთხარი: ბოძების ქვეშ რადა ალაგიაო? — არაფერი. — უპასუხა მდგმურმა. — როგორ თუ არაფერი, სამხრეთ-აღმოსავლეთი კუთხე ძალიან ნოტიო იყო, და ბოძებს ძირში კუნძები ჩავუვლაგე. — სიტყვა ჩამოართვა სახლის პატრონმა. მოსამართლემ კაცები გაგზავნა, აბა, მართლს ამბობს თუ არა სახლის პატრონიო. ბოძების ძირში მართლაც, კუნძები აღმოჩნდა. მოსამართლემ ასეთი გადაწყვეტილება გამოიტანა: — სახლის პატრონი მართლა შენ ყოფილხარ! ეს კაცი კი, სახურავზე ფოთლებიც კი რომ გადათვალა, აშკარა მატყუარაა და კანონის ძალით უნდა დაისაჯოსო!



**იხსენებ**  
**თუ**  
**აკაკ**  
**ხელს**  
**შე**  
**შეიძლება**  
**მხაჯარა?**



დააკვირდით ამ სურათს და მოგვწერეთ: სად მდებარეობს ეს ძეგლი, რა ისტორიულ მოვლენებთან არის დაკავშირებული, როდის არის აგებული და საერთოდ რა იცით მის შესახებ.



## ნეკრესი (პანსუნი № 4-ში დასველ კითხვებზე)

ნეკრესის სამონასტრო კომპლექსი ერთ-ერთი უძველესია მსგავს ხუროთმოძღვრულ ანსამბლებს შორის საქართველოში. იგი კახეთში, ყვარლის ახლოს, ალაზანს გაღმა, კავკასიონის ქედის ერთ-ერთ (ნეკრესის ცერად წოდებულ) ფერდობზეა აგებული.

ძველ საისტორიო თხზულებებში დაცული ცნობებით, ნეკრესი თავდაპირველად ქალაქი უოფილა, მშენებლობა ფარნაჯომ მეფეს 112-93 წლებში, ესე იგი ქრისტიანობის წინარე ხანაში დაუწყია. ძველი წელთაღრიცხვის პირველსავე საუკუნეში მშენებლობა განუგრძია მეფე არშაკ მირვანის ძეს. აღსანიშნავია, რომ ქალაქ ნეკრესის შესახებ ცნობები

მატანეებს შომდევნო ხანებისათვისაც შემოუნახავს. მირიან მეფის დროს (ახალი წელთაღრიცხვის IV საუკუნე) მის მამამძუძეს — მირვანოსს გაუმაგრებია ზღუდენი ქალაქ ნეკრესისა, ხოლო საქართველოში ქრისტიანობის ოფიციალურ რელიგიად გამოცხადების შემდეგ, „მოქცევაი ქართლისაის“ ცნობით, უმაღლვე აუგიათ ეკლესია თრდატ მეფის ბრძანებით. როგორც წერილობითი წყაროებით ჩანს, ნეკრესში ეკლესია IV საუკუნის მესამე მეოთხედში აუშენებიათ.

დღეისათვის აქ, მონასტრის სხვა ნაგებობათა გარდა (მაგალითად: საოსტიგნე, ეპისკოპოსის დარბაზი, მარანი, კოშკი და სხვ.), სამი ეკლესია

შემორჩენილა, ორი ბაზილიკურია, ერთი კი — გუმბათიანი, აღნიშნულ ნაგებობათაგან უძველესია ძალიან მცირე ზომის შენობა, რომელიც შემდგომში საცხოვრებელ სენაკად გამოუყენებიათ და გადაუქეთებიათ კიდეც. იგი რიყის ქვის წყობით არის აშენებული ზედ ხევის თავზე, რის გამოც, საფუძვლის გასამაგრებლად, დასავლეთის მხრიდან ქვის წყობა ამოუყვება, შიგ აკლდამაა მოქცეული. ეს ეკლესია ძლიერ თავისებური ხუროთმოძღვრული ფორმებით ხასიათდება: შესასვლელი აღმოსავლეთის მხრიდან აქვს, იქ, სადაც, ჩვეულებრივ, ეკლესიის საკურთხევლის აფსიდაა ხოლმე მოთავსებული. ეს კი იმაზე მიუთითებს, რომ ეკლესია



# ლიტერატურა

საქმეაწვილო  
კალენდარი

ეს კალენდარი არც კედელზე დასამაგრებელია, არც მაგიდაზე დასადები. წიგნად არის შეკონილი და „მითები“ ეწოდება. ალბათ გაგიგონათ, რომ მითები იმ კაშკაშა ვარსკვლავის სახელია, რომელიც მზის ამოსვლამდე ამოდის. ყდის შიგნითა მხარეს პატარა ბართია თქვენს სახელზე



ჩაბეჭდილი, რომელიც გაუწყებთ, რომ ეს კალენდარი თქვენთვის შურნალ „დილის“ რედაქტორმა, პოეტმა მუხრან მაჭავარიანმა შეადგინა. როგორც უველა კალენდარი, ესეც იანვრით იწყება, მერე კი თვე თვეს მიჰყვება და ამბავი-ამბავს!

რადას არ მოგვითხრობს, რადას არ გვამცნობს!

თურმე იანვარს ძველი ქართულით აპანი ერქვა, ხალხურად — თებერვალი, ახლანდელ თებერვალს კი განცხადების თვედ მოიხსენიებდნენ, ძველი ქართულით — ბურწყუნისად. მირკანი,

სიის მშენებლობის დროს ჯერ კიდევ არ იყო დაკანონებული ტაძრების დამხრობის წესი დასავლეთიდან აღმოსავლეთისაკენ. თვალში საცემია ნაგებობის ძალიან მცირე მოცულობა და მასშტაბები, გარე კედლების ნალის ფორმის ფართო ღიობებით გახსნა და სხვა...

ამ ხუროთმოძღვრული ფორმების თავისებურება, მათი სხვა ძეგლებთან შედარებით შესწავლა, სავსებით ერწყმის წერილობითი წყაროების მონაცემებს და ამ ეკლესიის აშენების ზემოთ ხსენებულ თარიღს უეჭველს ხდის. ანგარიშგასაწვდომის ფაქტიც, რომ ქრისტიანობის გავრცელების პირველ წლებში ახლად მოქცეულ მორწმუნეთ ემინოდან ეკლესიაში შესვლა, იქ მხოლოდ მღვდლები სწირავდნენ, მრევლი გარეთ იდგა და ისე ისმენდა ლოცვა-ქადაგებას. აქედან კი ნათელი ხდება, თუ რატომ არის ეს ეკლესია ასეთი მცირე ზომისა, ხოლო მისი გარე კედლები — ნალის ფორმის, განიერი ღიობებით გახსნილი.

ძლიერ საინტერესოა ნეკრესის სამონასტრო კომპლექსის მეორე, ეგრეთ წოდებული სამეკლესიანი ბაზილიკა. უნდა შევნიშნოთ, რომ კონსტრუქციულად, არც ზემოთ უკვე ხსენებული და არც ეს ტაძარი ბაზილიკა არ არის. აღნიშნული ნაგებობები მხოლოდ გარეგნულად არიან ბაზილიკის იერსახეობისა და ხუროთმოძღვრული ფორმებით მისგან გამომდინარეობენ. ეს ძეგლიც ბევრი რამით არის თავისებური, მაგალითად: ნალის ფორმის საკურთხევლის აფსიდა, ასეთივე მხაზულობის მქონე თაღები და კამარები, ჩრდილოეთის და სამხრეთის სამყოფელოების ყრუ აფსიდებით დამთავრება. ერთ მთლიან ნაგებობაში სამი დამოუკიდებელი ეკლესიის შექმნა ამ ძეგლის VI საუკუნის მიწურულით და VII საუკუნის დასაწყისით დათარიღების საშუალებას იძლევა.

უაღრესად მნიშვნელოვანია ხუროთმოძღვრული ფორმების განვითარების თვალსაზრისით მონასტრის გუმბათოვანი ტაძარიც.


აქაც, მცირე გამონაკლისის გარდა, ისეთივე გეგმის ნაგებობასთან გვაქვს საქმე, როგორც ზემოთ ხსენებული სამეკლესიანი ტაძარი იყო. საგანგებოდ უნდა იქნას შენიშნული რვაწახნაგა გუმბათის აგების თავისებურება, რომელიც გაბატონებულია მთელ ნაგებობაზე. გარედან მისი ყოველი წახნაგი შემსუბუქებულია ერთმანეთისაგან დამოუკიდებელი ბრტყელი ნიშებით, რის გამოც მათ უფრო კონსტრუქციული დანიშ-

ნულება აქვთ, ვიდრე დეკორაციული. აქაც თვალში გვხვდება თაღებისა და კამარების ნალისებური ფორმები, ხუროთმოძღვრული მასების ურთიერთშეთანხმების თავისებური პროპორციები, რომელთა მხატვრულ-სტილისტური ანალიზი და სხვა ძეგლებთან მათი შედარება საშუალებას იძლევა იგი IX საუკუნის შუა ხანებით იქნას დათარიღებული.

ნეკრესის მონასტერი დაარსების დღიდანვე უაღრესად მნიშვნელოვან როლს ასრულებდა საქართველოს პოლიტიკურ-ეკონომიურ და კულტურულ ცხოვრებაში. ამ ძველთაძველ სავანესთან არის დაკავშირებული ერთ-ერთი ცამეტ ასურელ მამათაგანის — აბიბოს ნეკრესელის მოღვაწეობა, რომელმაც დიდი ღვაწლი დასდო აღმოსავლეთ საქართველოში ქრისტიანობის გავრცელებას. განმტკიცებას, რის გამოც იგი, სპარსეთის მარზპანის ბრძანებით, ქვით ჩაქოლეს 590 წელს, როგორც მავლდენური რელიგიის მტერი და სპარსეთის იდეოლოგიური მოწინააღმდეგე.

მომდევნო საუკუნეებში ნეკრესის საეპისკოპოსო ერთ-ერთი ძლიერი ფეოდალური ერთეული იყო საქართველოში. მისი ეპისკოპოსები საუკუნეთა მანძილზე სათავეში ედგნენ კახეთის ერთ-ერთ სადროშოს. იქ იქმნებოდა მრავალი ორიგინალური თუ ნათარგმნი თხზულება, რომლებიც მინიატურებით და მდიდრული ორნამენტული სამკაულით იყო ხოლმე შემკული. ასეთი კულტურულ-საგანმანათლებლო მოღვაწეობა მეტ-ნაკლები ინტენსიურობით არ შეწყვეტილა აქ თვით 1811 წლამდე, როდესაც საბოლოოდ იქნა გაუქმებული ნეკრესის ეპარქია. სამწუხაროდ, ამ კულტურული კერის ნაშრომ-ნაღვაწის უმეტესი ნაწილი უამთავცვლამ და ავზედობამ შთანთქა. მაგრამ ის, რაც გადარჩა, ან რამაც სხვა ცნობებით მოაღწიო ჩვენამდე, ნათელს ხდის ძველი ქართული მატერიალური თუ სულიერი კულტურის ისტორიაში ნეკრესის სავანის თვალსაჩინო ადგილს და მნიშვნელობას.

ი. ჯანდიერი.





იგრიკა, მარიალისა... ესენიც თვეთა ძველი ქართული სახელწოდებებია და თუ რომელი რა თვეა, ეს თქვენ თვითონ ამოიკითხეთ.

ახლანდელ მეშვიდე თვეს კი ძველი ქართულით თიბისა ერქვა, ხალხურად — კვირიკობის თვე და მკათათვე. ივლისი რომელი იმპერატორის იულიუს კეისარის პატივსაცემად დაურქმევიათ, დღეებსაც ჰქონიათ ძველი ქართული სახელები. კვირას — მზისა; ოთხშაბათს მთოვრისა; სამშაბათს — არაოსი; ოთხშაბათს...?

შეიძინეთ ეს პატარა წიგნი — კალენდარი, თუ გინდათ, რომ ცოდნა განიმტკიცოთ და ბევრი რამ ახალი ისწავლოთ!

ბივი ზინინაძე

**ჯადოსნური ბურთი**

პოეტმა გივი ზინინაძემ ამ წიგნში პიესა — ზღაპარი შემოგთავაზათ. ბევრს ალბათ ეს პიესა ნანახი გექნებათ მოზარდ-მაყურებელთა თეატრში. ვისაც არ გინახავთ — წაკითხვით ისიამოვნებთ. ზოგმა კი იქნებ გათამაშებაც მოიხალოს და სკო-

ლის სცენაზე განახიეროს! საბავშვო მწერლებს ხშირად სმენიათ თქვენგან საყვედური პიესების ნაკლებობის გამო. პოეტმა სცადა თავისწილად თქვენი სურვილი შეესრულებინა.

აი, ამ პიესის მოქმედი პირები: უცნაური ბიჭი, ბურძღლა, კოხტა-პრუწა, ხანძარა, მებთამაპყრობელი ელამ ბეი, ტანღერ-წამხათუნი... კარგი სექტაკლი კი თქვენზე იყოს!



ბურამ ბახტაძე

**ასე იწყება ცნობრების ბუა**

ამ წიგნის ავტორს კარგად იცნობენ ჩვენი რესპუბლიკის პიონერები. გ. ბახტაძემ თითქმის მთელი საქართველო შე-

მოიარა, გაეცნო სხვადასხვა თაობის პიონერთა საქმეებს, შეხვდა და ესაუბრა პირველ პიონერებს.

ამ კრებულში თავმოყრილი ნარკვევები, ამ მოგზაურობისა და შეხვედრების შედეგად არის დაწერილი. ისინი მოგვითხრობენ ჩვენი ნორჩი თაობის საინტერესო და მრავალფეროვან საქმეებზე, მკითხველის თვალ-



წინ გააცოცხლებენ საქართველოს პიონერთა ორგანიზაციის ისტორიის ბევრ საგულისხმო მომენტს.

**ვანო ცერცვაძე მამულე გზამდეს ჩვენი!**

ეს წიგნი ვ. ი. ლენინის სახელობის პიონერთა ორგანიზაციის 50 წლისთავს ეძღვნება. იგი

ეხება ჩვენი რესპუბლიკის ყველა თაობის პიონერებს, ვინც საბჭოთა საქართველოს გარიჟრაჟზე პირველ პიონერთა რაზმებს ჰქმნიდა და უფროსებთან ერთად ახალ ცხოვრებას აშენებდა; ვინც ჩვენი ქვეყნის განსაცდელის უამს არ უშინდებოდა, არც უამინდობას, არც დაღლას, კომკავშირელებთან და კომუნისტებთან მხარდამხარ ხელმედაკაპიწებული შრომობდა და სქედდა გამარჯვებას; ვინც იარაღით იბრძოდა მტრის წინააღმდეგ.

მათ უმაწვილოურ გაცეებასა და ოცნებებზე, სიხარულსა და მეგობრობაზე. შრომისმოყვარეობაზე და კეთილ საქმეებზე, სამშობლოს უსაზღვრო სიყვარულსა და თავდადებაზე მოგვითხრობს ეს წიგნი.



# საუბრო

## «სუნარი ოპუნა»

**სიმონ სხირგლაძე.**  
საქართველოს დამსხურებული მასწავლებელი

შენ არც ისე პატარა ხარ, ხელის ჩაჭიდებას ითხოვდე. ვიცი, კარგახანია მერხს უზიხარ და სკოლაში მიღებული ცოდნით ჩვენს სამყაროს შორი-ახლოდან აკვირდები, დღე-დღეზე

ჯეჯილივით მუხლს იყრი და ეს-ეს არის დაპურებასაც გვპირდები.

მაგრამ შენს ხარბ ცნობისმოყვარეობას მარტო სასკოლო სახელმძღვანელოები და აღმზრდელი მასწავლებლები ვერ დააკმაყოფილებენ. რაც დრო გავა, მით უფრო ახალ-ახალი და მრავალფერადი ინტერესები აგედევნება, ისინი ერთიმეორეს გადაეკონება, ხოლო ორი-

ვე ერთად ფრთაშესხმული ბედაურებით სადღაც გაგაქროლებენ, საოცნებო ნავსაყუდელს მოგანატრებენ. და აი, შენც უკვე ცხადად განიცდი და ხედავ, რომ სკოლის სარკმლიდან რაღაც წარმტაცი ჰორიზონტები მოჩანს, რომ მასთან მისვლა, მისი გაცნობა-შესწავლა მთელ შენს არსებას სწაღია, სასიამოვნო ჟრუანტელსა გგვრის.

რა უნდა ჰქნა, სად უნდა მოიკლა ეს წყურვილი, რომელ მთაზე უნდა ახვიდე, რომ მთელ ქვეყანას თვალი მოავლო, საზოგადოებრივი მოვლენების რთულ დინებაში ჩაიხედო. ამ სანუკვარ საწადელს შენ ვერ დაიკმაყოფილებ, თუნდაც ალაზანს დაეწაფო, ანდა მარად თოვლიანი კავკასიონის მაღალი ქედებიდან გადმოხედო ქვეყანას! ვერ დაიკმაყოფილებ იმიტომ, რომ ეს გონების წყურვილია, და გონებას ხომ იცი რა უყვარს? გონება მარტო ესთეტიკური ჭვრეტით როდი კმაყოფილდება, იგი

უმეტესად ისეთ საშუალებებს ეძიებს და ეტანება, რომელიც ცხოვრებას გაგაღვილებს, გარემყარის გარდაქმნაში დაგეხმარება.

რაკი ასეა, მოდი, სხვა გზას დაადგეთ, მოვძებნოთ ისეთი ადგილი, სადაც კაცობრიობის გონებრივი ნაჭირნახულველია თავმოყრილი და საიდანაც გამოტყორცნილი სხივები არნახულ ელვარებას გამოსცემენ, სიძნელეებით აღსავსე გზას გვინათებენ, წინსვლას გვიადვილებენ.


თუ შევძელი, გულითა მწადია ეს შენთვის ახალი ადგილი (თუნდაც პირობითად „ქალაქი“ ვუწოდოთ მას) მოგაწონო, შეგაყვარო და შენ „დაგისაკუთრო“, დაგისაკუთრო იმიტომ, რომ იქიდან გამოტანილი ცოდნით, რომელიც ყოველგვარ ნივთიერ საუნჯეზე ძვირფასია, უძლეველი შეიქნები და ბარათაშვილის თქმისა არ იყოს, მთელ ქვეყანას „მეფურად გადახედავ“...

ეს საღერდელი მე მინდა აგიშალო, პირველი ჭაშნიკი მე უნდა შეგასვა! ამიტომ ნულარ ყოყმანობ, შენზე გამოცდილი კაცის რჩევა ყურად იღე და საითკენაც წაგიძღვე — მომყევი...

მოდი, ტკბილ-ქართული მუსაიფით სულმნათი რუსთაველის გამზირს გავყვეთ, გული ვაამოთ ილიასა და აკაკის სკულპტურული ხატების ხილვით, თვალი შევავლოთ ყოფილი ქართული გიმნაზიის შენობას, სადაც ტატო ბარათაშვილი ჯერ კიდევ გაუხედელი კვიციანი პოეტურ კამარას აყეთებდა, დიწჯი ილია სამშობლოს ბედზე ოხრავდა, ბობოქარი კოტე მარჯანიშვილი ოცნებათა ლურჯ იალქნებს შლიდა.

ახლა ქართული ხუროთმოძღვრების მშვენიერებას — ქაშვეთის ტაძარს ჩავუაროთ, გეზი კეცხოველის ქუჩისაკენ ავიდეთ და კ. მარქსის სახელობის საქართველოს სსრ სახელმწიფო რესპუბლიკური ბიბლიოთეკის მიმზიდველ შენობასთან შევიჩერდეთ. მაგრამ აქ მარტო შეჩერება რა ბედენა იქნება, რა სარგებელს მოგვტანს! მთავარია შიგ შევიდეთ, მის ჭერქვეშ ხანგრძლივი დრო დავყოთ. მერწმუნე, როცა კარს შეაღებ და გაჩირადდებულ დარბაზებს იხილავ, გამოსვლა დაგეზარება, ოცნებათა სამყაროში გადასახლდები. აი, აქ კი ღირს შენი „ღალატი“, არ გვეძიარხება შენი მიტოვება... თუ აქამდე მარტო ჩემი ხმა გესმოდა, ახლა ათასობით წიგნი ამოიდგამს ენას, რა საკითხველ გნებავს, იმაზე გაგიმართავს გონივრულ საუბარს, მრავალ საიდუმლოებას გადაგიხსნის. ეს საუბარი კი ფრიად სასარგებლო იქნება, რადგან ამ წიგნებში ცხოვრების სინამდვილე, მეცნიერული აზრი და პრაქტიკით შემოწმებული ჭეშმარიტება ღალადებს.

ვიდრე რომელიმე წიგნს გადაშლი-



დე და ფიქრთა ოკეანეში შესცურავდე, მინდა აქედანვე მოგაგონო, რომ ცოდნის შეძენა-დაუფლება ხანგრძლივი შრომისა და მტკიცე ნებისყოფის პირობაა...

შენს გონებრივ წარმოსახვაში მარადის უნდა მიმოდინდნენ აზროვნების საკაცობრიო ტიტანები, გაქეზებდეს მათი ბუმბერაზული შრომა და მოქმედება. სამაგალითოდ მინდა გაიხადო თუნდაც ის ფაქტი, რომ ჩერნიშევსკიმ, მონდომების წყალობით, სპარსული ენა ლიმონებით მოვაჭრე სპარსელისაგან შეისწავლა!

ჩვენმა სასიქადულო პროზაიკოსმა, მ. ჯავახიშვილმა ალავერდის სპილენძის მადნებში მომუშავე ფრანგებისაგან შეიტკბო ბალზაკისა და პიუგოს ენა. გახსოვდეს, მტკიცე სურვილსა და ნებისყოფას წინ ვერაფერი გადაეღობება, და თუ გადაეღობა, ხმელი ღობესავით ჩაიფშენევა.

ახლა კი შევთანხმდეთ იმაზე, რომ შენ ამიერიდან ამ დიადი შენობის (რომელსაც პირობით „ქალაქი“ ვუწოდებ) ღირსეული მოქალაქე გახდები, რომ შენ იქ, გარდა სუფთა რვეულებისა გარედან არაფერს შეიტან, გამოტანი თ კი, აუწონელ გონებრივ საუნჯეს გამოიტან.

და თუ ოდესმე სინდისი შეგაწუხებს და წიგნის განუზომელი ამაგი საგონებელში ჩაგაგდებს, მოდი, დროთა განმავლობაში შენს სათაყვანო ბიბლიოთეკას შეძლებისამებრ საკუთარ კალმით შეეწიე, ვაზივით მსხმოიარე მის

თაროებს შენი წიგნებიც შემატე. ვაჟა, ასეთ მოვალესაც და გამსესხებელსაც.

რაკი ჩვენი ჟურნალის ფურცლებიდან შენ კარგად იცი ამ „ქალაქის“ ისტორია, მე აღარაფერს გეუბნები იმაზე, თუ როგორ ჩაეყარა საფუძველი იმ ბუმბერაზს, დროთა განმავლობაში როგორ ატორტმანდა იგი „წყნარ ოკეანედ“.

მოდი, შენც დატკბი მისი ტალღების სასიამოვნო დინებით, შენც მოისმინე მისი წყნარი ხმაური. ნუ დაგავიწყდება, რომ შენ საშუალო სკოლის მოსწავლე ხარ და დადგენილი წესით, მერვე კლასიდან უფლება გექვება ბიბლიოთეკაში იარო, მკითხველის უფლებით ისარგებლო.

ახლა ისევ ჩემსკენ შემობრუნდი, მე მომენდე და მომყევი...

მე ისევ და ისევ შენობის შიგნით გეწევი, იქ მინდა „შეგიტყუო“ და წიგნების ხანგრძლივ ტყვეობაში დაგტოვო; არ შედრკე, უკან არ დაიხიო... პირობა პირობა! აკი გითხარი, აქ სულიერ შიმშილსა თუ წყურვილს ვერ იგრძნობ, ბუმბერაზ მთებად შემდგარი წიგნების მალალი თაროებიდან დაქანებული ჩანჩქერები წყურვილს დაგიოკებენ, უკვდავების წყაროს შეგასმევენ; ყოველივე ამაზე ჯერ სიტყვიერად მინდა გესაუბრო, ხოლო როცა თვითონ შენ ჩაუჯდები მას, რალა შეედრება იმ წუთებს, იმ სულიერ ნეტარებას.

ბევრი, ძალიან ბევრი რამ ინახება აქ კაცობრიობის გონებრივი ჭირნახული-



დან, რას არ მისწვდება მის თაროებზე ცოდნის შექმნით აბორგენული ადამიანის ხელი. ამ ბიბლიოთეკაში არიან როგორც ხნოერი, ისე ახალგაზრდა წიგნები. მდიდარ ხელნაწერთა ფონდში მნახველთა დიდ ინტერესს იწვევს ეტრატზე შესრულებული IX საუკუნის „იერუსალიმის განჩინება“, ტყავადაკრულ ხის ყდაში მზრუნველი ხელით ყვითლად ჩასვენებული XI საუკუნის ხელნაწერი — ქართული „ოთხთავისა“. აღარაფერს გუებნები საბას, გურამიშვილის და სხვათა ავტოგრაფიულ ქმნილებებზე.

ასლა თუ თვალს შევაავლებთ ბეჭდური სახის პროდუქციას, სად მივწვდეთ, ასე ნაჩქარევად რომელი ერთი ჩამოვთვლოთ თორმეტ მილიონამდე ეგზემპლარიდან. აქ შენ შეხვდები 1629 წელს რომში გამოცემულ „ქართულ-იტალიურ ლექსიკონს“ და „ქართულ ანბანს ლოცვებითურთ“; მზერას ვერ მოაშორებ მოსკოვისა და თბილისის ქართულ სტამბებში არჩილ მეფისა და ვახტანგ მეექვსის მიერ საუცხოოდ გამოცემულ საეკლესიო წიგნებს. ვიცი, მარტო შეხედვით ვერ მოიკლავ სიყვარულს და ხელში რამდენჯერმე შეატრიალებ უკვდავი შოთას პოემას, რომელიც 1712 წელს გამოიცა ვახტანგ VI წინასიტყვაობითა და მეცნიერული კომენტარებით. კიდევ უფრო მაღალი პოლიგრაფიული ოსტატობითაა დამზენებული იგივე „ვეფხისტყაოსნის“ 1888 წლის, ე. წ. ქართველიშვილის გამოცემა, რომელმაც სტოკჰოლმში ორიენტალისტთა კონგრესზე, დიდი მოწონება დაიმსახურა.

რამდენადაც ეს უზარმაზარი „ქალაქი“ უნივერსალური პროფილის ცენტრალური დაწესებულებაა, იგი მარტო რესპუბლიკის ეროვნულ წიგნთსაცავს როდი წარმოადგენს. მის უთვალავ თაროებზე მრავალი ქვეყნის გონებრივი პროდუქციის ანარეკლს ნახავთ და შეხვდებით.

რამდენის მთქმელია თუნდაც ის

ფაქტი, რომ ჩვენი ბიბლიოთეკა 18 ქვეყნის 34 ორგანიზაციასთან აწარმოებს საერთაშორისო წიგნთგაცვლას. როგორც დემოკრატიული, ასევე კაპიტალისტური ქვეყნიებიდან მრავალი სახის მხატვრული და სამეცნიერო ლიტერატურა ამდირებს მის ფონდებს. ამ მხრივ დიდი ყურადღება ექცევა ახალგაზრდობისათვის ზრუნვას. ბიბლიოთეკის სპეციალური განყოფილება სისტემატურად იღებს ევროპულ ენებზე გამოცემულ ენციკლოპედიებსა და ლექსიკონებს. ამჟერად ჩვენ მოგვეპოვება გერმანულ ენაზე 1967 წელს გამოცემული ლექსიკონის ორტომეული, რომელსაც თავისუფლად იყენებენ ამ ენით დაინტერესებული ახალგაზრდები. დიდი მოწონებით სარგებლობს ინგლისურ ენაზე შედგენილი საბავშვო ენციკლოპედია.

უცხო ენების შემსწავლელთათვის სხვადასხვა ქვეყნიებიდან გამოწერილია დამხმარე ლიტერატურა. ბიბლიოთეკას დიდძალი რაოდენობით მოეპოვება მსოფლიო კლასიკოსთა მხატვრული შედეგები, დაწერილი მათთვის მშობლიურ ენაზე. (მაგ. მარკ ტვენი, ანდერსენი და სხვ.).

თავის მხრივ ჩვენი ბიბლიოთეკაც არ რჩება ვალში განათლებულ სამყაროს. დემოკრატიული თუ კაპიტალისტური სახელმწიფოების წინასწარი დაკვეთით ჩვენგანაც მიაქვთ დიდძალი ისტორიულ-ეთნოგრაფიული და მხატვრული ლიტერატურა. ხელოვნებათმცოდნეობის სპეციალისტებს ძალზე აინტერესებთ ამ სახეობის ლიტერატურა, ქართველი ხალხის მატერიალური და სულიერი კულტურის უნიკალური ძეგლების შესწავლა. ასე რომ ჩვენს ბიბლიოთეკას მრავალფეროვანი კულტურულ-საგანმანათლებლო ურთიერთობა აქვს გაჩაღებული სხვადასხვა ქვეყნიებთან, რაც ხალხთა მშვიდობისა და საყოველთაო პატივისცემის ერთ-ერთი მნიშვნელოვანი ფაქტორიცაა.

ბიბლიოთეკაში დაცული ფონდებიდან ცხოველ ინტერესს იწვევენ საზღვარგარეთის ქვეყნებში სხვადასხვა დროს გამოცემული ის წიგნები, რომელნიც ქართველი ხალხის ეთნოგრაფიულ ყოფასა და სამწიგნობრო თუ პოეტურ კულტურას შეეხებიან. ასე მაგალითად, იშვიათ გამოცემათა ფონდში მოკრძალებით ინახება 1912 წელს ლონდონში გამოცემული „ვეფხისტყაოსნის“ უორდროპისეული თარგმანი, რომელიც ქართველთა შორის წერა-კითხვის გამავრცელებელი საზოგადოებისათვის მომზადებული ქართული ავტოგრაფით უსახსოვრებია მთარგმნელის ძმას ცნობილ ქართველოლოგს — ოლივერ უორდროპს.

აქვეა დაცული ილიას „განდეგილის“ უორდროპისეული თარგმანი ინგლისურად, გამოცემული ლონდონში, 1895 წელს.

იშვიათ გამოცემათა ფონდშია დაცული ძველი სამყაროს დიდი მოაზროვნისა და ფილოსოფოსის სენეკას თხზულებანი, გამოცემული 1506 წელს. მაღალი პოლიგრაფიული ხელოვნებით არის დამზენებული ფრანგულ ენაზე შარდენის „მოგზაურობა“, გამოცემული 1686 წელს. აქვე ინახება ქართული კულტურისათვის ცნობილი არქანჯელო ლამბერტის საქვეყნოდ გახმაურებული ეთნოგრაფიული ნაშრომი საქართველოზე, რომელიც გამოცემულია 1654 წელს.

მაგრამ ამჟერად უკეთესია იმ წიგნებზე გესაუბრო, რომელსაც შენი გონებისა და ასაკისათვის უფრო მისადაგოვია, რაც უფრო შეგერგება. ასეთი კი უთვალავია... ისინი ცოდნის სხვადასხვა სფეროდან დიდძალ მასალას მოგაწვდიან. რად ღირს თუნდაც სერიული სახის მონოგრაფიები გამოჩენილ ადამიანებზე! ჩვენ ხომ ქართულ ენაზე მოგვეპოვება პოპულარული ენით დაწერილი წიგნები ისეთ ადამიანებზე, როგორც იყვნენ: ანდერსენი, მაინრიდი, პუშკინი, ლერმონტოვი, ბესიკი, ბაგრატიონი (ბოროდინის გმირი), გ. სააკა-



ორ ადგილას ვახვრეტელი ხის ღერძულა, კარგად არეგულირებს ჩანგალზე გამოდებულ ვასაქიმ ბაწარს.


აგურის ან ბეტონის კედელში ვიდრე ნახვრეტს გააკეთებდე, ლეიკოპლასტიკის საშუალებით იქვე, მუყაოს გაკეცილი ნაქერი მიაკარი და ოთახი მტვერსა და დანავავიანებას გადარჩება.

რეზინის ფურცელზე წებო ძნელი წასასმელია, რადგან რეზინი წამში ივრიხება ხოლმე, ამიტომ კარგი იქნება თუ წინდაწინ ქვეშ ლეიკოპლასტიკის ამოაკრავ.

თუ კედელზე ბზარი გაჩნდა, ასე მოიქეცი: შეადგინე და პოლიეთილენის ტომსიკაში ჩაასხი საგანგებო სამშენებლო ხსნარი. ტომსიკას კუთხე მოაჭერი, ხელი მოუჭირე და გამოყოფილი სითხე ბზარს გააყოფე.



ნაყოფით დახუნძლული ბოსტნეული თუ ხენდროს ბუჩქი მიწაზე გაწვევა ხოლმე, ნაყოფს მზე და ჰაერი ვერ ხვდება და კარგად არ მწიფდება. გააკეთე მავთულისხვან ასეთი საყრდენები და ულორტები ზედ გადააწ-



ძე, სერგანტის, მიკლუხო-მაკლაი, მარკ ტვენის, მიაკოვსკი და მრავალი სხვა. ანდა ვის შეუძლია გულგრილად შეათვალიეროს საქვეყნოდ აღიარებულ მოგზაურთა წიგნები ჩვენი მატერიკის სხვადასხვა ქვეყნებსა და შორეულ მხარეებზე, უმდიდრეს ფლორასა და ფაუნაზე; ვინ მოსწყვეტს თვალს 12 ტომად წარმოდგენილ ნაშრომთა სერიას სახელწოდებით: „ნადირობა, მოგზაურობა, თავგადასავალი“. რას არ ამოიკითხავთ მათში ჩვენთვის ჯერ კიდევ უცნობი ქვეყნებისა და ტომების შესახებ!

ბიბლიოთეკის მაღალი თაროებიდან შენ გაგიღიმებს საუცხოო წიგნი — „ციციფერი პლანეტის შვილები“, რომელშიც მოთხრობილია ჩვენი ქვეყნის მამაც მფრინავებსა და კოსმონავტებზე. თუ რუსულ ენას დაუფლებული ხარ, შეგიძლია გავცნო ცნობილი ოკეანოგრაფების მიერ სამხატვროდ შედგენილ კრებულს — „ზღვა“.

დიდძალი და საინტერესო ლიტერატურა შეგიძლია გადაიკითხო ხელოვნების დარგის გამოჩენილ წარმომადგენლებზე, გავცნო და დატკბე მათი შედეგების რეპროდუქციებით.

თუ რევოლუციამდელი საბავშვო ლიტერატურით დაინტერესდები, თუ მოგივლის კეთილშობილი სურვილი ჩაიხედო იმ ჟურნალ-გაზეთებში, რომლითაც შენი წინაპრები თავის გულსა და გონებას ასაზრდოებდნენ, შეიარე ამავდენ შენობის მხარეთმცოდნეობის განყოფილებაში, მოითხოვე უკვდავი გოგებაშვილის „დედა ენა“ და „ბუნებისკარი“, ანდა, ამავდენ ავტორის მიერ უბადლო პედაგოგიური ოსტატობით შედგენილი საკითხავი წიგნები. აქვე ნახავ თავისდროისათვის სამხატვროდ დასურათებულ საბავშვო ჟურნალებს: „ჯეჟილსა“ და „ნაკადულს“.

რამდენ რამეზე გელაპარაკო, რა ენა ჩამოთვლის იმ გონებრივ საუნჯეს, რაც ამ „ქალაქის“ ფონდებშია დაცული?

დიდძალი ლიტერატურა ამძიმებს ბიბლიოთეკის თაროებს წარსულიდან. მეოცე საუკუნეში ხომ ყველას გადააჭარბა! ეს საუკუნე ხომ მეცნიერების ტრიუმფის საუკუნეა, მან ხომ მთელი სამყარო შესძრა და აალაპარაკა.

რაც ამ „ქალაქში“ ერთდროულად შემოდის, მარტო იმის წაკითხვას ერთი კაცი რამდენიმე წლის თავაუღებელი შრომითაც კი ვერ მოერევა. თბილისის კარლ-მარქსის სახ. ბიბლიოთეკაში შენ შეხვდები ისეთ წიგნსაც, რომელიც არც ერთი ქვეყნის წიგნთსაცავში არ მოიპოვება. ბიბლიოთეკის თავაზიანი თანამშრომლები და გაჩირაღებული დარბაზები გულუხვ მასპინძლობას არ მოგაკლებენ. ბიბლიოთეკაში დაცულ საუნჯეს გულმოდგინედ იცავენ ბიბლიოთეკის თანამშრომლები, ცუცხლგამძლე ბალონები. ასე გასინჯეთ, წიგნის „ჯანმრთელობაზეც“ კი ზრუნავენ აქ, სამხატვრო სანიტარულ-ჰიგიენურ პირობებს უქმნიან, რათა ადამიანებივით თავისუფლად ისუნთქონ მათაც. თუ რომელიმე წიგნის სათუთ ფურცელს რაიმე სახის ავადმყოფობა შეეყარა, ყველანი ფეხზე დგებიან, ძალ-ღონეს არ იშურებენ მის გადასარჩენად. მართლაც, ერთ უბრალო წიგნს, რომელსაც მიკრობი მოერევა, შეუძლია ებიდეშია სხვებზედაც გადაიტანოს, გენიალურ ავტორთა ტომეულები ნაცარ-ტუტად აქციოს. მაგრამ წიგნის ყველაზე საშიში მტერი ჩემო კარგო, ისევ და ისევ ადამიანია. მხედველობაში გვაქვს გარეწარი და უსინდისო ადამიანი, რომელიც წიგნს არ ინდობს და ხშირად მჭრელი იარაღითაც კი ფატრავს მის ფურცლებს. ასეთ ბარბაროსზე არც კი ღირს ლაპარაკი, მის ფეხქვეშ მიწა უნდა იწვოდეს. ცხადია შენ მათ რიცხვში ვერ გაგრეგ, მაგრამ მინდა აქედანვე მტკიცედ დაიწერო გულის ფიცარზე სამახსოვრო შეგონება, ბიბლიოთეკის წესდებიდან: „ზუსტად შევასრულო ბიბლიოთეკის სარგებლობის წესები.

ფაქიზად მოვექცე ჩემს მიერ მიღებულ წიგნებს, ჟურნალებს და გაზეთებს. არ დავეშვა ტექსტში არავითარი აღნიშვნა, დახაზვა, გვერდის გადაკეცვა და სხვ.“

გავა დრო და ახალი სანახაობის მოწმე გახდები. სულ მალე მეცნიერება შექმნის უმაღლესი ტიპის ბიბლიოთეკა-ავტომატს.

ახლა ხომ საკუთარი თვალთ ხედავ რა წალკოტში შემოგადგმევიან ფეხი, რა „ქალაქი“ გაგაცანი.

ვიდრე წიგნებს ჩაუჯდებოდე და ცოდნით გამდიდრებას შეუდგებოდე, თუ ერთ სურვილსაც შემისრულებ, კიდევ უფრო მადლობელი დაგრჩები: რასაც ხელს მოჰკიდებ, რომელ წიგნსაც ხელში აიღებ, იცოდე გააზრებულად წაკითხე, მასში გაატარებულ აზრებზე შენი შეხედულება და მსჯავრი იქონიე; მიზანში ამოღებულ იდეას ნუ უღალატებ, ყოველი კარგი საქმე ხალისიანი მხნეობით დაიწყო და ხალისითვე დაამთავრე.

ფუჭად გატარებული დრო დამლუპველია.

მამ ასე, მე მივდივარ — შენ კი საიმედო „ქალაქში“ გტოვებ. ჩემდა სახსოვრად მხოლოდ კონებად შეკრულ სუფთა რვეულებს გთავაზობ, რათა მის უთვალავ ფურცლებზე ფოლადის კალმით ბარაქიანი ხენა-თესვა გააჩალო. აბა, მოწყენილობა არ შეგნიშნო... ჩვენ რამდენიმე წლის შემდეგ კვლავ შეხვდებით ერთმანეთს და იმედია გამარჯვებულს გიხილავ. რაც მე გამომრჩა, ანდა რისი წაკითხვაც ვერ მოვასწარი, ნუ დამამადლი, ჭკუადამჯდარი საუბრით გამიზიარე, ცოდნის მასშტაბით და ლოგიკური მსჯელობით დამჯაბნე.

მამინ მეც აღტაცებული გადაგხევევი და დიდი ილიას სიტყვებით ხმამაღლა შემოგძახებ: „ის ურჩევნია მამულსა, რომ შვილი სჯობდეს მამასა“.




ვინე. (სხვათა შორის, ეს არც პამიდორის ბუჩქისათვის არის ურიგო).  
ბანაკში ან სოფლად, სკამსა თუ მაგიდას ეზოში გამოიტანენ. მაგრამ

სკამისა და მაგიდის ფეხები მიწაში ეფლობა ხოლმე, დახედე ამ ნახატს და სცადე, იქნებ შენც შესძლო ჩვეულებრივი ფეხების ასეთით შეცვლა. თუ სათვალეს გლიცერინიანი ჩვრით გაწმენდი იგი აღარ დაიორთქლება. ოქროსვარაყიან თეფშებს და ფინჯნებს სო-

ღით ნუ გარეცხავ — ვარაყი მალე გადაუვა. სოდისაგან რუხ ფერს მიიღებს ალუმიანის ჭურჭელი.

ახლად ნაყიდ ტაფასა და ქვებს მაშინვე ნუ იხმარ, ახალ ქვებში წყალი წინასწარ წამოადუღე, ხოლო ტაფაზე ცო-

ლა-ზეთი დაახსი და აადუღე. ბოლოს ზეთი გადმოღვარე და ტაფა თეთრი ქალღმერთი გაწმინდე.





# ნამკვდი რობინზონი



ბოცმან ალექსანდრე სელკირკის  
თავგადასავალი უპაცრიელ კუნძულ  
მაცა-ტარაზე.

1704 წელს, ოქტომბერში, ხუან-ფერნანდესის არქიპელაგთან (იგი აღმოჩენილია XVI საუკუნეში ესპანეთის გემის შტურმან ხუან ფერნანდესის მიერ) ინგლისის გემმა „ხუთმა პორტმა“ მოულოდნელად სვლას უკლო. რაღაცაზე განრისხებულმა კაპიტანმა ბრძანა წყალში ჩაეშვათ ნავი და შიგ ურჩი ბოცმანი ალექსანდრე სელკირკი ჩაესვათ. მას ჯაზაირი (თოფი) და სურსათით სავსე ტომარა მისცეს.

ტალღებზე მოლივლივე ნავი გემს დაშორდა და რწვეა-რწვეით გაემართა დაუსახლებელ კუნძულ მას-ატერასაკენ. კუნძული გაუვალი ტყეებით იყო დაბურული, უზარმაზარ ხეებს ლიანები შემოხვეოდა. ბევრი ნადირ-ფრინველი ბინადრობდა. ჰაერში აბეზრად ბზუოდნენ მწერები.

სელკირკს ამ კუნძულზე მარტოდ-მარტო მოუხდა ცხოვრება. სიცოცხლის შესანარჩუნებლად დიდი სიძნელებები გადალახა. იგი ნადირობდა გარეულ თხებზე, რომლებიც პირატებმა შემოიყვანეს და გაავრცელეს ამ კუნძულზე, ფრინველებზე, იჭერდა თევზებს, აგროვებდა მცენარეთა ნაყოფს. ერთი სიტყვით, საცვები არ აკლდა.

სელკირკმა ზოგიერთი ცხოველი და ფრინველი მოიშინაურა, მათ შორის ერთი მაიმუნიც, რომელიც თვითონ გაზარდა. ის მისი განუყრელი და საყვარელი არსება იყო, „მარიმონდას“ ეძახდა. თან დაჰყავდა სანადიროდ, ხმამაღლა ელაპარაკებოდა, რომ მეტყველებას არ გადაჩვეულიყო.

სელკირკმა სამეთვალყუროდ ერთი მაღალი კლდე ამოარჩია, საიდანაც მთელი კუნძული ჩანდა. ორჯერ ჩაუშვეს ღუზა კამბერლენდის ყურეში ესპანეთის გემებმა, მაგრამ

სელკირკს თავი არ გაუმტყუნებია რადგანაც იცოდა ესპანელები მას უთუოდ მეკობრედ მიიჩნევდნენ და ჩამოახრჩობდნენ.

მარტოობით გაოგნებულმა ბევრჯერ სცადა დაბრუნება, ბევრჯერ დაანთო კოცონი, როცა ინგლისის გემებს მოჰკრა თვალი, მაგრამ მათ ვერ შეამჩნიეს მისი ნიშანი და სურვილი განუხორცრელებელი დარჩა.

4 წელი და 4 თვე დაჰყო სელკირკმა ამ კუნძულზე და დიდი სულიერი სიმხნევე გამოიჩინა.

1709 წლის 31 იანვარს მას-ატერას ნაპირთან ახლოს დადგა ბრიტანეთის გემი „დიუკი“. გემიდან კუნძულზე მეზღვაურები გაგზავნეს, რომლებმაც სელკირკი წამოიყვანეს. ამ ამბის შესახებ „დიუკის“ კაპიტანი ტომას დავერი ასე წერდა:

„1709 წლის 31 იანვარს ბინდ-ბუნდში ჩვენ დავინახეთ არქიპელაგი ხუან-ფერნანდესი. ცეცხლის აალებამ აიძულა უფროსი როჯერის ფრთხილად ყოფილიყო, ეგონა კუნძულზე ესპანელები იყვნენ, სტვენით გამოუძახეს მოხალისეებს. მეც ჩავჯექი ერთ-ერთ ნავში და მივადექით ნაპირის ვიწრო ზოლს. მე დავბრუნდი უზარმაზარი ასთაკვების ტვირთით. ჩვენ წარმოვადგინეთ აგრეთვე ტყვედ ჩავარდნილი კაცი, რომელსაც თხის ტყავი ემოსა. ის ისეთივე შესახედავი იყო, როგორც ის ცხოველები, რომლებზეც თვითონ ნადირობდა. ვინ იქნებოდა ეს კაცი თუ არა ალექსანდრე სელკირკი, რომელიც აქ 4 წლის წინათ და-



ხუან-ფერნანდესის არქიპელაგი, როგინონ კრუზოს კუნძული.



## გრიგორი სკოვროდას დაბადების 250 წლისთავი

ტოვა კაპიტანმა სტარდლინმა გემზე ბუნტის ატეხვის გამო. მე მაშინ არ შემეძლო წარმომედგინა, რომ დავენმარებოდი ჟურნალისტსა და მწერალს დანიელ დეფოს რობინზონ კრუზოს უკვდავყოფაში!

დეფომ როცა დაწვრილებით მოისმინა სელკირკის თავგადასავალი, 1719 წ. დაწერა უკვდავი ნაწარმოები „რობინზონ კრუზო“, რომელიც ახალგაზრდობის საყვარელ წიგნად იქცა.

„დიუკი“ ლონდონში დაბრუნდა 1711 წელს. სელკირკს მიეძღვნა მრავალი სტატია და წიგნი.

კუნძულ მას-ატერაზე, იმ ადგილას სადაც სელკირკი ცხოვრობდა კლდეზე, აღმართულია თუჯის ფირფიტა ასეთი წარწერით: „ალექსანდრე სელკირკის სამახსოვროდ! მეზღვაური, წარმოშობით ლარკოდან, ფაივის საგრაფო, შოტლანდია. მან ამ კუნძულზე სრულ მარტოობაში იცხოვრა 4 წელი და 4 თვე, გადმოსმული იყო 1704 წელს თექვსმეტზარბაზნიანი, 96-ტონიანი გემიდან „ხუთი პორტიდან“, აქედან წაყვანილია 1709 წლის 12 თებერვალს კაპერ „დიუკის“ მიერ. სელკირკი 47 წლის ასაკში ლეიტენანტის ჩინის მიღების შემდეგ, სულ მალე გარდაიცვალა. ეს ჩინი მას იმპერატორის უდიდებულესობამ მიანიჭა.

ეს დაფა სელკირკის სათვალთვალოსთან აღმართა 1886 წელს მისი საიმპერატორო უდიდებულესობის გემის „ტოპაზის“ კომანდორმა რაველმა და გემის ოფიცრებმა; სელკირკს სამშობლოშიც აუგეს ძეგლი და უკვდავყვეს!

1962 წელს კუნძულ მას-ატერას, ჩილეს შინაგან საქმეთა მინისტრის დეკრეტით ეწოდა რობინზონ კრუზოს კუნძული. ჩილეს სამინისტროს ჩინოვნიკებმა, როცა დეკრეტს წერდნენ ვერ გააჩივეს ლიტერატურული გმირი და პროტოტიპი, ამიტომაც დაუშვეს ეს შეცდომა. მათ სელკირკის სახელი უწოდეს არქიპელაგ მასაფუერას სხვა კუნძულს, სადაც სელკირკი არასოდეს ყოფილა.

კუნძულ რობინზონ კრუზოზე ახლა მრავალი ტურისტი ჩადის, ადგილობრივ მცხოვრებთა რიცხვი 800-მდე აღწევს.

მომე უკრაინელი ხალხი სიყვარულით აღნიშნავს თავისი დიდი მწერლისა და მოაზროვნის გრიგორი სკოვროდას დაბადებიდან 250 წლის იუბილეს. სკოვროდა წერდა ლექსებს, სიმღერებს, იგავებს, ფილოსოფიურ ნაწარმოებებს... მთელი ცხოვრება საყვარელ სამშობლოზე, მშობლიურ ერზე ფიქრში და წუხილში გალია. სიცოცხლის ბოლო 25 წელი კი სოფელ-სოფელ დადიოდა, ძალღონესა და ცოდნას არ იშურებდა მშობელი ხალხის გასანათლებლად. სწორედ ეს პერიოდი ყოფილა მწერლისთვის ყველაზე ნაყოფიერი. მაშინ შეუქმნია „ხარკოვური იგავების“ დიდებული წიგნიც, ზეპირად რომ იციან თქვენმა თანატოლმა უკრაინელმა ბავშვებმა.

ამბობენ, ახლო ნაცნობობა ჰქონიათ გრიგოლ სკოვროდასა და ჩვენს დიდ პოეტს დავით გურამიშვილს, რომელმაც თავისი მეორე სამშობლო უკრაინის მიწაზე ჰპოვა.

ბავშვებო, გთავაზობთ მწერლის სამ იგავს „ხარკოვური იგავების“ წიგნიდან.

### გ უ რ ა უ რ ა ი

როგორც კი ფრთოსნებმა თვალი მოპკრეს ბუს, თავს დაესხნენ — და კორტნა დაუწყეს.

— ქალბატონო, არ გეწყინათ უდანაშაულოს ასე უდიერად რომ მოგექცნენ? — ჰკითხა მერე შაშვმა ბუს, — არ გიკვირთ?

— არ მიკვირს, — მიუგო ბუმ. — ისინი ერთმანეთსაც ასე ექცევიან. წყენით კი მწყინს, მაგრამ რა გაეწყობა, ვითმენ. თუმცა კაჭკაჭები, ყორნები და ჭილყვავები კი მკორტნიან, მაგრამ არწივსა და ჭოტს ჩემთვის ხელი არასოდეს უხსლიათ, ათენელებიც! დიდი პატივით შეპყრობიან.

ის გირჩევნია, ერთ გონიერსა და გულკეთილს უყვარდე და პატივს გცემ-

1 ძველ საბერძნეთში ბუ ქალაქ ათენის სიმბოლოდ ითვლებოდა.



დეს, ვიდრე ათას ბრიყვსაო, — გვეზუნება იგავი.

### თ ა ვ ი რ ა ტ ა ნ ი

საუცხოო, ძვირფას სამოსში გამოწყობილი ტანი თავის წინაშე ყოყორბოდა ამუნათებდა, ჩემი ქონებიდან შენს წილად მეთადიც კი არ მოდისო.

— მომისმინე, ბრიყვო! მუცელი თუ ჭკუის მაგივრობას გაგიწევს, მაშინ კარგად დაისხომე, შენი დიდი ღირსების გამო კი არ გმოსაყვენ ასე, არამედ იმიტომ, რომ ჩემსაგვით მცირედით არ კმაყოფილდებიო, — მიუგო თავმა.

ეს იგავი იმთაზუნა ნათქვამი, ღირსებას მარტოდენ გარეგან ბრწყინვალეობაზე რომ აფუძვნებენ.

### ლო მ ი რ ა მ ი ა უ ნ ი

ლომი გულადმა იწვა და მკვდარივით ეძინა. ნამდვილად მკვდარიათ, — ირწმუნა სხვადასხვა ჯურის მაიმუნთა ხროვამ, მიუახლოვდნენ და ლანძღვა-გინებასა და ხტუნვას მოჰყვეს. სულ გაუქრათ შიში და რიდი ნადირთ მეფისა. ლომი, გამოღვიძების დრომ რომ მოატანა, შეირხა. აქეთ-იქით მიმოიფანტნენ ერთი გზით მოსული მაიმუნები. ყველაზე ხნოვანმა, გონს რომ მოეგო, თქვა:

— ჩვენს წინაპრებსაც სძულდათ ლომი, მაგრამ იგი დღეის დღესაც ლომია და საუკუნოდაც ლომად დარჩებაო...

უკრაინულიდან თარგმნა  
ჯაბა ასათიანმა.



მოძებნე მუდრო ადგილი. სამიზნე ათასნაირი შეიძლება გამოძებნო, ან შენ თვითონ გააკეთო, (მაგალითად, თავის სიმაღლეზე, კედელთან ან ხის ღობესთან ჩამოკიდე ქვაბი ან ვარცლი).  
აიღე ხუთი კენჭი, გადაზომე ათი ნაბიჯი და

ნიე, ასე უფრო მოარტყამ მიზანს. ახლა სხვამ სცადოს, გამარჯვებული ცხადია ის იქნება, ვინც მეტს მოახვედრებს.  
თუ ხმაურა სამიზნემ ვინმე შეაწუხა, უხმაურო სამიზნეც შეიძლება გააკეთო. ფირფიცრი-საგან ბრტყელი ყუთი

რი, მეორე შავი მესამე (წითელი). სამიზნე კედელზე დაკიდე. ზუსტად ნატყორცნი კენჭი სამიზნეს მიამაგრდება. ვინც შუაში მოარტყამს — ხუთი ქულა დაუწერე, მეორე წრეში მოხვედრისათვის სამი, მესამეს ვინც სტყორცნის ის

სოფლად თუ ბანაკად, ეზოსა თუ ველად სხვა თამაშობებთან ერთად კარგი იქნება თუ მიზანში სროლაში შეეჩიბრებით ერთმანეთს. ტყორცნა შეიძლება ქვის, ბურთის, ჯოხის, გირჩის... ეს მოძრაობა ძალიან ანვითარებს მკერდს, ამაგრებს მხრებს, მოქნილსა და დამჯერებს ხდის მკლავს...  
გოგონებს ბიჭებს შეარანაკლებ ზუსტად შეუძლიათ მიზანში ტყორცნა.  
უპირველეს ყოვლისა



სამიზნეს სათითაოდ ესროლე. ხელი გვერდიდან, მხრის სიმაღლეზე მოიჭ-

შეჭარი, შიგ თიხა ჩატკენე. გარედან სამი რგოლი მიხატე (ერთი თეთ-

ერთ ქულას მიიღებს. ითამაშეთ, შეეჩიბრეთ ერთმანეთს, ამით დროსაც მხიარულად გაატარებთ, სხეულსაც გაიკაუთებთ და დიდი სპორტისათვისაც მოემზადებით.

## ს ა კ ი ე ბ ე ლ ი

ხერგინი მ. — რომ იყვავილოს სამშობლოს ზერებმა (ნარკვევი)	1	ნარსია ნ. — ომის დროინდელი სურათი — (ლექსი)	23
ბექიშვილი თ. — ტყე, გახსენება (ლექსები)	3	კამბოჯური ზღაპარი	23
გოგოლაშვილი ვ. — უკვდავების წყაროსთვალი — (მოთხრობა)	4	ჩანდიერი ი. — ნეკრესის მონასტერი (წერილი)	24
დოკვაძე ა. — სიმხნევის წყარო — (წერილი)	12	ახალი წიგნები	25
კაჭახიძე გ. — არ გაგვივირდეს თხუნელავ! (ლექსი).	13	სხირტლაძე ს. — ცოდნის „წყნარი ოკეანე“	26
აფხაზაფა ნ. — დაე, ინათოს! (ფანტასტიკური მოთხრობა)	14	გამოგადგები	28
ჩირიკოვი ი. — გენიალური ცხოველები — (წერილი)	21	ნამდვილი რობინზონი — (წერილი)	30
		გრიგორი სკოვროვს დაბადების 250 წლის თავი (არაკები — თარგმნა ჯ. ასათიანმა)	31
		თამაშობები	32
		ცხრაკლიტული — გარეჯანის 3	

გარეჯანის პირველ გვერდზე მხატვარ რევაზ ცუცქერიძის ნახატი: „ნახირი დაბრუნდა“

**მთავარი რედაქტორი ბაბუღია ზელია.**  
სარედაქციო კოლეგია: შოთა ბაბუღია, ნოდარ გუჩუბანიძე, შოთა ღვინჯიანი, სერგო კლდიაშვილი, შურბან ლიბანიძე, ზურაბ ლეჟაშვილი (პ/მგ. მდივანი), მარიჯანი, თენგიზ სამხონაძე, გაიოზ ფოცხიშვილი (მხატვარი-რედაქტორი).

<p>ჩვენი მისამართი: თბილისი, ლენინის ქ. № 14. ტელეფონები: რედაქტორის — 83-97-05 93-81-81 პ/მგ. მდივნის 83-97-08 93-83-05 განყოფილებების — 83-97-02 83-97-01</p>	<p>საქ. კ. ც. — გამომცემლობის სტამბა, თბილისი ლენინის ქ. № 14. «ПИОНЕРИ» на грузинском языке. Издательство ЦК КП Грузии Типография изд-ва ЦК КП Грузии, Тбилиси, ул. Ленина № 14. დაბეჭდა ისწავლად 20/VI-72 წ. ბელმოწერილია დასაბეჭდად 31/VII-72 წ. ქალაქის ფორმატი 60x80<sup>1</sup>/<sub>4</sub>. ფიზიკური ნაბეჭდი ფურცელი 4. სააღრიცხვო-საგონიშნო ტაბაჩი 4,18. შეჯ. № 2181 ტირ. 129.700. უც 01983.</p>	<p>ფასი 20 კაპიტი</p>
---	---	-------------------------------



შარადები

1.

თუ შემოდგომის იმ თვიდან, რომელსაც მოსდევს ზამთარი. დასაწყის მარცვალს აიღებ; წინა ნაწილი მზად არი; მეორე სიტყვა — დაფაა, გამოფენილი საგნების — ექვსი ბგერიდან სამია ბოლოში გამოსაკლები; — სოფელი გახლავს პატარა, არწივთა ბუდის სადარი, მან აღუზარდა სამშობლოს ლეგენდარული სარდალი.

2.


სუსხსა და ძლიერ სიცივეს რა ეწოდება, მითხარ, — მეორე მარცვლის მოწყვეტას ნუ დააყოვნებ დიდხანს. ფეხის მუხლსა და კოჭს შუა ნაწილიც იცი ალბათ, ბოლო თანხმოდანს სისინა ბგერით შეუცვლი სწრაფად, შეკრებ და... მონასტერია, თქვი, რამელია აბა?

შ. ამირანაშვილი.

ფოსტო გზავნილობა; 22. რუსეთის მდინარე; 23. თვე; 25. რაიმე საბუთის პირი; 26. სრუტე ევროპაში; 29. მცენარე; 30. ფრინველი.

თარაზულად: 2. მიწდგრის ყვავილი; 3. საკრავი ინსტრუმენტი; 5. ვაუიშვილი, ანუ?; 7. ციხე-სიმაგრე მესხეთში; 8. თალი, ანუ? 11. გადასახალი, ჯარიმა დაწესებულები ვადის შეუსრულებლობის შემთხვევაში; 12. ყვავილი; 16. ქართული საკრავი ინსტრუმენტი; 17. პირველი ქართველი მგრიანი; 18. სამკურნალო მცენარე; 19. ციური მოვლენა; 20. კურკელი; 24. აღორძინების ხანის იტალიელი მხატვარი; 27. ძველი ქართული მონასტერი საბერძნეთში; 28. ქალაქი გერმანიაში; 31. საციგურაოთი განთქმული ქალაქი დასავლეთ გერმანიაში; 32. მდინარე ციმბირში.

მამა სინარულიძე, მახარაძის რაიონის სოფ. მაკვანეთის საშუალო სკოლის V კლასის მოსწავლე.



შპეულად: 1. მდინარე გერმანიაში; 2. თმის საღებავი; 3. პოლონეთის ქალაქი; 4. ანცი, ანუ? 6. ადამიანის სხეულის ნაწილი; 9. სიმდიდრე, ანუ?... 10. რკინი-

გზის სადგური კახეთში; 13. გემზე ამართული მაღალი ძელი; 14. კურკელის სახეობა; 16. ძველი საქართველოს სახელწოდება; 17. ღვინის შესახები კურკელი; 21. სა-

თხუთმეტი განსხვავება

ერთი შეხედვით ეს ორი სურათი ტყუპის ცალგბევით ჰგავს ერთმანეთს. მაგრამ თუ ყარადღებით დააკვირდები, მათში თხუთმეტ განსხვავებას აღმოაჩენ.



**პესუნი № 7-ში მოთავსებულ „სხრაკლიგულზე“**

ქ რ მ ს ვ მ რ დ ი

შპეულად: 1. ამუდარია; 2. ციცერონი; 3. ერერა; 4. არმია; 5. იალონი; 6. ინგირი; 11. ლექსიკა; 13. რაფსოდი; 14. ხეობა; 15. ალამი; 17. გოდოლი; 18. დუმბილი; 20. კლაიპედა; 21. დრიადი; 23. ირემა; 24. ბომბილი.

თარაზულად: 3. ერუდიცია; 7. სახარება; 8. „რამაიანა“; 9. როჭო; 10. გორილა; 12. არაბია; 14. ხათაია; 16. კოსმოდემიანსკაია; 19. აკორდი; 22. ადონაი; 24. ბინომი; 25. აისი; 26. კლარნეტი; 27. აღმირალი; 28. ანეროიდი.

6159/97

ИНДЕКС 76157

ქართული  
ბიბლიოთეკა



კამეჩაზი

ლალი კოტიაშვილი,  
კასპის რაიონის მესამე სკოლის  
მე-4 კლასის მოსწავლე.

ეტიკა

